

ЦІубарз

КІива зуруй цал буккайсса
литературийну-художествийсса
ва жяматийну-политикийсса
журнал

1/2017

Двухмесячный
литературно-художественный
и общественно-политический
журнал

Учредитель:

Министерство по печати
и информации РД

ХЪУНАМА РЕДАКТОРНАХЛУМА
Мурад АхІмадов

Итабакълакьиссар
1952 шиная шинмай

РЕДКОЛЛЕГИЯ:

*Журнал основан в 1952 году
Расулом Гамзатовым*

С. АхІмадов
Э. Аьбуллаев
Р. Башаев
М. Давыдов
Х. Илиясов (*редактор*)
Аь. Исмяилов (*хъиригчу*)
ХІ. КІурухов
К. Мазаев
Сс. Увайсов

1/2017

январь - февраль

Государственное
бюджетное учреждение
Республики Дагестан
“Редакция республиканских лите-
ратурных журналов “Соколенок”
и “Литературный Дагестан”

Электронный адрес редакции:
litdag@mail.ru

ЖУЖРАВУ БУМУР

ПОЭЗИЯ

А. ХІажиев. Рубаи.....	31
ЧІабадуш. Лакрал халкъуннал лахъи балай.....	70
Чанкура КъурбанмахІяммадов. <i>Шеърирду</i>	65

ПРОЗА

М. Давыдов. Вихшала. <i>Роман</i>	3
Р. Башаев. Лях-карах кунна дурсса чичрурду.....	55

ПУБЛИЦИСТИКА

Б. Аьлиева. Гьидалтил оьрмулуд драма.....	49
М. Оьмаров. Генерал Насибу. Аждагьалуйн данди ацІаву.....	55
С. Мусаев. Мудангу хьхьичІунсса ххуттай.....	60

КРИТИКА ВА БИБЛИОГРАФИЯ

Р. Илдарова. Хъунасса аьлимчунаясса чІивисса махъ.....	42
--	----

ККУРЧИА

Лакку шаммарду.....	63
---------------------	----

Регистрационный номер ПИ ТУ № 05 - 00360 от 12.12. 2016 г.
Выданный управлением Роскомнадзора по Республике Дагестан.

Новолуние №1 январь - февраль

На лакском языке

Выход в свет 14.03. 2017 г. Тираж 397 экз.
Заказ № 0205 Цена свободная.

Типография: Издательский дом “Дагестан”
Адрес типографии: 367018, РД, г. Махачкала, пр-т Насрутдинова, 61

*Редакция и издатель: Государственное бюджетное учреждение Республики Дагестан
“Редакция республиканских литературных журналов
“Соколенок” и “Литературный Дагестан”.
Адрес редакции и издателя: 367000, РД, г. Махачкала, ул. Даниялова, д. 55.*

Проза

Мирза ДАВЫДОВ

ВИХШАЛА

Роман

Дайдихъу №№ 5,6 2016

9

Армиялия зана хъусса гъантрайва буттал Маратлухъ куна:

– Ина, ттул арс, институтравун уххан хІадур хъанахъу. Дуркусса инсаннал каши хъуннасса дур. ЦІана циняв дуккаврихун багъну бур. Муний навагу рязира. Заманалул буши баххана хъанай бур, жагъил-мийгу чІумушал бачин аьркинссар.

– Анавар къабукканну, ттул ппу, – куна Маратлул цаламур пикригу ганан бувчІин бан ччай. – Зугу бугъара хъуну буру, зунгу чанссарагу рахІатшиву дан аьркинни. На гъашинусса зунна, яла ялунчІин ухханна институтравунгу.

– Гъунт тІисса бюрунттуй хъиртту къавхъуссар тІар, ялунчІин тІисса хавардугу циппа бивтун, вила дуккавилрсса бува. ИчІалу вил кумаграх ялугълай дакъархха. Ппалав ризкъи бур, букан ччатІ бур, лаххан янна дур.

– Гъашинусса заводраву зун гъан ихтияр дула, ттунна нара янна-усругу ласун аьркинни. Ттушал архІалми личІи циняв институтирттаву дуклай буххурав.

– Ттул цайминнашал бяст бакъар, – куна буттал чансса гъалакгу увкун. – Ина вихъва буттал бува кумур бува. На винма хъинмурда булла-лисса. Вин яннагу дан, ччатІгу булун къахъанай уххурав на. На канихъ ххалилсса пиша бусса адаминарахха. ХІалтІилухун гъанна гъашинугу.

Маратлул ссихІ къадурккуна. Ца барзвагу хъуну бакъая буттал хІалтІилуха увкІун. Кислаталул ва кІуршул хъун бувсса тІувтІу уттигу ганал карунная гъан бувая. Гайнуца буттал кару марцІ хъус-са чІун Маратлун тачІавгу къакІула. Шинай кІива-шанма барзгу шаппа бувну лагайва къалайчишиву дуллан хІалтІилухун. Утти, мукъулчинма лякълул оьрчІал – Маратлул оьрмулул къура шин хъуну махъгу, га дуккин аншиврул цайминнал хъулурдавух «кІяла бансса, абия дизансса дувеси бурив» тІий, занан ччай ия. «Юх, ттул ппу» куна Маратлул цахъва-цала, «къахъунссар ттуща хъунав хъуну махъгу ттухава ина зузи ан, нинугу лархІуну дур. Утти чІунссар зун бигъалаган...»

Шаппаминнахъгу институтравун уххан документру булун гъанна куну, ца нюжмардувату Марат МахІачкъалаливн лавгуна. Шагърулийн лагаврил сававгу цанна даву ххал дансса дия. Цавагу пиша канихъ бакъасса ганан заводравун уххангу бигъану бакъая. Ахиргу пикри бу-вна карпушру бай заводравун грузчикну уххан.

Гава къини заводрал чІаравва лаякъаттагу бувгъуну, хъиривмур къини зун лавгуна. Мув бавукун буттан хъинну къаччан бивкІуна. «Ити,

хъус ляхъин зун увххуннича, ити цикссара ляхъайрив кккакканнача» куна цува даврин увхшиву бусласисса Маратлуя бувкІсса чагъаргу бу-
клай, кІири ивчусса буттал ниттихъ. «Га чІивинирасса тарс ацІайсса ха-
сият жагъилсса чув хъуну махърагу къадиртун дакъар. Жуйва рахІму
буллай, жуятува кумаг тІалав къабулланшиврулли ттул арс зун увхсса.
Утти на ганахъ ивчІаннин зума къаахъайссара. На ганан зарал буллай
акъаявхха, цанма хъинбалдаран дуклаку, учутІил хъу, тухтур хъу тІийяв
усса...»

ИвчІаннин арснахъ зума къаахъанна кусса буттан цала махъру ччы-
ни хъама бивтуна. Марат хъхъичІва-хъхъичІмур харжигу лавсун цала
ялун увкІсса чІумал, арснал цинна ссайгъатран ларсѐсса гъухъа бансса
махмурданул янналийн, аьгу аьтІий, ппай тІий дия нину, ппугу ия хъу-
нирхъусса каругу зурзу тІи дурну, къатлувух лаххай мяхсайх ках тІий.
Яла ларсун, яла ххирамур зад дукъайсса кунна шифонерданул ялув,
циняннан чІаланний бивхъуна.

Цала ларсѐсса мяхсах, гъухъа бансса махмурданух ганал нину-ппу
мюхтажну бакъашиву Маратлун кІула. Цува къалайчи унугу, цІай-цІай
тІи дурсса къирин чакмарду дакъасса къалаххайва буттал. Амма арс-
нал хъхъичІва-хъхъичІ цанма ссайгъатран лавсѐсса мяхсив гай къирин
чакмардаяргу бусравну бия.

Маратлул даву бигъасса дакъая. Конвеердаяту хъами-душварал лик-
кан бувну, бакІурду бувсса карпушру каний аьравалттий гай ччуччайсса
пачличІан ххилай ия. Зузийни, кІири ивчуну, уххаву кІул къахъурчангу,
шавайн увкІсса чІумал, чурх кІу лагаврил дукрараргу дукан ишттахІ
къабикІайва. КІюрххилгу ликри-кару кІу ларгун, даркІуну дикІайва.

Конвеердаяту атилсса карпушру букълакѐсса хъанниву чІявусса
душругу бия. Оьннасса чІун дирияйхту, жагъилталгу гай бусса кІант-
тай бакъасса къабацІайва. Хъярч-махсартту буллай, кувннал кув тяхъа
буккан байва. Карпушру къукъай машина бавцІусса чІумалгу, хъатру
ришлай, ссувхІат буллан бикІайва. Бия душвараву, ацІва классгу къур-
тал бувну, дуклан бухханнин гикку зузиссагу. Бия чунчІав буххан къ-
авхъуссагу. Ларгсса шинал ацІва классгу бувккуну, гиккун зун бувкІун
бия Эльмира тІисса душгу. Эльмира гайми душвараяр ссалчІав личІис-
са бакъая. ЛяличІисса ххуйшивугу ганий дакъая. Амма пахру бакъасса,
циняннащал хІаласса, хІалинсса хасият дусса душ бия. Мукунсса хаси-
ятрал га хъиннува ккаккангу ххуй буллай бия.

КІилчинмур сменалий зузисса чІумал, хъхъувай душру цивпалу
шаппай гъан къабивтун, жагъилтал гай тІайла буккан лагайва. Бия за-
водрая мадара архну я хъанахъиссагу. Эльмира тІурчан, циняннаяр арх-
ну яхъанай бия.

Цал, кІилчинмур сменалий зузисса чІумал, гужсса чявхъа-гъарал
ларчІуна. Мукун гъарал ларчІсса чІумал карпушру къукъай прессегу сар-
гъунну зун къабикІайва. Гъаралгу ялу-ялун гужлан хъанай дия. Муни-
яту зузалтгу, цала-цала къаягъу бувну, ппив хъуна. Архну ялапар хъа-
нахъими гиккува мивун-тивун лявкІуну, гъарал къадагъаннин ялугълай
бия. Амма гъарал къадагълай дакъая, чІунгу най дия. Хъхъунил ссят
кІира хъусса чІумал къутІлатІисса дяркъугу дурккуна.

– Эльмирай, шичча ттучІан, хъинну духъурчан, шантуршра меттра
дакъа дакъахъунссар, бачу жунний шябикІан, – куна Маратлул, кахри
кутІасса гъухъуву га бяхълахъишиву чІалай.

– Хъхъунил ляхълуву цувалусса жагъилначІан душ гъарчан, ккакк-

нал, чІахху-чІарахнал ци чинссар, – куна Элмирал, хас бакъа ганахгу бурувгун. – Ина насу, на кІюрххилнин шиккува бацІанна.

Маратлун бувчІуна га цайнна вихшала дуллай бакъашиву. Мунияту, къаччангу бивкІун, куна:

– Жувания архІал зузисса инсанталлу, вихшала дакъашиву цира, ягу на вин мукссава къадар излай урив? Инава бявкъуну къашай къахъун-шиврулъя укун куссагу. Вин мукун ччай буня махъ, бацІанну шиккува.

– Инава насу. На сававну инавагу инжит шара, – куна Эльмирал, къарчІгу дурну. – Укунсса кІулну, автобусру занай бунавагу гъансси-явхха. Гъарал къакъадагъанххурав тІий, гъан къавхъуна.

– На инанияр хъхъарасса уххурав, ца чунчІавгу къагъанна. – Марат кІива карпушгу цанний-ца бивхъуну, гайннуй щяивкІуна... – Инагу инавалу шикку къабивтун, ттуща гъан шайссарив?

Хъиннува бяхълан бивкІукун, элляж бухлавгъунссия, Эльмирал куна:

– Ачу, амма ина тикку, на шикку щябикІантІиссару.

– Нигъа буслай бухъурчан, на жанахІраву щяикІанна. Гикку шикку-нияр гъилишиву духъунссар, – хъачІругу кІутІу-хъит дурну, Марат лавай ивзуна...

– Ина му тахлий, виргъангу ялун дуртун щябикІу, ччарчан шанашу, – куна Маратлул нигъа-нигъа буслай буна къатлувун бувхсса Элмирахъ. – На ва кІанттуй щяикІанна.

Марат Эльмирайн ттиликІну лув бишай кІанттуй щяивкІуна. Тахлил ца мурцІний Эльмиралгу къуж дуруна...

КІюрххил къатІату нузайн щиллив гъалакнуну къутІ куна. Шанул лях лавгун ивкІсса Марат чантІ куна. Га къутІлий Эльмирагу чантІ куна. Маратлул, яругу лихълай уна, нуз тІиртІуна. Нузах сситтул пурш лавхъсса Эльмирал ппу авцІуну ия. Къуч куну, Маратгу чулухунай увну, га, цІиникъ куна, ЭльмирачІан авчуна.

– Агъ, гужайя, гужай, жу ина зий дуссар тІий, ина хъурчан къахІва-шиврий занай диркІун дурахха, – куну, тахлияту бивзун нанисса ганийн ччан шуна.

– Ина дуллалимур цира? Ссавур дува хъумур бусаннин! – тІий, Марат ганал хъхъичІун агъуна.

Ганалгу цаца шайкун Маратлул чІаврайх хъат риршуна.

– Ина ттуй хъяй ивкІун урахха!

– Жу цичІав дуллай бакъассияв! Вих хъу, ттул ппу, мунал ттухъ щил-тагъсса махъвагу къаувкунни, гъарал къадагъаннин щябивкІун буна, чани хъуну ляркъуна, – тІий, буттан зад бувчІин буллалисса Эльмирал маймурччавухгу хъат риршуну, обттул нани бувна. Яла Маратлуйхгу риршуна. Обтту ххал хъувкун, Маратлул, хъап куну, увгъуну адамина чІирайн шун увна.

– Ина вила душний зуна бишин увкІрав? Ххишала кІисса машара! Ттуйх ттула бутталагу хъат къарирщуссар.

– Ина ттул душ бакъара, вин хІаран хъуссар буттал къаттаІ Яла бувтс-сара, – укунгу куну, га увкун лавгуна.

Аблагъужалул чІуний бувкІуна хозяинтал. Хозяйка абтІисса Эльмира къабагъан буллан бивкІуна. Ларгун Эльмирал буттахъ хъумур бусанна куна къатлул залуннал. Ларгукун, буттал, бутталнияр ниттил къатлувун духханнагу диртун дакъая. Мукунсса хаварду ччяни баяйх-ха. Хъиривмур къини леххаврий щяравату бувкІсса Маратлул хъунмур

ссилгу укъавку къабивтуна. Гъаннайсса кIивайнналвагу махъ ца бувсса хханссия. Марат ва Элмира оькки-ккаккулгу бувну, къабивтуна.

Я Эльмирал, я Маратлул нину-ппу диндур бан къахъанан бивкIукун, Маратлул Эльмирахъ куна:

– Вилминналгу, ттулминналгу жува кьукьин бунну. ИчIаллил хъун къаувма чIаххуралгу ялавай айссар. Утти жунмагу жула жува ххуй бан багълай бур. Цамур къатта бувгъуну, цуксса узданну яхъанарчангу, ина кIулмий вих зунххи буруглантIиссар. Аьркин бакъасса махъругу чан къахъунтIиссар.

– Туну, на бантIимур цири? – Эльмира хъювсул бувккуна. – Ттула бакIгу лавсун чунмай бунугу гъанна. Ягу лавгун га поездралун ххях-ханна.

– Инсан ивчIайнигу инсанну ивкIуну хъинссар. Виламиннал хъ-хъичIагу ци тахсир хъуну лихъанна?

– Ттуща бухIан бюхълай бакъар ттуйва ттула нитти-буттал бивхъуса гъират. Нания кIайнначIа ацIния урчIра шин дурссия, къакIулссияв цала душнил хIал! Га хъхъуну та чывхъа гъаралува бивкIуну бивкIсса хъурдай!

– Эльмирай, – куна Маратлул сивсуну ганил иттавгу урувгун. – Ссан аьркинссар вин хъювсул буклан. Мукъал дус ххари къаайссар. Ина мукъулун бутаврилгу сававкар на хъунна. Мьяйжанныгу, на муни хIадур хъунугу акъассияв, къакIулли ттуятува вин цукунсса лас хъунтIиссаривгу. Агар вина къамулну ухъурчан, лав-гун магъар бишин аьрза булунну.

Гай мукъурттих Эльмира ялугълай бакъая, мунияту бухъунссия цIана га махIатталну Маратлух буруглагисса.

– Ина жаваб дулун анавар мабуккара, – куна Маратлул ялагу. – Жува цанная-ца ссума-начну бакъару, цума ци тIурчангу хIакъинусса кьинигу уссу ва ссу кунма буру. Винма на кумур къамул къахъурчан, ттун къаччан бикIан къабаншиврул винма къаччимургу мабара. На ялагу вил чIарав ца уссу куна ацIантIиссара. Бан-битан бухлавгсса кIану бакъассар.

– Марат, инагу анавар мауккара, му пикри бувну дан багъайсса давури. Ттул пикрилий, щар шаву – му ичIаллил бигар бакIрайн ласаву дур. Хаснува душнин пикри бан аьркинни цуппа му иширайн хIадурну бусса ягу бакъасса, – куна Эльмирал, мукъацIасса яругу ливхъуну. – ХIакъину ххавххун бунугу, вилми та-бунугу вищал дакъил хъунтIиссар. Щин кIулссар, оьруснал миллатраясса бунутIий, кIайннал на цала кулпатравун къамул бавив, ягу къабавив. Къаччангу мабикIара, бусурман уттигу оьрусгу, цаламигу личIи буллайнма бур.

– Ттул ппу бусса оьрмулий кулпатрал маэшат бул-лай къатIух ивщуну ивкIсса адаминар. Щил барчангу, кIанал къабантIиссар миллатру личIи. Ялагу вина ччинахъхъун ттула кулпатрал жаваб ттушара дулун бюхъанссар. Ттунма ччай дурцусса шарсса Ингилиснавасса духъурчангу, цуманал ци къуллугъ буссар...

Къалавххуна Маратлул Эльмирай аьш дан мусил кIисса, къаларсуна ххира яннарду, къалавххуна Эльмиралгу кIяласса жалин гъухъа, къабивхъуна дустуран ххаралунсса мажлис, къабувккуна зюннав-дачIул чIу. Укунма, цайва-циппа бавкьуну, магъаргу бивхъуну, лас-шаршиврийсса оьрмулул дайдихъу дуруна. Марат армиялийва уна, ниттил ва ссурваврал ганал буцай душнийн лаххансса мусил ссят, чIюлу бан бирлиантругу дирхъусса мусил кIисри, вичIилусру хIадур дурну дия. Аьриш-вариштураша кIива багъа буллуну ларсун дия цIуну дурксса

криплинналул яннарду, гъухъри бансса. Утти ми, нафталингу бивчуну, буттукъравура аьнт дурну дия.

Ми чЮлушиннарду дакъанугу, цанная ца рязину оърму бутлай бия Марат ва Эльмира. АрхІал даврий лагайва, архІал давриягу бучІайва. Къуса-кІичІулияту тІайла хъуну, цимурца машан ласун багълай бунугу, цичІар чанну дакъамий кунма, буккайва халкъуннавун. ЦачІун хъуну махъ цалчин харжи лавсѣсса къини Эль-мирал хъхъичІра-хъхъичІ чара бакъа аъркинми тІахІни-кІичІу, ца виргъан, ца шану лавсуна. Гания махъ чан-чанну тІий янна-уссулгу балгуна, къатлувугу муму-тамур хъуна.

Ца базар къини хар-хавар бакъа Маратлул ппу ялун увххуна. Ганинин щаллусса шанма зуруй Маратлун цала ппу ккаккайссия так архни-яту. Гъаксса ччан бикІайва, чІарав увкІун, хъхъичІва кунма, буттащал дакІ тІиртІуну ихтилат бан, буттахъ хъумур тІайлану бусан. Циванъяв ламус хъанай, архнияту ганахгу уруглай, ацІайва. Эльмиран тІурчан, га архниятувагу ккавккун акъая.

Утти, цина ганинин къаккавксса адамина ялун увкІукун, Эльмирал, хІурматрай къамулгу увну, щяикІан лув кІану бивхъуна. Маратлулгу ламусну ка дургъуна. Амма къужа щякъаивкІуна. Жагъ нигъавххину цала иттав буруглагисса Эльмирах, жагъгу бакІ хъхъичІун дуртесса Маратлук уруглай авцІуна. Яла Маратлул хъачІрай кагу дирхъуну, куна:

– Меж ивкІсса циванна, инания щарссагу дурцусса адаминара, буттал иттав адамина куна уруган къашайрив?

– Багъишла бува жу, ттул ппу, ттун тачІавгу вин къаччан бикІан бан ччай бакъассия...

– Гъари, ми чІиви оърчІал хаварду жунма ссан аъркинссар! – ненттабакІравун зизин бувсса арснал ццунсса къанча бувгъуну, кІутІу-кІутІу бувна, – дула му ка буттахъхъун.

Маратлул ка буттачІан тІиртІуна.

– Барачатесса хъуннав, ттул арс, вил жалингу.

Яла, ххиян хІадур хъусса авлул гада кунма, бавцІусса ЭльмирачІан гъан хъуна, тагу цала хъазамравун лякІин бувну, ганил хъунмасса ненттабакІрайн ппай куна.

– Багъишла ува, ттул душ, халкъуннал ласу-къасурдах вичІи дирхъуну, уттинин зучІан учІан къавхъуна. Гъаксса пашманна. Амма зуйгу айссар. Букканния къабанссияв, шаппайн циван къабувкІру?

Буттал мурцІу иттав макъ цачІун хъуна. Эльмирал чаннасса бакІрал чІарардайх ках тІисса буттал жиг-жиг дартІсса, хъунир хъусса каруннах урувгукун, Маратлул цалагу дакІ къума ларгуна...

– Винма ва душ ччай бушиву жухъ бусан аъркинссия, жяматрал хъхъичІ цІу ва ччатІгу бивхъуну, вилагу, жулгу лажин кІяла дан, – куна буттал, чІивисса къатлук хІисав ласлай угу-урувгун.

– Ва ци мискиншивур? Ва оърмулийн ияннин на ссахара зий ивкІсса? Ттул арс укун ялапар хъанан аъркинссияв? Ина шанма душнил ялун мурадиран увсса ттула буттал цІагу дирзсса, акъа чара бакъасса арсрахха.

– Жу цичІав чанну бакъару, къатта чІивисса бушиврух маургара...

– На уттигу мурчІи хъун увара, хІадур хъияра шяравун бачин!

– На рязира ппу, хъинну рязира зушал ялапар хъун, – куна ганал тІимур бувчІусса Эльмирал, ххаригу хъуну. – Цамур къаттагу лавсун ттун Марат зуяту личІи ан ччай бакъар.

– Ва душнин къаччан бикІан бан къабучІиссар, – куна буттал, Эльмирал цащала шяравун бучІан ччишивриягу рязи хъуну. – Инава ччай, нитти-буттал ялттугу ххявххун, вила хъаралун бувкІсса ванил хІурмат

жува килийну бан аьркинссар. Адаминалли шарсса оьккигу, ххуйгу дайсса. Шяраву бур гьалгьарду, валлагь Марат оьрус шарссагу дурцуну, оьрус хьуну усса ур тисса. Ттунгу, вил ниттингу баччи бакьар жула арснакьамулсса шарсса ци миллатрал дунугу. Жула дингу кьамул дан дува, мусулманнал аьдатрай магьаргу биша, вила буттал кьатлувунгу кьура аву. На вана укун чинна шиккун увкиссагу. Вила нинугу дия мукунна тий.

– Мяммай, ххявххун бивзун, хьакьину бачин шайссарив, жу даврийсса инсанталлухха, гьунттий-сара бучлан хьунссархха, – куна Маратлул.

– Гьунттий, сарарду ттун кьакьулли, цана бачи. Яр, на ва оьрмулийн иянинн ссахара зий ивкисса?

– Марат, буттан ччимур бан аьркинни, – куна Эльмирал, ялу-ялун кьирин ичлачисса буттал хьхьичи кирогазрай шараци дурсса чайникьирава бувцуну, стакангу бивхьуну.

– Ттун ччимургу, зунма хьинмургу бан аьркинссар. Ттула кьулбас дансса дакьасса кьулшиву дакьанугу, на шиярчлав лувну оьрму кьабувтссар, – куна буттал. – Ттул оьрчругу ссалчлав шиярчлав оьккину биклан кьабучиссар. Нагу Ттарачамаллаву цанихсса кьалайчийав. Жущал кьаччарчан кьатта машан лавсун, бакь битанна. Шяравумигу шагьрулиминная лувну яхьанай бакьар.

11

Эльмирагу бувцуну, Марат шяравун учлаву чиявучин хьинну кьу бивзуна. «Оьрус шарссагу магьрацун лачун дурну увкунни. Утти га чапур жунна дакьа чара бакья, шяравун барчабакьяшиву дагьантиссар», – тисса хьуни хьами чансса бакья. Марзиятлун лавмартшиву дурну махьгу цила мурадлайн кьадирсса Аминат дия яла-яла кьащилул дирчлаваймурдагу. «Дарманни, хьинсса кьел хьуссар та Кумсиятлун ва Шамиллун, армиялия зана шайхту, ва шяравату шарсса дучин увссания, Марат оьрус шарссанил ххяппулун кьаласунтиссия. Тукунсса жагьил шагьрулул бикатурал хьаврин кьаувну итайссияв», – тий, хьхьа чавай дия. Ца кьини Маратхьал ташу барачат бан гайннаннийн бувкисса хьуни хьаннишал дуркьуна Аминатгу.

– Барачатсса жалин хьуннавчагьар, Кумсият, – куна Аминатлул, гьим дурну, бувкьминнал хьхьичи дукра дихьлахьисса Эльмирал хьирин-хьиривгу дуруглай. – Мадара дирисса инсан бунуккар, амма жула миллатраятусса бивкиссания, гьаксса хьина. Маратлун кьахьунна учинсса душ ва шяраву бакьассия.

– Чичру мукунсса духьунссия, члаххушар, – Кумсият Эльмирах ххарину дуругуна. – Арснал цала дакьинин ччимур бувну бур, арс акьассания, вагу кьабучлантиссия. Гьаксса ххуйсса, хьал бавкьусса инсан бур. Кьатлувун бувхсса кьинива, шиккува лявхьуну бивкисса кунма, хьала бувххунни. Дан-дитан кьулсса бур, кьакьулмургу нара лахьхьин данна. Ялагу я бакьрал, я чурххал шяравусса цавагу душнияр ялавайссагу бакьар. Ца хьамитайпалул багьасса бакьрайсса хьаллурдува бур.

– Кизния гьич, цана цашала архьалсса хьаллурдугу кьувкьуну, кьантла бакьругума буллай бур душру, – куна Аминатлул, цила хьхьичи пулаврал дурцуну дирхьусса бушкьапгу цичатура тийннай сукь чин дурну. – На ттула арс ивкиссания ва лухчи ва ссав цачун лачурчангу, аьрччасса, мурчисса бунугу, жула шяраватусса душ буцин кьабувну кьадиклантиссияв. Оьрус хьаннил арамантал кьабугьайссар тун биклай...

– Ттун тачлавгу ххуй кьабивзссар оьрус, бусурман личи буллалисса

халкъ. Ухьурчан, кIа Аллагьгу ца акъарив усса. Гъарца миллатрал цана-цанасса аллагьния акъахъунссар. Оьрусгу, бусурмангу ца Аллагьнал измулийн бувну ляхъан бувну бур. Ина бура жула хъаннил ласнал риршусса ттархьгу, къутIинну увкусса махьгу бухIай тIий. Батлан хъами ттукри бакъархха. Ва оьрмулийн дияннин ттуйх ласнал ца хъат къариршуссар. Арсналгу маришарача цала кулпатрайх.

– Вагъар, ина тIутIимур цира? – Аминат хъан диркIуна. – Ца даттан, ца ххира дан ца ласнал кIира шарсса дикIайссарив? Ина, чIаххушар, авлия хъанай дунуккара.

– На авлия хъанай дакъара. Шарсса датлай аьйплу дан дакъарча, оьрчIру бан, къатта-къуш банни дуцайсса.

– Вагъар, ттухь дизу уча, – Аминат къутIлатIисса бюруврал къатIуя кунна ларай дирзуна. – ЦIуну итабавкъусса аьнакIул оьрчIан зарагу къадирчуссар. Вихь ташугу барча бувну, никъурайра зана хъунна тIияв дурхха.

– Барчаллагь, чIаххушар, вила душгу къатлул буллай ккакканнав, – Кумсият га тIайла дуккан ларзулун дурккуна...

ЛивцIусса шарашувун чару бувтун, га оьлукъин банна тIисса пикрилушал дуркIисса Аминат, бакIрайх ттархь риршусса кунна, зана диркIуна...

Махьру, ласу-къасурду шяраву гъарзасса бия. Амма, цума ци тIий ухьурчангу, цила хасиятрал, мяърипат душиврул Эльмира лас къатлул гъантта бувккуну бусрав буллай бия. Амма бия уттигу шяраву душру Маратлуя умуд къакъувкъусса. Мийннаватусса ца бия Аминатлул душ Кусу.

– Ина, Эльмирай, вила Маратлуйн мукссара вихшала мадишара, мунал, гармунгу бивщуну, балай кувкун, душварал бакIру гъанан бикIай. Къунну клубраву, ссувхIат буллалисса чIумал, Маратлул ца балай куна, ца балай. Циняв душру бия ганал сурссулукух чарсри хъуну багъан хIадурну. Укунагу мадара я бацIанссагу урча, цувалу чунчIав маита-акъаванна. Акъахьурчан, вярва ккаккан ххуймунил вищава зигу-зиххайссар.

– На ттула ласнал магъ бакъарахха хъири-хъирив занан. На бура ганал оьрмулул гъалмахчу. Циняв душвараву навара Маратлул яла бувгьумургу. Чув балай тIий, чув къавтIий унугу, ттучIана акъарив зана икIантIисса, – Кусул ихтилатрал мяъна дурчIусса Эльмирал пиш куна. – Маратлул ттуйн хаиншиву къадантIиссар, на муний вихссара. Ласнал ва шарнил дянив ттул пикрилий яла-яла вихшагла дикIан аьркини.

– Авлияй, на вий дакI аьтIий буну тIийра укун тIисса, – куна Кусул, чIирай лархъсса хъуннасса дагъанттувухгу бурувгун. – Жул шяраву бакIрал ххуйсса душру цагу, кIивагу бакъассар. Хъамитайпалул ххуйшиврул ччима адаминал бакI гъанагъи байссар. Ттунма ччарчан на ччима жагъил ттула хъирив заназе анна...

Кусу, ца къуртIгу дурну, лавгуна. Га циван бувкIссарив бувчIуну бунугу, ганил махъва-махъ кусса мукъурттил Эльмирал дакIнивун хIучI бувтуна. Лавгун, дагъанттувух бурувгуна.

Дагъанттуву Кусул бярдун кунмасса, някIисса ссавнил рангсса, хъамитайпалул дакIнивунгума чIатIаракру ритлатисса яру хъхъичI бавцIуна. Бюхъайва ганища аьтIавугума итххяххан, ялун Марат къаувхссания.

– На гъунттий жула шяраву клубрал хъунаману зунтIиссара, – куна, увххун най уна, Эльмирайн хъямалагу агъну Маратлул.

Клубраясса ихтилатрал Эльмира хьиннува гьалак буккан буву на. Ганил мурцуниттав мукьал кунтлру цачлун хуна.

– Ина кьарязирав на клубраву зузаврия? – цувххуна цичлав кьаклулсса Маратлул. – Ина циван аьтлий бура?

Кьатлату дурххун нанисса Кумсиятлун Маратлул махьва-махьсса махьру бавхьунссия, дурххун най дуна:

– Щилли мув аьтл бувсса? – куну цувххуна.

Эльмирал га цана яру ливхуна. Кьулай дакьа Маратлухгу дуругун, Эльмирахь пиш куна:

– Вин цана хьовсул буклан кьабучиссар, дадал, клусса задгу гьаз мадара, варахь лавсун ххишала щинавгу малагара. Цана вин хьит-шит тлун кьабучиссар.

Кумсият пьаркь ивкун Эльмирах уруглай авцусса арснах дуругуна:

– Ина ванин кьаччан биклан мабулларда, укунсса чумал хьаннил хасият зия шайссар, дуруччин аьркинссар.

Кумсият ва Эльмира ччатл бищун клара клири бан лавгуна. Гайннал хьирив уруглай, Маратгу пикрирдавун лавгуна.

Марат клубраву зун ивкунуна. Микку ганан гармунгу бищун багьайва, балайгу учин аьркин шайва, клубравун увкнашчал хьярчу бан багьайва. Укунагу мазурдин ххирасса Марат зума-ккарччулунгу агьлан ивкунуна. Эльмирал ва Маратлул дянивгу тлааьндакьашиву хьанан диркунуна.

Цал мукун арснал ва щарнил дянив ихтилат хьусса цинма хавар хьувкун, Кумсиятлул Маратлухь куна:

– Ургу, ттул арс, хьамитайпа оьрчлан хьусса чумал хасиятгу зия шайссар. Ца-цаннин цала ласру кьаччан шайссар, ца-цаннингу ххира шайссар. Ина льякьлувсса чумал вил ппу ттун муксса ххира хьунахха, ттула чларату тинай хьурчан, цайминнал авцуну гьансса кунна диклайссияв. Муниятура ина вила буттаха лавхьхьуссагу. Эльмирагу мукун бур цана. Танил арс антиссар. Арс антисса чумалли ласгу хьиннува ххира шайсса. Вил арсгу вихава лавхьхьусса иклантиссар...

«Вил арсгу вихава лавхьхьусса иклантиссар» тисса ниттил мукьурттил Маратлул дакниву чирахь лахьан бувсса хханссия. Га члавахьулттийх хляятраву шюршусса янна ххануйн дичлачисса Эльмирах уругуна. Ганий бия кляласса гьухьа. Маратлун ххирасса га гьухьа хьхьичлава Эльмирайн чансса гьартанугума биклайссия. Цана тлурчан лялухату кьуманугума чалай бия.

Ганал цахьва-цала пиш куна: «Эльмирал уттигума ттухь кьабувьссар цивура хьусса дахханашиврия. За бакьар, нач хьанай бухьунссия. Яла-яла арс ттухава лавхьхьусса иклан тлий ур...»

Маратлун хьхьичлаванияр ххуй хьуну чалай бунугу. Эльмира ххуй хьунугу бакья, хьхьичлрасса чурххал исвагьшивугу дакья, дюрчлусса, кляла парх тисса симаналиву ххюнкллул кунукурай кунмасса мюршсса тлантригума багьну бия.

Хьхьирцумий яннагу кьакьан дирчуну, Эльмира цудихьулувун лавгуна. Гава цана цайми янналул тлясгу бакрай бакл буну зана хуна. Гай кьакьан дичланнин увкун Маратлул ганил канища атилсса янна ларсун, ххануйн дичлан ивкунуна.

– Ва адаминал даву дакьар, – куна Эльмирал Маратлул канища атилсса шануйх дутугу зехлай. – Ина ттуй халкь хьяхь бан най урав?

– Вин цана клусса зад гьаз дан, лахьсса ххануйн хханхха лачлан кьабучиссар, – Маратлул пиш куна. – Арс арчан на вин янна шюшай машина ласунна...

Я Эльмиран, я Маратлун ччай бакъанма, ци-бунугу ца зад савав хьуну, гайннал дянив чан-къансса ттюрю-гъюрю шайва. ГацІана Кумсият чулуха дурккун, мудан арснай аьй дуллан дикІайва.

– Цуппа бити, къаччан бикІан булларчан, оьрчІ сагъсса къабикІайсар, цІана Эльмиран гьарцазад багъишла бан аьркинссар, – учайва.

Лас ва шарнил дянив чан-къансса къаччан бикІаву хьусса чІумал цама инсан хІала уххаву ххуйну къабикІай. Цама инсан хІала увхсса чІумал, мукъурттил махъру ххюрхху буллай, къаччан бивкІун буллалисса ихтилатгу лахъи лагай. Ца чулуха, Марат рязийну ия нину Эльмирахлу дуккаврия. Амма ганан мукунсса чІумал цучІав дянив увххун ччай бакъая.

– Нания чІиви оьрчІ акъара, – куна ца къини Маратлул цахъва-цала. – Оьккимур ва ххуймур личІи бан къахъанай ивкІссания, щарсса къадуцинссия. Къатлул хьувкун, лас ва щар цачІава циппа хьинни... Ттухунгуния цичІар дахчилай дакъар. Шяраваллил зуманив буттал ттун къатри ларсунни. Га илкинсса кІану бур.

– ОьрчІ баннин Эльмира ва къатлуву, ттула янилу, битантІиссар, ина хІукуматрал даврийсса инсан ура, Эльмира шаппа цуппалу личІлай бур, лякъа цун, бакІ цун. Юх, юх, Эльмира ттучІава, ттула яруннин чІалачІиний, – тІий, нину гьалак дурккуна.

– Бити, къарий, жагъилсса лас ва щар цачІава циппа хьинссар. Лас ва шарнил дянив ххунчІачІа рагъну, накъличІа дакъил шайс-сар. Ялунмагу лув-ялув гъан жулагу арснал къатта буну хьиннихха, – куна буттал. – Архсса кІану бакъар, Марат даврийсса чІумал ЭльмирачІа инара дикІаванссара...

Маратхъул бакІ бивтукун, ниттил чІиругу хьиривсса шанма тта, аьнакІив, къазру буллауна. Цалсса Эльмирайн гуж къабагъаншив-ул, оьрчІ баннин оьл цичІава бивтуна.

Марат хьинну аьрщи, захІмат ххирасса инсан ия. Оьлгу бухъукун, кІинттулнин чІаркІу ххалал дурцІуна, мунинин ахъуву дургъуну дия личІи-личІисса ахънилсери. Га шяраву хъхъичІра-хъхъичІ помидор Маратлул хьун дуруна. Бувгъуна цусса ахъулссаннул мурхъру. ХъхъичІвами мурхъру тІурчан, ахъулссаннул лахІлахІи бувну бия.

Шин шавай дия Эльмира Маратлун щар хьуну. Амма цалвагу ганин нину-ппу, я гъан-маччами гайннал къатлувун къабувххуна. Халкъуннал бусласаврий бувну, Эльмирал ниттил Лидал учайсса бия: «Марат ттул душманни, кІанал ттуща душ зевххуссар, цанницІун ххюва оьрчІ барчангу, на кІанал хъаралу ттула душ къабитайссар», – куну.

Ца къини райондалул культуралулсса байсса отделданул хьунаманал Марат цала клубран аьркинсса къай-къуй ласун МахІачкъалалив командировкалий гъан увна. Шамилчинмур къини, цала мурадгу биттур бувну, шавайн увкІсса Маратлун, бухкІуллийгу щядиркІун, аьтІисса цала нину ккарккуна. Марат ххал хьувкун га хьиннура аьтІун диркІуна. Эльмиран ци-бунугу хьусса ххай, Марат нигъа увсуна. Канихъсса чемодангу чурттурдайва бивхъуну, ниттичІан ххявххуна.

– Дадай, ина циван аьтІий дура? Эльмира чуври? – цІувххуна ссихІ бяличІлачІисса чІуний.

– Бакъассар, арс, вил Эльмира, бакъассар! – ниттил цила никурттайх хъапа бивщуна. – Ттул ликри гъагъивуй га къини шардайн ларгсса. ДикІан дакъаяв на шикку га къаллун диван на бантІиссияхха. ДучІи дакъуй, ттул оьрчІал къатта лиян бан дуркІсса дучІидакъуй!..

– Ина цу дучІидакъуяту гьалгъа тІий дура? Къали цури, Эльмирал

бакІрачІан ци бувкІри? – цІувххуна, га гьалгъа тІий дуна, шанмагу къатлувун увххун, гива увксса Маратлул.

– Цу дикІави, га вил шарнил нину! – ниттил чІу утти хьиннува лахъ хьуна.

– Ттун цичІав бувчІлай бакъар, – куна Маратлул, ниттил хьхьичІгу авцІуну. – Вай къатлувусса буза чуври, Эльмирал бакІрачІан ци бувкІри, хІаят дачІра дурхсса, вай аьнакІив, къазру ци бувссар?

– Лавгун, га вила шарнил ниттихъ цІухха. – Утти га арснах сситтуй дуругуна. – ЧІалай бурив вай халкъ тІайлану тІий бикІун? Вана къашайсса диркІун оьрус шарссания вин шарсса. Эльмира чІилул луттиравун бувхсса цІиникъ бивкІун бур. Нину цихъра зума дахъаннин чІун гъан дуллай бивкІун бур. Мукун къабивкІссания, ганил къабучІанна циван къаувкуссар.

– Валлагъ, ттул нину. Ттун уттигу цичІав бувчІлай бакъар. Лавгъу-лахъунтту къабуллай, хьумур хІурхІа ттухъ буси, – Марат ниттил чІарав щяивкІуна. Га цила чІарав щяивкІукун, Кумсиятгу чансса рахІат дуркнуккива, чІу лагъ хьуна.

– Ци хьуви, ттул арс, ина акъассаксса хІаллай на зунний гъантта дикІайссияв. КІюрххил ларгун, шаппаминан дукрагу дурну, яла-гу шиккунна дучІайссияв. Гьаксса букъав къабивтссия Эльмирахъ жунний-нма бачу тІий. Къарязи хьуна. ХІакъину кІюрххила шардайн ларгссияв, душру къатта хІулухІлай буну, гайннан кумаг баннача тІий. Хьинну хьухъурчан дачІи кьини хьухъунссия шарда. Эльмиран ххирарча тІий, нисирал буркивгу бувну дуркІра. Къатта бачІва ххал хьув кун, ттуятура нара лагавай лирчІра. Цукун дунугу дуркра къатІув. Чаххурайн оьвчав. Ттул чІунийн Шамсуттинхъал чІивимур душ къатІув бувккунна. Яла ганил бувсуна цинма ккавкмур. Ца кІяласса чІиви машиналий дуркІуна тІива ца дучеса шарсса. Га чІумал Эльмира хІаятраву бивкІун бур. КИивагу, хъямалагу багъну, къатлу-вун бувххуна тІива. Цахъи хІаллавату кІивагу гава машиналий щябивкІун лавгун бур. Хъунма хІал къалавгун, бувкІуна тІар цамур хъунмасса машина. Ганийн лахъан бувну бур далднилу ххютуйн багъсса яттугу, къатлувусса бузагу, хІаятравусса аьнакІив, къазругу. Гайннан кумаг буллай бивкІун бур Кусугу. Амма Кусул цин кІулсса зад бакъар тІива. Хьу вирдай лакълакьисса чІун дур. Чаххуврай цучІав акъашивугу кІул дурну, дуркІун диркІун дур Лида ва гъуришиву дан.

– Ттун цимурца бувчІунни! Кусул дакІниймургу ттун кІулли. Лидан макІра къакканссияхха нагу МахІачкъалалив лавгсса, инагу къатта хІулухІлай дусса, чІахху-чІарахмигу къурув даврий бусса?

– Кусуйсса аьй цери, вища шарсса я Кусул, я Аминатлул къазирхуннихха, – куна ниттил цила чІаххуврайн арснал махъ учаву къулай къабивзун.

– На ккакканна му цу виричу урив, ттуща шарсса зеххин бюхъайсса! – га анаварну чурттурдайх увчІун авчуна.

– Ина чунна? Ссавур дува! – тІий, хъирив нанисса ниттийн чІу лахъ бувна.

– Ттул хъирив манарда! На уттигу бувнан бувмур бан къахъанай акъара. На ккакканна га цура цу Лида дурив!

Нинугу хъирив хъап-шап тІий къадиртун, Марат, лахъисса ххархругу ласлай, лавгуна...

Марат увкІсса чІумал, шарнил нину бивхсса аьнакІи марцІ буллай дия. Шарнил ппугу, майкалуїу гъивчул мурхьиралугу щяивкІун, чяї

хІачІлай ия. Марат ккаккайхту, шарнил нину, битлатисса аьнакІигу кьабивтун, шарнил буттал ттиликІрах дарцІуна. Гагу цІакьлин увгьуну, кьаллувату кунмасса чІу бувуна:

– Ина шиккун циван увкІра? Бат хьу жул хІаятравату! Акьахьурчан цІана милицанайн овьчинна!

Милицанайн акьа, кІа аллагънайнгу овьчин насу. Ттун зул хІаят аьркинну дакьар, зугу ккаккун ччай бакьару. Эльмира чув бур? Ва цІана ттуцІан буккан бара, кьатта-кьуш ла-ялун бан кьаччарчан!

Лида нигьал кьантІа тІий дия. Ялагу Маратлуйн гьужум бан ччай дуна, ганал ци-бунугу кьабан нигьа дурсун, зайтун кунна пІякь диркІун дия.

– На вихь учав, кьалмакьал хьуну кьаччарчан, Эльмира чуврив бусира! – Маратлул хьиннува гьужум бувуна.

– Марат, ттул арс, гьалак мауккара, Эльмира шаппа бакьассар, – Эльмирал ппу Маратлух, цайва ца хьунмасса тахсир хьусса куна, урувгуна. Яла буккавай, кьабуккайвайсса чІуний куна: – Эльмира больницалийри.

– Га больницалий ци дуллалиссар? Зу ганин ци барду? Агарда оьрчІ лиян бан бувну бухьурчан, на гай хІакинталгу, зугу цаннайх ца бищунна!

ОьрчІ бан лякьа ци буну биян барду, – шарнил буттал бакІ хьхьичІун дуртуна.

– Эльмирал оьрчІ бан уттигу кІива барз буссар. Цукунни, зучІан бийхту, оьрчІ буллалисса ганил?

Шарнил ппу зунххи цала шарссаних урувгуна.

– Утти дула ванахьхьун жаваб. Ттул махьун циван духлай дура, кІюрххилния виар кьанкьасса цучІав акьая?

– Ттул шарссанин ца зад хьурчан, на ина сагъну кьадитантІиссара. На вин ссуд нава бантІиссар! – Маратлул ккарччай кьацІа бивхьуна.

– Цинма Эльмирал оьрмулун нигь дусса хавар бакьая хІакинтурачІа. – Амма...

Шарнил ппу кьаагьуна. Га кІяла лавгуна.

– Амма тІисса?! – Марат ганах цІитІ ивкІуна. – Ина ттуяту цирив кьютІІ буллау ура? Адаминал кунма, хьумур буси!

– ОьрчІаяту ка ласун багъанссар тІива. Жува, Марат, арампал буру, оьмур ялун бивсса чІумал, ганил хьхьичІгу арампал кунма бацІан багълай бур, кьанкьа дува, гьаксса кьахьина. ОьрчІ бакьа кьаличІанссару.

– Щил учирчангу, ина маучара ми махьру. Вил адаминашиву вил шарссанил танира зерххуну диркІун дур. Ина адаминасса адамина ивкІссания, вай ишру укун кьахьунтІиссия.

– Ва ишираву ттуй тахсир кьавхьуссар. Бизар хьуну дура, ттула душ ккаккан ччай бур тІий, ва шарсса кІюрххил ларгуна шяравун. Цурдалугу кьаларгуна. Кусу тІисса зул чІаххувдуш жуннийн муданмагу бучІайссар. Кьунну жуннийва гьантгагума буссия. КІанищал ларгуна. Циявхьур, ттухьгу кьацІувххуну, Эльмира буцин ларгун диркІун дур. Кьай дусса машинагу хьиривва бувкІуна. Вила ппу кьюкІлил кьашавай захІматну ур, ккаккан ччай бухьурчан, бачу куну, вилминнахьвагу цІуххинсса мугьлат кьабуллуну, хьяврив бувну, бувцуну диркІун дия. На вихь цимурца тІайлану бусав. Ттул шарссанин кьаччарчангу вичІа ттула душнил кьатта хьуну, ттун ччай буссия. КьакІулли ина ва ттул шарссанин мукссава циван кьаччан хьуссарав.

– Муниясса ихтилат жува яла банну. Барчаллагъвагу къаувкуну, хІа-
ятрава увккуна...

Больничалий оърчІ бай къатлул хьулук, аьгу-аьтІий, щябивкІун бия
Эльмирал хьунмур ссу Ира. Марат ххал шайхту, ганацІунгу лавчІун, хь-
иннува хьювсул бувккуна.

– Эльмира цумур палаталуву бур? Ина циван аьтІий бура, захІматну-
вагу бакъарив? – цІувххуна Маратлул, гагу цаятува буцан бувну.

– Гъаксса захІматну буссия, цІана ххуйну бур. Марат, къянкъа дува:
Эльмирал кІиннучу бунни, ца бивкІуну бунни, цагу бувну ца ссятра-
ва бивкІунни. Гъаксса бия, цуппа бивчІарчангу, оърчІру ххассал бувара
тІий...

– Цуппа бакъану махъ ттун оърчІал цивана, – Ирал ихтилат бяличІин
бувуна Маратлул. Яла, чарил чурттурдайгу щяивкІун, лахъисса ссихІ
бивгъуна.

– Ва душманшиву жун вил ниттил дунни, Ирай. Амма нахІакъсса
пикрирдур кІанил кІай, цаннан ца ччисса кІия инсан личІи ан кІанин
захІмат хьунтІиссар.

– Эльмирайн дакІ лухІи мадара, Марат, ниттил хъяврин бувну був-
цуну бия...

12

Гава къини ливтІусса кІинничалтгу лавсун, Марат шяравун лав-
гуна. БавтІуна гъан-маччами, чІаххул, чІарахми, хьунисса инсантурах
кунмасса яс бивхъуна Кумсиятлул. ЦІа дакъа инсан гъаттаву ишин къ-
абучІиссар тІий, малла учІан увну, кІинничалтран дизайсса Аьишат ва
ПатІимат тІисса цІардугу дирзун, ца гъаттаву бувччуна.

Хьумур Маратлул цихъва бувсукун, нину хьиннура хьювсул дурк-
куна:

– На Эльмирайн дакІ лухІи къадайссар, хьин шайхту шаппайн бу-
цинна, цана ччима ччимур тІутІуча, арсенал щар ттулли, – куна.

Хьиривмур къини Марат ЭльмирачІан больничалийн лавгуна. Га
лахъхъуняр мадара хьуну бия. Палаталува къатІув буккан къабитлай
буну тІий, чІавахъулттил пюрундалийн бакІгу щачин дуртну, аьтІий
бия. Маратлун ганий цІими хьуна. Ганин баянну лахъсса чІуний дакІ
хьунмур буслай ия. ДакІ аьтІий дунугу, хъяй ия.

Ца нюжмардувату Эльмира больничалия итабавкъуна. Га буцин
лавгсса Маратлун гикку Лидагу, Эльмирал ппу Юнусгу, Ирагу лявкъу-
на. Аьвкъуну гайннахгу урувгун, къаччай буна ссаламгу буллуну, тинай
авцІуна.

Хьулухату буккайхту, Эльмира, цихчІавгу къабурувгун, Марат-
лучІан лавгуна. БакІгу ганал хъазамрайн щачин дурну, яругу хьювхъу
тІи бувну, куна:

– Багъишла бува, Марат, ва ишираву на хъяврин хьунна, багъишла
къабарчангу, ина тІайлассара.

– Хьуну лавгмуния гъалгъа тІий, жула дакІурдивусса щаву оьгтун
дуцан къадулланну. Инава цІуллуну бушаву гъари ттун. Хьунив хьуну
бакъару, оърчІ бакъагу къаличІанссару, – тІий, Марат ганил дакІ хьун-
мур буллай ия...

Ххуллийх циняв архІал най бия. Мадара кІанттайх къабагънугу най
бивкІун, чІараввайгу хьуну, Юнуслул Маратлухъ куна:

– ЦІана жуннийн гъанну, цалсса Эльмираангу лахъисса ххуллийх ба-

чин захІмат хьунссар. Шяравун бияннин машиналулгу хьюлчу банссар. Гьархьхьуну инавагу ваничІа ацІу.

Лида ялагу Эльмира цаннийва лахьи лаган буллан диркІуна. Маратлул шяравун бачу увкукунгу, чулуха дурккун Лидал:

– Анаваршиву ци дур, чурххайн чансса хІал бувкІукун, бачинхьуви, – учайва.

Укун ларгуна кІира нюжмар. Ца кьини Марат га буцин чІиви машинагу бувцуну увкІуна.

– ХІакьину ина чара бакъа шаппайн бачин багълай бура, – куна Маратлул Эльмирахь. – Гьарца кьини ниттихь ина буцин най ура учара. Тулми вил ниттийн хьинну къаччан бивкІун бур. На ттула нину шиккун дучІан къадитара вил ниттил ва кІанил дянив къалмакъал къахьуншиврул. Халкъгу бур ина, нагу къаивтун, лавгссар тІий.

– Марат, ттул вихь миннатри ца шинайсса шиккува шагърулий ацІу, – Эльмира ганал иттав цІими чІатІисса кунма бурувгуна. – Ттун нач хъанай дур, ттуйва тахсирну кІива оърчІгу ливтІуну, ттула ххуйсса ичІалугу зия дурну махь, шяравун кІура баен. Къахьунссар чІахху-чІарахнал иттав буруган. Яла ца шинавату хьумур хъамабитала хьунссар, жувагу шаппайн кІура баенну. Винния шикку даву льякьинссар. КІиягу заводраву зунну.

– Давунияр льякьинссар, ялапар чувру хъанантІисса? Жула ххаллилсса къатригу къадиртун лаякъатлувун бухханнун?

– Жунма лая къатта ссан аьркинссар. Нину дия, агар ина рязи хьурчан та тІама, хьуручІ бумур къатта бачІва банну тІий.

– КІичІираву чятир бивщуну, гиву ялапар шайссара на, вил ниттил чІаркІув уххаяр.

– Ттуща му бан бюхъайсса зад бакъар. Нагу къачча, шяравалугу къачча тІий бухьурчан тІайланма уча, на вихун къаахчинна.

Эльмирал ганал мурччай цила ка дирхьуна.

– Винма ччимур уча, так мукун маучара...

13

– Эльмира ххуйну бакъахьунссар, – куна ниттил Маратлухь. – Гьарца кьини лагара шаппайн буцинна тІи, амма бувцунугу укІлай акъара. Ттуща ххишала дацІан къахьунссар, хІакьину вищал нагу наниссара Хасаврайн. Га Лидал ттун циваци банххура. Га дилларчан, на къадилланнача, дуца.

Эльмирал ва цала дянив ганияр кІива гъантлул хьхьичІ хьусса ихтилатраягу бусан къаччай, цащала Хасаврайн дуцирчан, гиккугу шагърулий бацІавриясса ихтилат Эльмирал байбиширчан, ниттин цукун бувчІинссарив къакІулну, Маратлун нину Хасаврайн дуркІун ччай бакъая. Амма га цила тІимуния лахІан дан къархьуна...

Ниттищал, Лидаяту тІайла хьуну, циняв ххуйну хьуна бавкьуна. Яла-яла ххарину бия Эльмира.

– Забакъассар, ттул душ, – куна ниттил ливтІусса душру дакІнийн бивчуну, Эльмира хьювусул бувккукун. – Аллагънал чичру мукунсса духьунссия. Зува цІуллуну бухьурчан, оърчІру бан бюхъанссар.

Му ихтилатраву Эльмирал Маратлухь бувсьсса куццуй цила пикри ниттихь бувсуна. Нину жаваб дулун анавар къадурккуна. Ярунниву пашманшиву хІасул хьуна. Яла Эльмирахь цІувххуна:

– Вила пикри Маратлухь бусав, танал ци тІар?

– Бусав, амма рязи хъанай акъар. Гьаксса ттунгу шиккунияр ттула

къатлуву – шяраву ччива. Къахьунссар ттуща цџана шяраваллил агьулданул хъхьичџун буккан. Кџайннал хъхьичџ ттула ниттил ттул лажин лухџи дунни.

– Рязи хьунтџиссар, – куна Кумсиятлул, къюнкъарах цирив дарџџуса кунна, ссурсеулий кагу дирхьуну. Бюхъай ина цџана тџайлану тџий бикџангу... Бюхъай мукун хьинну бикџангу...

Цанна ххирасса давугу къадиртун, гайва гьантрай Хасаврайн ивзуна Марат. Бувгьуна лаякъатта. Зун увххуна ахьулссаннуяту консервартту дайсса заводравун грузчикну. Ца зурувату гава заводраву зун бивџуна Эльмирагу.

Эльмиралмур даву захџатсса дакъая, консервартту дусса банкардай чагъарду лачџун буллай бия. Маратлулмур даву гьаксса захџатсса дия, дунугу, гьарца зузи къинилул норма кџилийну биттур дайва. Мукун зий, шанма барз хьувкун, Маратлул сурат заводрал хџурматрал улттуйн лахъан дуруна.

Маратлун дуклан, лараймур кџулшиву ласун ччай бия. Гьарца оьн-насса чџун шагърулул библиотекалуву гьан дуллай ия. Мадарасса задру хъамабивтун бивџун бия, Московлив журналист шайсса университетравун уххансса къастгу духьукун, хъхьурду уттара дуллан аьркин хъанай бия...

Хьиривмур шинал Марат цала мурадрайн ивуна: заочныйну дуклан увххуна цала яла бувгьусса университетравун. Утти га даврийнгума личџинува гьира буну лагайва. Даврия зана шаврингу; жагъ макъалартту чичлай, жагъгу дуккаврин аьркинсса луттирду буклай, цала кџулшиву гьаз дуллай ия.

– На ина гьашину хьинну ххари анна, – куна ца къини ганахъ Эльмирал.

– На вин гьашину арс анна, – Эльмирал Маратлул ка цила лякълуй дирхьуна...

Маэшатрал чулухату Маратхьул оьккину бакъая. Кџиягу зузисса гайнначџа мадарасса арцугу салкъи хьуну дия, нагъ, нис, дикџ шяравату дучџайва.

Гьалак бувксса хъхьири кунна, гьалак дурккуна Лида, Эльмира уттигу оьрчџан хьусса кџул хьувкун:

– Университет буккаврин Маратлул ина къабитантџиссара. Цахара лархъхьусса, дурккусса шарсса ччантџиссар танан. Бигъану буна бачу ттущал хџакинначџан оьрчџи лиян бан.

– Бан къабюхъаймур ттухъ бува матџра, – ссибивзун, Эльмирал симан кџяла ларгуна. – Гьассар, ина савав хьуну на кџива-кџива душницџа хьуссара. На вилџџун бакъара!

...Эльмирал Маратлухъ ниттил ва цила дянив хьусса ихтилатрая ссихџ къадурккуна. Бюхъайссаксса цила ичџура нахџушиву хьунмур буллай бия...

Мяйжаннугу га шинал Эльмирал Марат ххари увна. Маратаул аьрая зана къавхьусса ниттиуссил цџа дизансса къаст дия. Юх, бюхъайссияв миккугу Лидаща цинма къаччимур къабан. Эльмирагу больницалийва буна, шагърулул ЗАГС-райн ларгун, оьрчџан цамур цџа дирзсса чагъар лавсун дурџуна.

Цанма му зад хьинну къаччан бивџџунугу, Маратлул ссихџ къадурккуна.

– Цџанил акъарча инсан ххуй айсса, инсанналли цџа бусрав дайсса. Утти увманан дизанна ниттиуссил цџагу, – куна Маратлул. Амма Эль-

миран бувчІлай бия Маратлун цила ниттил дурсса тІул хїинну кърчІи дирзун душиву. Мунияту бухьунссия, цила арснайн Александр учин дакІрагу диллай дакъая.

Александр жандалул цІуцІнасса оърчІ ия. Гърца кїини тІиссаксса-гу, ниттил буллалисса аъркин бакъасса ихтилатирттал ссибизан буллай, аьраттал буклай бивкІсса Эльмирал гукун къашавайнасса оърчІ аву махІаттал хьунсса зад бакъая.

Ца кїини Маратлул Эльмирахъ куна:

– Жунма цуксса захІмат хърчангу, оърчІ бюхъайссаксса ххуйну я ан багълай бур. Ттул пикрилий жунма шяравунма бизарчан хїинни. Ина къазунссара, ца нава зий, кІиннацІун ацІагу дузал ан бюхъанссар ттуша. Ялагу облил, цІукул гъели накІ дулланну, гъавагу баххана бувну, мукун къуллугъгу булларчан, жула Александр гътІ ивкІсса оърчІ икІантІиссар.

– Бизарчану, гъаксса хїинни, – куна Эльмирал. – Ва лаякъатлуву ттуша дакІ итадаркъуну зана-къулу хъананмагу бюхълай бакъар. ЧІунни оърчІ увну махъвагу жува заллусса къатта-къуш бан.

Маратлун ва Эльмиран шяравун бизан ччай бунугу, оърчІал хІакин муний рязи къавхуна. Шанна, мукъра шин хьуннин оърчІ цамур кІант-тайн учин къабучІиссар куна.

Банмур бакъая, Эльмирал цила ниттихъ миннат бувна, циппа даврийсса чІумал Александрдух дургу куну. Га рязи хуна. Дунияллийн уккан къаитлай хІарачат барчангу, Лидан Александр ххирая. Шанма барз хьусса оърчІан витаминну аъркинссар, ва аъркинссар, та аъркинссар тІий, жура-журасса ахьулери, уртту машин ларсун, гайннуя щин хъхь-цІин дурну, дуллан дикІайва. Александр гъантта бувккуну уч хъанай, ца гътІ ивкІсса оърчІ хуна. Цихъхьунма арцу дуллан бивкІукун, Лида диявай личІайва.

– Ва зул уну, ттул акъаххурав! – учайва ганил цила лахъсса, бачІвас-са къаллувату баллалисса кунмасса чІуний. – Ва ттун Эльмираяргума ххирар. Зу ттун напакъа буллай бурув? Зунна дитияра зула арцу, аъркинну дакъар...

ЧІявуну Александр ганил цичІава гъанттагума итайва. ХІатти ция игъ учин итан, къатлуцІух цІу ларчІун нарчангума так га аькъатІунмур банссия. Ялув лархсса янна гъантлун цимилагу даххана дайва. Та уругу, Лида дикІантІиссия я Александрдун дукрарду шахълай, ягу ганал янна шюшлай.

– Му оърчІ вин вила лякълул оърчІаяр ххирар, – учайва Марат акъ-асса чІумал Юнуслул Лидахъ. – Мунал ппурхха Маратгу, вин га муксса душмансса циванни?

– Къаччан хьуну ур, ккавккун къаччай ур, – чайва Лидал.

Зунттал халкъуннал учала бур, «Ттулгу чара бакъар, вилгу инсап дакъар» тІисса. ОърчІал цІаний Эльмирангу, Маратлунгу бухІлан багъуна Лидал гъужумругу, ганил къудуршивурттугу.

Надя ци тІурчангу, Эльмира Маратлуйн вихну бия. Агарда На-дяд гай гъантрай ца тІул къадурссания, Эльмирал ва Маратлул дянив тачІав дяркъу къадухханссия.

Ца кїини Эльмира, гьухъайн дяркъу щуну, заводравату инжит хьуну бувкІуна. Александр учин ниттичІан лавгсса чІумал, стаканну бивзун, гьухъа битан банна тІий, ниттил бацІан бувна цичІава. Му чІумал ялун бувхсса Надяхъ Эльмирал тявакъув бувна, Марат ялугълагъи къаан, цуппа ниттичІа бацІаврил савав бу-сан насу куну. Надя лавгуна.

Га кьини Марат даврияту кайп хьуну увкӀун ия. Цащала зузисса Расул тӀисса гьалмахчунан арс увну, ресторанналуву га шюшлай бивкӀун бия. Гагу Эльмирагу даврияту архӀал най буссия. Расуллул Эльмирахьгу миннат бувна Маратлушал бачу куну. «Чансса тӀааьн бакъа бура, багъ-ишла бува» куну, Расулгу арс аврищал барча увну, Маратлухьгу чӀал машара куну, Эльмира лавгуна. Надян тӀурчан, Марат ресторанналуву бутлай икӀаврия Эльмиран хавар бакъасса ххай бия.

Надя ялун бувхсса чӀумал Марат, яннагу лирккун, шаний утту ивхьуну ия. Ялун дуртсса кӀяласса шануйх дутулува ливчусса Маратлул урисса, бувцӀусса хъазамрайх, уттасса хъачӀунттайх куклуну кагу дурккун, Надял куна:

– ХӀакьину ина инавалу икӀантӀиссара, Эльмира, инжитну буну, ниттичӀа бавцӀунни. Эльмирал на гъан бунна вин дукра дан. Ина рязирав на дурсса дукра дукан?

– На увччуну ура. ЧӀалай бия Эльмира инжит хьушиву. КӀюрххил даврийнгуна малагара тӀий уссияв. МютӀи бан къавхьуна, – куна Маратлул цала хъазамрайн шанийх дутугу диян дурну.

– Нач дуллалаву цира, юхсса на вила хъачӀру янил дантӀисса ххай урав? Цагу, кӀивагу душнил ках увкусса хъазам бакъахьунссар му. Чансса чурххалгу бюхттулсса ивкӀссания, циняв душру вил хьирив бачинссия.

– Ттул талихӀ хьуну бур, туну, чурххал бюхттулсса акъашиву, – Маратлул пиш куна. – Ттуяту яла Камалул Башир хьунссия.

– Гьукъай, уттигу махьун къаагъайхьунссарача, – Надял обьтуй ятӀул дурсса куннасса мурччив пиш-къиш тӀун диркӀуна.

– Ттун Эльмирагу гъа хъанай бур, – Марат чӀавахьулттийх урувгуна. – Цан лакълай дур, ттулгу бакӀ гъанай бурча, цаннайн багъаннин шаппайн насу.

– Баики ттун шиккува бацӀан ччай бикӀан. Ягу ттуяту нигъа услай урав?

– Нигъа усан ина барцӀ бакъарахха, барцӀ бивкӀссаниягуна, нигъа къаусавияв. Ттула обьрмулуву на ссаятучӀав нигъа увсун акъара. Цаннайн багъну, шагьрулуву вихуна цу унугу къаахчиланшиврулла насу тӀисса.

– Ттухь Эльмирал ина шанан къаивкӀун шаппайн малагара кунни. На гъан ччарчан, чӀирал чулухунайгу кӀура авну, шанашу.

– Ттула шарссагуна ттуйнна вихшала дихълай дакъар. Ва ци обьрмурияртал, – куну, Марат чӀирал чулухунай кӀура авуна.

– Ина шанашу, нава гъаннин вин кӀюрххил къацӀ учинмур хӀадур дурну къадитаннача, – куна Надял...

КъатӀув диялну цан ларкъуну дия. ЧӀирал чулухунай лажинну утту ивхьусса Маратгу нукӀува шанавун лавгуна. Цана ганан ккаклай дия Эльмира хӀаласса макӀ. Га бия обьрчӀ шанашу уллай. Ганал чӀарах уттубивхьуну, обьрчӀал кӀанттух учайсса балайлул макъан дурцуну бия. ОбьрчӀ шанан ивкӀуна. Яла хӀаллих бивзун, мицӀкӀиссурттай Маратлул чӀарах бавцӀуна. Мадара хӀаллай гукун бавцӀуну, Маратлул ссихӀ бигълагъаврих вичӀилийгу бивкӀун, ганал мурччайн дахьра мурччив лаян дурну, ппай куна. Марат чантӀ къаувкуна. Ялун дуртсса шанийх дутугу гъаз дурну, Эльмира хӀаллих Маратлул шанувун бувххуна. Марат Эльмирал чулухунай кӀура авуна. Эльмиралгу, ялтту кагу дуртун, Марат цичӀана чӀувин увуна.

Марат цакуну чантI куна. Амма базу сукку къабувна. Цала хьуву хьамитайпа бушиву кIул хьувкун, Эльмира шаппа бакъашиву дакIнийн багъну, ццах куна.

Га бия Надя. Гаксса хIаяравату бувккун Эльмиравагу утту къабитайссия МаратлучIа. Га бия ниттил бувсса кунма кIачIакIулу хьуну. Синттул ттуп кунма лешлай, лахълахъисса бувцIусса цила хъазам ганал хъазамрайн лаян бувну бия.

– Ина дуллалимур цира? – куна Маратлул цала ссурессулийн, хьачIунттайн ппайрду тIисса Надял мурччай хъатгу дирхьуну. – Ина Эльмирал оьрчIнийвасса дус бакъарав, ганин кIул хьурчан, нач къахьунссарив?

– Циванни жура дуллалимур Эльмиран кIул хьун аьркинсса? – Надял ссихI бяличIлай бия. – Ина ттуй гуж буллай акъарахха, нава бувхра вил шанувун. Ттул ва хьхьуних ялугълай цукссагу хIалгъяхха. Вана цана на вил хьуву... Инава адамина ухьурча, гьархьхьуну жула дянив хьумургу аьрщараву бучча, – Надял кIукIлусса, парх бивкIсса кIиз Маратлул лажиннарайн багъну бия. Гайннул ттунгъашиврул га-нал бакI гъанагъи бувна.

ХIарчIсса хIангу лирххуна.

– Эльмира бувцуну махъ на ганийн хаиншиву къадурссар. Гьархьхьуну ина на ясир унна, – кайп хьусса Маратлул Надя цачIанма чIувин бувну, ганил хъазамрайн ппайрду тIун ивкIуна.

– Цана Эльмира дакIнийн бутлан нач къашайрив? Ганияр на ссал ялавайсса бур? Ганил бучсса чурхнияр вил хьуву ттул исвагъисса чурх бавкъуну бакъарив?

Цала шарссанил цайнма бакъа къалавсса марцIсса чурх, гьарца хьхьуну личIи-личIисса араптуннан ккаклакисса циламур чурххаяр оькки бувкун, Надяту Маратлун дакI оьзлан диркIуна. Щуну, Надягу шанияту ккуру бивтун, ивзун, янна лахлан ивкIуна.

– Чани малахъара, – куна Надял, кашлих ганаща лаххан нанисса хIажакгу хъап куну ларсун. – Ттун нач хъанай дур. Уттуихьу, ттун ина адамина ххива. Ина на къюкьин бунна. КIулну икIу, на ва хьхьу вин багъишла къадантIиссар...

Марат уттуивхьуна. Цаннай яннагу ларххун, Надягу лавгуна... Ганан кIюрххицIуннин шану къабивуна. КIюрххицIунай шанавун лавгсса га ттявхъ куну тия-шия рищун дурну тIиртIусса нузал чIунил ццах учин вуна. Хьулух бавцIуну бия сситтул гьузи лавхъсса Эльмира.

– Вил гъалакшиву цира, ваксса кIюрххила вил ялун ци бала биври? – цIувххуна Маратлул, га ци хавар лавсун бувкIривав тIий, нигъагу увсун.

– Ина ваксса кIюрххила ттух ялугълай акъахьунссияв? Чув дур му къахIва? – хъап куну, Маратлул ялату шанийх дуту экилирчуна. Ганан хIисав хьуна цала хъазамравун буруглагисса Эльмирал мукьал бувцIусса яру.

Маратлун къакIула кIюрххила Надя ЭльмирачIан лавгшиву. КъакIула «кIюрххицIунмай МаратлучIату хьамитайпа бувккунни» куну, цайва бакъу бивхьушивугу.

– Ина циван аьтIий бура, хьумур ттухьгу буси? – куна, ивзун, Маратлул.

– Люти шарссанил пачатру бивщусса му вила хъазамрахъ цIухха хьумур! На вийн ттуйнма наванияргу вихнуявхха бусса!..

– Цивхьуну бур ттул хъазамран? – Марат ивзун, дагъанттул хьхьичI

авцџуна. Цакуну щинавун бакџ дюкџ дурсса хханссия, учин нанимур мазрайва къавкъуна. Цала хъязам ятџулсса мугърурдал оърчџи бувну бия.

– Ивзрав, Марат, шанансса чџуннагу хъунав? – чџаллай каругу дирхъуну, Надя хъулух бавцџуна. – Вагъар ина шарссагу, арсгу ххирасса адамина акъаяв, шарсса ца хъхъунусса чџарату гъаннин къахџва хъами дуцлай уссияв?

– Бат хъу, дучџи дакъуй, – Маратлул ганийн, столдания ларсун, щинал дурцџусса гарапин итадаркъуна. Гагу щун къабавцџуну, Надя ливхъун лавгуна.

– Танисса тахсир цири? Танил ттул яру тџитџин бунни. Цукун бювхъур вища ттуйн хаиншиву дан? Цукун дакџ дирди на утту бишайсса шанџий цамур шарсса утгудишин дан? Мукунссарив диркџисса вил ттухсса ччаву? Ина на къюкъџин бунна, – Эльмира къџинибархан пџап-чарил давриха зџий бувхсса хханссия. Цџана га аьтџий бакъая, чџиранияргу кџяла лавгун бия.

...Маратлул хъумур тџайлану Эльмирахъ бувсуна, амма Эльмиџра вих бан къавхъуна. Ялунмагу кџири бивчуну:

– Утти ина ттул дуснай бакъу бишин най урав? Вин начрагу къашайрив? – тџий, аьтџун бивкџуна.

Лажиннараџн бувцукун, Надя биянма ххяхлан бивкџуна...

Гъаннайсса, Эльмирал хъхъичџгу Марат ливсса, вихшала дишин къабучџисса инсан хъуна. Лидал мазгу хъиннува байл хъуна. Утти Эльмира хъхъичџва кунма ниттил Маратлуйн кумунил хъхъичџалу къюкълай бакъая. Цџярва бакџрал ххуйсса, дурккусса хъамитайпа хъуна бакъирчан, Маратлул цуппа къабитанссара тџисса пџикригума багълан бивкџуна...

Александр хъуна хъанай ия. Лидамур цанния кџира къархъуна. Къунт-тухун дахчусса хъарас кунна, Маратлухун дахчунна дия. Утти ялунна лирчуну Маратлухъ: «На ттула душ вил шарссану къабитайссар», – тџун диркџуна.

Александрдул ххюра шин хъусса щинал Маратлулгу институт къуртал бувна. Утти ганан Махџачкъалалив цала мазрай буккаџсса газетрай зун кџану хъуна.

Ххарину ия Марат Лида дусса шагърулияту нанаврияту. Бивзуна гай Махџачкъалалив, бувгъуна лаякъатта, зун ивкџуна газетџрай. Амма дянивсса ттуршра километралул манзилданул Лида хъисрагу арх къадурона. Чара бакъа нюжмардий цал дучџайва, цачџун бувсса цила авлия хавардал чантаџ душнихъ бачџва бан. Ванал ва кунни, танал та кунни, Марат вияту укун тџий ивкџун ур, щихърив на шарсса дуккан дуллаџ ура куну бур тџий, Эльмира гъалак буккан байва.

Ца къџини Марат редакциялул къутаннайн тџайла увккуна ца колхозрал хъхъичџунсса яттихџухчияту макъала сакин дан. Га цурдагу дия гъинтнил къџини. Къутаннай бигъинсса ссџихџвагу биял хъанай бакъая. Ахттакъунмай марч бувккуна. Гъаз хъуна ххит. Укунагу къџинибархан гъухъа ивтна ивкџисса ганал дарвачрайх, каруннайх ххиттул къат даркъуна. Лухџисса бакџ оъруну чџалаџ бия.

Цџан лакълакъџисса чџумал Марат шавайн ивуна. Ганан цаннийра Лидагу, Юнусгу лџавкъуна. Къатлвун уххавривун, Александр буттацџун лавчџуна. Ганал дарвачрахух каругу дирчуну, цачџана чџувин увну, пџай тџун ивкџуна. Арсгу ххираувну, Маратлул Юнусџлул ва Лидал карду дургъуна. Юнус, ххуллийх захџмат хъурив, тџайлабацџу бусса аьрххи

бияв тий, цлхлан ивклуна. Лидамур Маратлух зунххи дуроглай дия.

– Ттуй яла чанну ца пут ххиттул духьунссар, – куна Маратлул цахва вичилий бавцлусса Эльмирахь. – Шчин, тЯс ласила.

Эльмирал тахлила буккан бувну, тЯсгу Маратлучланмай бувну, щин ласун лавгуна.

– Эльмирай! – цакуну Лидал лахьсса члунил кьатта гъав-гъавтИи бувна. – Ина ванал лагъ бакъара!

Марат бансарив къаклулну бавцлусса Эльмирах урувгуна. Яла оьллу кунма трусикирттаву краватрайн багьсса Лидах ва Юнуслух урувгуна. Лидал хъазамрайх дархлусса янналул лиссулувату шалва хъазам кьатлув ливчуну бия. «Инсантурал нач дакъашиву. Чивисса оьрчАятугу, жагьилсса цала душниятугу, ттуятурагу нач къархуну, яннардугу лирккун, тахлийн багьсса куц. Вайнниятугу жагьилминнан ххуйсса зад лахьхайссарив?» – куна Маратлул цахва-цала. «Ттуй айрив цланакул та бусса куццуй кИягу кьатлув буккан барчан? Юнус цала куццуй увччу хуну ур. Ссавур данна, цалгу, кИллагурив на ссавур дурсса? Уттигу данна».

Чивисса унугу, гикку хъанакхьмур бувчлухьунссия, Александр Лидах я-баклгу бутун уруглай ия. Яла, пиш куну, ккиз лавгсса буттал иттавгу урувгун, куна:

– Мяммай, на дутинна вил канийн щин. Ччаннугума шюшинна.

Маратлул дакI рахлат дурккуна. Кружкагу ларсун, Александр щин дусса бадралучлан лавгуна. Гагу щинал дурцлуну буттал чIарав иявайсса члумал, Лидал цила зумуну вев куна:

– Александр, кружка диркИний диша!

Хъап куну, арсгу цацлана члувин увну, Маратлул Лидайн члу лахь бувна:

– Ина инсаннавкьай, юхсса жанавардав?! ЦининцIара на вил къудуршивуртту духллантИсса? – Марат ххявххун лавай ивзуна. – Гьассар! Ттул ссавурданул ахир дуркИсар!

– Вацлана ттул кьатлувату дукку! Ттуща ца хатIа буккавай бур?

– Марат, ххирама, ина тлутИмур цира? Хьхьурай ттул нину чун гьантИссар? – аьгу-аьтИий, Эльмира хьхьичI бавцлуна.

– Ва къагьарчан, туну, на гьанна, – Марат увккун авчуна. Хьулухун ивсса члумал Эльмирахь куна:

– Ттул кIива оьрму бакъассар. Вил ниттил ттуй бикъавхьусса бухьтан къабивтунни, ччарчан кьюкьин унна, ччарчан кIива-кIива душицила унна, утти навагу далуханалуву ахир хьунсса даражалин иян авай ура. Агар нагу чча, арсгу кIинналагу дянив талихI буну хьуна анну, кьатта-къушгу банну тИий бухьурчан, вил хIакьинуния тинмай ниттих вичИи дишаву дакъассар. Цамур куццуй тИий бухьурчан, ина ттун шиву лякьин къааьркинссара. Мукьул кутIамур вари.

Марат увккун лавгуна. Цала хьирив баллай бия Юнуслул Лидахь тлутИсса махьру:

– Утти дигьаларграв?

Гай члурдавух хIала бухлай бия цала хьирив аьтИсса арсенал члугу. Га члу къабаяншиврул вичIай хьатругу дирхуну, Марат хIаятрава увккуна.

Га хъху Маратлул шагърулул дянивсса багъравусса скамейкалий щяивкӀун гъан дуруна. Дустал чӀявусса бунугу, щичӀанчӀав гъангу ччан къабивкӀуна. Ганан цӀана цала чӀарав цучӀав уну ччай бакъая.

Чани хъусса чӀумал лахъхъувасса ххиттуцӀа марцӀ хъун хъхъиривун увххуна. Хъхъирил щин дюхлулну дия. Чурх мадара тазагума бувккунна. Яла ла-ялавай заназисса халкъуннал бувцӀусса кӀичӀиравух хӀаллих шавайн авчуна. Га дия ахттайн бизан гъан хъусса чӀун.

Цала ккъатрачӀан гъан хъанахъиссаксса, ганал дакӀ анавар дуклай дия. Ганан, цала къутӀ учайхту, Эльмирал нуз тӀитӀинсса ххай бия. Ивуна цала дарвазалучӀан. Дарвазалул чӀиримур нуз тӀитӀиннин хӀаятравун вичӀилий авцӀуна. ХӀаятравату тӀуркӀу тӀутӀисса оърчӀал шадсса чӀурду баллай бия. Гайннуву цала арсгу ухъунсар куну, цакуну дарвазалул нуз тӀиртӀуна. ОърчӀаву Александр ххал къавхъукун, дакӀ гъюжу дурккунна. Цаламур кӀуллук тӀиртӀуна нуз. Къатлуву кӀилчинмур тах бивкӀсса кӀану бачӀва ххал хъукун, дакӀ муксса къума ларгунахха, бигъинсса ссикӀ биял хъанай бакъая. Эльмира ва цува уттубишайсса тах исвагъину лавкъуну бия. Ганил чӀарав бия пӀав бивкӀсса арсналмур тахгу. ХъхъичӀ бишай кӀанттуй чӀюй бувну дирхъуну дия, мангъалгу дурккун, Маратлул янна. Гайннул чӀарав бия чивчусса чагъарданул къютӀ. Га бия Эльмирал чивчусса чагъар:

«Марат, ина на багъишла бува. ЦӀана на кӀива къувтӀилул дянив ливчӀун бура. Ка тӀитӀирчан, ка ччучлай, ччан бизарчан, ччан ччучлай бура. Къаччан бикӀарчан, къюкӀ-дакӀ цӀун хъуну, хӀал бивну дагълагъисса ниттин цибави, ттула къюкӀлил таргну хъусса вин цибави. Дяниятува ттунма нава бивкӀу ласувияв, арснай цӀими хъанай бур. Ниттишал лавгун тӀий, миннатри, ттуй аьй мадара. На дардирдал авлия шавай бура. КъакӀулли ци хъунсарив, хъинбала ссаву буссарив. Так, бюхъарчан, на хъамамабитара, на хъамабитарчангу, вила арс хъамааитара».

Марат лув бишай кӀанттуйн левкъун лавгуна. Гъарца кӀанттаяту къунну цала хъирив аьтӀисса арснал аьсивсса чӀурду баллай бия. Къатлуву чун ургарчангу гъарца кӀанттай Эльмира ва арс хъхъичӀ бацӀлай ия.

«Гъанна, цӀанакула хъирив гъанна!..» Марат нузачӀан ивуна. Гикку га, бакӀгу кӀирагу каруннил бувгъуну, авцӀуна. ДакӀнивату цамур чӀу ялун ливчуна: «Ссавур дува, Марат, анавар мауккара. Инара дан нанисса тӀулул ххуйну пикри бува. Авкълайвагу акъарав? Хъинну вихну урав Лидал вишала Эльмира итабакъинтӀишиврийн? Гания ниттишал лавгунни, инагу къаивтун. Цагу, кӀивагу гъантлийсса ссавур дан хъанай акъарав? Бали-ки, пашман хъуну. Эльмира цуппа бучӀан махъунмай. Ганинния ина ххирасса ияв...»

Марат, кӀура авну, гава кӀанттуй щяивкӀуна... КъабувчӀуну бия Эльмиран хъинбала ва оббала ссаву буссарив. КъабувкӀуна махъунмай ласкъатлувун.

Зуруй цал унугу Александр ккаккан учӀайва Марат. Га лагавривун Лидал чӀахху-чӀарахнахъ учайсса бия: «УвкӀун ия Эльмира зана бити-яра тӀий миннатрай». УрчӀулку шинавух нанисса арсгу Маратлушал хъхъичӀава куна акъая. Бут-тал буллусса ссайгъатгу гъира бакъа ласайва, ихтилатгу гъарзасса къабикӀайва. БувчӀлай бия Маратлул Лидал цаятува гъарца къини буллалисса, цува оькки уллалисса хавардал гагу аькъин уллай ушиву.

Агарда марці кІяласса кѣяца цинѣв лухІисса бур тІун бивкІукун, га лухІигума лагайссар тІар. Лидал канилу хѣуна хѣанахѣисса Александр-дул буттал чулухунмайсса пикри баххана шаву – махІаттал хѣунсса зад бакѣя.

– КѣацІуххинна на арснахѣ га ттула чулухунай циван аѣвкѣуссарив, – куна цал Маратлул цахѣва-цала, арсначІату нанисса чІумал. – Хѣуна хѣувкун, аѣкѣлу-кІулши хѣувкун, цанма кѣабувчІинххурав, лухІимур ва кІяламур личІи кѣабанххурав. Напакѣ буллай ура куну ссайчІав мяш кѣахѣунна. Янна-ус ласунна, ттушава бюхѣайсса кумаг банна...

Эльмира Надѣял кІул увсса Матвей тІисса тІаннул усттарнан шар хѣуна. Эльмира буциннин я шарсса, я оѣрчІру бакѣассар тІий икІайсса ивкІун ия. Яла кІул хѣуна цамур шагѣрулий мукѣва оѣрчІгу, шарссагу душиву. Бюхѣайва ялагу Эльмира ганая личІи кѣахѣунгу, Матвей гагу кѣабивтун, цала кулпатрачІан зана кѣавхѣуссания.

Гания махѣ Эльмира шар кѣавхѣуна.

Ца кѣини Марат зузисса редакциялийн ца жагѣилсса хѣамитайпа бувкІуна. Га хѣинну чурххал исвагѣисса инсан бия. Я бацІансса янна чурххай ларххун бакѣанугу, лухІи оѣрчІисса читлил гѣухѣ ганий хѣинну бавкѣуну бия. КІиз лахѣисса бушиву чІалай бия, ганзсса, чансса шархѣницІал ранг бишлашисса хІаллурдая махѣ бакІрай лазиларкѣусса кѣутта дурну дия. Ганилгу дия Эльмиралминнуха лархѣхѣусса, кѣюшну лухІисса, читІул хѣаттирдаха лахѣлахѣисса иттацІантту. Гайннухара лархѣхѣусса иттархѣеннава буруглагисса хѣунисса яруннаву цирив ца пашманшиву кѣюлтІ хѣуну дия.

Редактортал щѣбивкІмур кѣатлуву ца Марат акѣа цуцІав акѣя, хѣхѣичІмур кѣатлуву щѣбивкІун бия машинисткахѣул.

– Вил ци мурад буссия? – цІувххуна Маратлул хѣулуцІух лавай бав-цІусса душнихѣ, га щѣбикІан кІанугу ккаккан бувну.

– Цал кІул хѣунну, ттуйн Мариян учайссар, – куна ганил.

– Ттуйнгу Марат учайссар, – Маратлул ганичІан ка тІиртІуна.

– Радиолух буслай бия зучІа машинисткал даву дур тІий, на машинисткал курс бувкѣуссар, – га документ буккан канихѣсса сумклувун бурувгуна.

– Мѣйжанссар, жун машинистка аѣркинну буссия, муниятѣа радио-лук баянгу бувсса. Ина чІал хѣунна, ссувай, жу дахѣва лахѣхѣу кѣамул барду цамур машинистка.

– Ва ци ишри, ахир, гѣарца кІанттайн чІал хѣуну лѣкѣара, – Мариян бачин лавай бивзуна. – Барз шавай бур даврих луглай, зукѣазий, стажгу зия хѣунссар.

– Ина пашман машара, цІуллушиву дунѣа махѣ даву чан кѣахѣунтІиссар. Ччарчан, даву лѣкѣин на вин кумаг банна. Вил цамур пишагу буссарив? – цІувххуна Маратлул.

– Тучандалий зий буссияв, ттушчала зузисса цамур душнин вихшала дан багѣуна, мугу ттун ххирану бавцІунни. Ххюттуршра кѣуруш ялув хѣуну, ттула арцу дишин багѣунни. Му иш хѣунѣа махѣ машлул давриятугу дакІ дурккунни. Ттун биччи бакѣар, цукунсса даву дунугу. Ттун чара бакѣа зун багѣлай бур.

– На хІакѣинува ттунма кІулсса инсантал зузисса идарарттайн оѣвчинна, бюхѣайссар машинисткал даву лѣкѣингу. Лѣкѣирчан, вин цукун баян бантІиссар?

– Ччарчан гѣунттийва бучІанна, лажинни, уссу, ттун ва ишираву кумаг бува, – га Маратлук, миннат буллай, бурувгуна.

– Шиккун буклай захмат буллан циванни, гъунттий вава чумал шиккун овъча, на чунчав къагъантиссара, – Маратлул ца чагъарданул къютлий цала телефондалул номер чивчуну, буллуна.

– Хъунмасса барчаллагъ, – куну, Мариян бувккун лавгуна. Га лагайхту, Марат цанма кълесса инсантурачлан овътлун ивклуна. Ахиргу, почтрай телефонисткану зунсса клану лявкьуна.

Цацава Марияннун кумаг бан бювхъуну тий ххарисса Маратлул телефондалул трубка бивхъуна. Му чумал машинисткахъул бусса къатлувату чярусса шиннардий га редакциялий машинисткану зузисса Абидатлул чу бавуна.

– Дучи дакъу, лажин кяла оъл кунна, дюгу-дюрчуноу, цила ххуйшиву майшан тий занай дур. Шиккунгу циван дурклунавав? Щил чинсси-яр га шанма оърчал нинур куну.

– Оърчуру цичава буссаривкбай, ласначла къабивтссарив? – га бия лахъхъу къамул бувмур машинисткал чу.

– Укунсса хъаннища оърчуру ябан шайссарив? Ласначла къабивтссар.

– Ттун ва щарвагу къавхъусса душ ххива. Цилагоу ххуйшиву оьнкъучлул бивчливул, ца хъамитайпалул багъасса яру, иттацлантту дур. Баццула ваксса ххуйсса хъамитайпалия, шанма оърчугу дянив буна лас циван личи хъуна?

– Вагъар, личи къавхъуну ци бантиссия? Цува кунмасса арамтал цайва махъа хъяхъи бантиссияв? Ласначла дуна, цайминнашал занай диркун дур. Кла мукунсса задру бухайсса адамина акъассар, – Абидат ялу-ялун клири бичлай бия. – Кукунсса адамина ва шагърулийгума шама акъассар. Кла ттул куявнал сурахъур...

– Абидат, ина, гъарал лачлуннин хъхъичисса ттурлу кунма, лухи лавгун бурахха, щил ци буври? – куну, хъярч бувна Маратлул, ганил хъхъичи машинкалий рищун каних чирчусса чагъарданул члапигу дирхъуну.

– Га арантуннал ахттайнсса шиккун циван дуркун дия? Утти вийн биврив ганил иржа?

– Ва ахттайнсса дукай члуннив, даврия буккан члун шавай дурхха куну, – Маратлул ялагу хъярч бувна. – Вил магърай щил ччан бавчур?

– Ина на авлияшиврухун мабихъларда, на вил нинуксса шавайсса щарссара. Вий даки аьтгийра укун тлутиссагу. Ва шиккун дуркисса задраяту архну иклу.

– Хлакьину жула редакциялийн ххюя-ряха инсан увклунни. Ттун вил гьалгъамур щиятуссарив къаклулли. Ялагу гайннава цума учиакъу уссарив, цума учима уссарив ттун къаклулли.

– Вин хьинну клулссар гьалгъа щиятуссарив.

Маратлун нуклува бувчуна гьалгъа Марияннуятусса бушиву. Къабувчу мишан дуллаи, хъярч булларчангу, га цавува Абидатлуинсса сситтул къуркъу уллай ия. Ахиргу, сси ялун ливчуна.

– Абидат, ва хлукуматрал идарар, цана ччинаща учлангу бюхъайссар. Ттучлан бувкминналссагу буллан вин аьркиншинна дакъассар. Ми хавардугу шикку къабуслай, кличираву буслан бити.

– Гъа, битавивъяр? – Абидатлул даки озлазисса пиш куна. – Нания къабикланна ва шагърули буцириннал къацурдийгу хъатру дихълан насу....

Сситтувух Абидатлухъ хьиннува къаччан биклансса махъру учин къабукканшиврул Марат гива увккуна.

Хъиривмур кьини Марияннул телефондалух Маратлуин даврил ялув

овькуна. Хъинну ххари хъуна, даврийн къамул бува тисса аьрзагу чивчуну, почтрал начальникначлан насу кувкун. Цуппа даврийн бувхсса къини цал ялагу овькуна барчаллагь учин. Гания махъ Мариян Маратлун къаккавккуна.

Ца бигъалагай къини Марат Каспи хъхъирил зуманицлукх лахъи бувксса багъравусса скамейкалий щяивкун ия. Баргъ кйири бувну бия. Хъхъирияту дурксса дюхлулул рахлат уккан увну, пахъ агьсса га, нахлусса шугълурдавун лавгуна.

Ла-ялавай чйарах буклай бия кув хъхъиричлан, кугу хъхъиричлату нанисса инсантал. Яругу лавкъуну, пикрирдавун лавгсса Маратлун ца члумал чйивисса оьрчлал члу бавуна. Ганал яру тйивтлуна. Къантласса хла-жакраву, кахри дакъасса гъухъуву адаминал кагу дургъуну най ия гьутл ивкссса оьрчл.

– Мяммай, – куна оьрчлал щарашул жюржулуха лавхъхъусса члуний.

– Щинавун бувкун махъ жува кино ккаккангу гъаннув?

– Гъанну, арс, вин дакйний дурив цакъни жура телевизордануву ххал дурсса «Чапаев» тисса кино? Ччарчан, кйа кино ккаккан гъанну.

– Гъанну, – оьрчл ххари хъуна. – Ттун Чапайгу, Петягу хъинну ххуй бивзунни. Нагу Чапаев кунасса бурттигъу хъун ччай ура. Ттагтал ттун цала ккацлул ятлулва-ятлулсса тййгу булунна тйива...

Оьрчлал гьалгъалийн бувну бувчллай бия хъинну духъурчан ххюра шин дакъа дакъашиву ганан. Чансса гихунай хъувкун, ялагу бавуна ганал члу:

– Мяммай, кинорайн нанийни ина ттун мороженныйгу ласуннав?

– Мороженный дукарчан, вил къакъари цунтйиссар, яла дада ттухун дяввантйиссар, – жаваб дуллуна буттал.

– Дадан ххал хъанай дакъархха на мороженный канакишиву?

– Кйанин гьарцазад ххал шайссар, цйана жува чун бивссаривгума чйалачйиссар.

Маратлул хъхъичл авцлуна оьрмулул ххюлчинмур шинавух нанисса члумалсса цала Александр. Гъинтнил кйилчинмур барз байбивхъусса гъантрай отпускалийн бувксса Марат ва Эльмира, арсгу увцуну, шяравун лавгуна. Увкссса къинива Александр дус хъуна чйаххуврайва ялапар хъанахъисса Гулизар тйисса душнищал. Га члумал Гулизардулгу ххюра шин шавай духъунессия. Кумсиятлул, Маратлул ссурваврал Александр хъихъи лавсун, ганан ччимур буллай бия. Мюрщи оьрчлан аьркинмургу му бикйай. Увкссса къинива Гулизардушал чйарклув къютйна уклай ивккун, оьрчлру итабакъавайсса ккунуккирттай щябивкссса аьнакйи бизан бувну, ккунукру зия бувну бия. Му цанма клул хъувкун, Маратлул Александрдул вичйигу дургъуну, танмихл бан къатлул муьцлукх ацлан увуна.

– Ина му шиккун атлан увцуну увкйрав?! – тйий, Кумсият Маратлухун дявван дирклуна. Ганал гьутл диркссса чйаврдайх ккуруккисса мукьал ккузригу каних ливхъуну, члу пахъ бувна: – Ванал иттату ца мукьал кйунтл багъаяр тай аьнаклул оьрчлру бувавагу бакъа дикйайссара на, – куна. Гъаннайсса Александрдун бувчлуна шяраву цахлува букканмий гьарзану бушиву.

Ца къини мадарасса хйал хъуна Александр ва Гулизар бакъа хъуну. Къатлуву буми гайннах луглан бивклуна. Оьвтлун бивклуна. Чачлав я члу баллай бакъая, я цивппа чйалай бакъая. Лувчйиннийсса къатравун бувххун тлурклу тйий буна гиккува шанавунвагу къалагривав тйисса пикри хъуну, Кумсият лувчйиннийсса дянивмур къатлувун дурххуна. Гикку къалмул бувцлусса дарвагирттал махъунгума дурургуна. Микку ганил

кИнттулнин ахъулссаннуя ва ахънилсериннуя дурсса консервартту, муму-тамур дишаймур къатлувагу лагъсса щурщулул чIу бавуна.

Кумсиятлул хIаллих нуз тIиртIуна. Хьулувух багъсса чаннай ганин, шанна-мукъра шинай лахъи ларгсса, дарувран дуркъсса ницIал ккуппи-гу дянив дирхъуну щябивкIсса Александр ва Гулизар ххал хъуна. Гай лявкъусса ххаришиврул Кумсият Александрдул нацIусса каруннайн, лажиннаравун ппайрду тIий дия. Гулизар ливхъуна. Цивппа гикку лякъав-рия махIаттал хъуну ухъунссия, Александрдул цIувххуна:

– Мяммал дадай, вин кIиймур къатлува жу цукун ххал хъуна, жуния цIаннайн бувххун буссияв?..

Маратлул цахъва-цала пиш куна. Навт бух лавгукун, чирахъ лешлан бикIайсса кунма, дакIнивусса ххаришиву ялу-ялун лешлай, бизар-шиврул ялагу гъав лаган увна.

«ЦIана ци дуллай уривав Александр? Лидал га обрчIащал цанма ччиссаксса хIаллай тIуркIу тIунагу къаитаакъайсса ур. Цакъни урган лавгсса чIумал ахъувусса ахънилсериннуйн щин дутIлай ия.. Нувщуйн, муму-тамуний казагума буллали айсса ур га Лидал. Муния къаобккир-ча. Хъунасса хъувкун, ялунагу захIмат ххирасса икIантIиссар..

Цакуну ганал щугълурду адаминал букъвасса чIунил бяличIан бу-вна:

– Ина Марат акъарав? – цIувххуна цаярва ца кIира ххарххирал арх-ну авцIусса, парх диркIсса, лухIисса ссирссирттугу дусса, чурххал лахъ акъасса адаминал. – Валлагъ унуккара! – ганал пиш куна.

– Да, буттауссу, на Маратра, – ивзун, Маратлул ганахъхъун ка дулла-на. – Амма ина ттун къаувчIунна.

– Вин на ча увчIинссара, уссил арс, на зул шяраву гъаттарал хIухчуну усса чIумал ина чIавасса ияв. Амма тара лацин лирчIун дур. Буттал ци иш бур, нину цукун дур? Вил нину ва ппу на ттула уссин ва ссин ккалли байссар. Так архну бушаву, ччя-ччя хъуна къабакълакъаву дур жуйрасса аьй.

– Цинявгу ххуйну бур, инава шикку шагърулий ялапар хъанай урав?

– На зуннийн ттула къатлувун куна уххайссияв. АцIинияхъайсса шиннур ттул шяравалу къадиртун. Шиккура къатригу ларсун, заводра-ву къалайчину зий ура. ЦIана жува шаппайн гъантIиссару, на шиккува, гъаннува уссара. Ина ккавккукун, ттул къари хъинну ххари хъунтIис-сар. КIива душгу, ца къаригу, навагуру бусса. Ттуйн Гъази учайссар. Ява, шавайн лавгукун, ниттихъ ва буттахъ ттул ссалам буси...

Гъазихъул мийжаннугу гъаннува ялапар хъанай бивкIун бия. Гъази-нал шарссанин Жариятлун Марат къаувчIуна. Яла Гъазинал бувсукун Марат щил цу уссарив, Жарият ганайн хъямала дагъуна. Нитти-буттая-ту, ссурвараяту, уссияту бакIра-бакIрах цIувххуна. Га цIана къур бувна ссупра. Дирхъуна аьракьилул шюша. Буслан бивкIуна хаварду. Гъази Маратхъал шяраву гъаттарал хIухчуну зузийни, Жарият цила кIива душнищал чIаххуврайсса шяраву ялапар хъанай бивкIун бия. ЧIявуну душругу архIалну бучIайсса бивкIун бия ГъазиначIан. Гъарца бувкIта-ригу, Маратхъанний бацIайсса бивкIун бия.

– Журналистну зий ура уча? Вияту гъич мукунсса къуллугърай зун бюхъайсса адамина укканссар тIун къабикIайссияв жу, – куна, хъянгу бивкIун, Жариятлул. – Вявлилшиврул дазу-зума къадикIайва. ОбрчIа-щал ивсса-ивна икIайвав. ХIаллурду кIункIу буллай, цинявппа душ-ру аьтIи байва. Жул хъунмур душнил цищалва архIалсса хIаллурду

бикІайссия. Вияр арулла шинал чІивисса бия. Бунугу, гагума къабитайва, хІаллурду кІункІу бувну, аьтІи къабувну.

– ЧІивиний ва ттушал оьллу зана битангума учІайссия. Нагу ванан чІахІлукту бувну балабантту булайссия. Та чІумал цаппара макъаннугума дуцайссия балабанттай. Утти хьиннува бищайхьунссар? – цІувхуна Гъазинал.

– Балабантту тава чІумала къабивтссар, – куна Маратлул. – Гармун, мандолина, скрипка бищара.

– Дула, къарий, шиккун жула ччергъилу, ва ттула ххирасса дуснал арсан ца буттахъал балай учиннача, – Гъази, ца-ца бувкун, лап тяхъа увккуна, ччергъилттуин кьинсригу битлай, Гъазинал балай итабавкъуна.

Балай къуртал хьусса чІумал, къатлул нуз тІиртІуна. Марат махІаттал хьуна, цакъни редакциялийн даврил хьирив бувкІсса Марияннуйн я бивукун. Мариянгу гукунсса хьунабакъаврих ялугълай бакъахьунссия, гъанавиххину хьулучІава аглан хьуна, яла тяхъану, «чаувкра» куну, ка дургьуна.

– Ва ттул хьунмур душ Мариянни, – куна Жариятлул. – Ца-ца чІумал бигъалагай кьинирдайгу зун багъайсса даву дур ванил. Дунугу захІматсса дакъар, хъамитайпалун лайкъсса даву дур. Цув цІуллу ивуй, газет буккан байсса редакциялий зузисса ца лаккуоьрчІал ляркъуну дия му давугу.

– Яр, дадай, даву ттун муналлихха ляркъусса. Ттун къакІулессия зу кІулсса бушиву, – Мариян чансса ятІул бивчуна. – КІулсса бушиву кІулессания, хъамалу оьвчинтІиссия.

– На гъаттарал хІухчуну Маратхъал шяравуявхха усса, мяммал, – Гъазинал, Мариян цала чІарав щябивтуна. Маратлул бутган Шамиллун, ниттин Кумсиятлун, ванал хьунмур ссин Зубайдатлун ина хьинну ххирассияв.

– Гайннал цІардугу, цивпагу ттун дакІний бур, амма Марат дакІний акъар. Ялагу дакІний бур, гайннанний ца оьсса оьрчІ икІайва. КІункІу бувну ттул хІаллурду, буцавай личІайва, – га Маратлух бурувгуна...

– Вагъар, ттул душ, ина цІухлахимур цира? – куна ниттил. – Га вьялив оьрчІаяту вана утти укун ххаллилсса адамина хьуну.

– Марат, лажинни, багъишла бува, – куна, Марияннул.

Марат, таза увккун, хъан ивкІуна.

– Циняв бикІай оьрчІний на вьяливсса уссия тІий, амма ттунма цичІав дакІний бакъар. ТІайлассар хІаллурду кІункІу къабан душру ттуяту лихълан бикІайссия. Душварайгу аьтІ дикІайвача. Ттун къащи даншиврул, архну багу бавцІуну, тІунтІиссия:

Марат – хьхьунил къачагъ, багъирдал душман,

Бити жул мурхьирдай бияннин гьивчру,

Занай ухьурчангу виричу куна,

Вияту хьуну бур жул щарнил ису...

Анисат тІисса ттула хьинирвул ивавагу къаитайвав. Га ттуяр ца-кІира шинал хьунмасса бикІайва. Бунагу, на тІанкІати уллай, учинтІиссия:

Дяшярава буккайсса

Магъ лахъи лухІи цулчІай,

Ина къатІув уккарчан,

АьнакІал къеркъи буккай...

ЦІан лакълакьисса чІумал Марат шавайн авчуна. Га тІайла уккан хІа-ятрал къатІув бувккуна циняв.

Цала къатрачІан нанисса уттасса кІичІиравалу електричестволул чирахъирттал чанна лахъан бувну бия. Ганияр чанна лархъун дия Маратлул дакІугу. Га ххарину ия гукун дакІ тІиртІусса, ялун увкІманал хІурмат бан ччисса инсантурашал цува кІул хъуну тІий. Цакуну чІювххуна цакъни редакциялийн Мариян бувкІсса къини, га лавгун махъ Маратлухъ Аьбидатлул увкусса махъру: «Ява ганил ххуйшиву циняннан аьмссар...» Юх, бакъахъунссия Мариян Аьбидатлул тІикунсса. КІукунсса нитти-буттал дянив мукунсса душ хъунма къахъунссия. КІаксса хІаллай ца ссупралух щябивкІун бунагума цал бакъасса ттул ит-тав къабурувгуна. Ххуйшиву цилагу. Ва шагърулуву кІанияр бакІрал ххуйсса хъамитайпа цамур бакъахъунссар...

Укун цащала цува гъалгъа тІий най уна, Марат цала хъулухун ивуна.

Гания махъ Маратлул Мариянхъаннийсса ххуллу ишла хъуна. Гъазинашал ва Жариятлуца чяйгу хІачІлай, хавардайн багъайва. Амма, та гъарчангу, даврий бакъасса чІумал, Мариянгу, ганил чІивимур ссу Паржигъангу шаппа лякъайва. Ца къини Марат увкІуна, «Хъявринсса ччаву» тІисса пьеса ккаккан гъан ххюва билетгу лавсун.

– Уссил арс, – куна Гъазинал увхсса чІуний. – Къари ва на шаппа бацІанну. Даврийгу увххун, чансса бакІ цІий, гъирагу бакъа урача, душругу бувцуну, инава насу. Ява, пьеса къуртал шайхту, душру шаппайн биян бува. Ина ттула уссил арс кунасса инсан уну тІийра вишал итабакълакъиссагу. ЦІан ларкъуну махъ на цава-гу душ хъулул къатІув буккан къабитайссар.

Пьеса байбишин дачІи ссят лирчІсса чІумал гай театрданувун бувххуна. Гиккугу чансса яру бакъая Марияннух буруглагисса. Хъами-душругума ганил хІаллулул дакІ мяшну буругайва.

Пьеса байбивхъуна. Марат кІивагу ссил дянив щяивкІун ия. Цува сававирай щилчІав гайннайн махъ къаучин, га, кІувагу къакІулсса инсан куна, паракъатну щяивкІун ия. Ца-цал Паржигъаннухъ пьесалия ци-бунугу учайва, амма Марияннухъ зумавагу ахълай акъая. Пьесалуву цила дакІнин ччисса мурадлайн къабивсса душ ккаккан буллалисса чІумал, Мариян хъювсул бувкшиву хІисав хъуну, Марат ганих урувгуна. Цала ссюрхъирайн ларсса кІюласса гъухъ-увусса ганил ссюрхъирайнгу хІаллих щуну, Маратлул:

– Пьеса бачІивагу хъун бувар, мукун аьтІурчан, ина мукъал бяххан банссара, – куна, щурщулий хъярч бувуна.

Марияннул, яругу ливхъуну, пиш учин къаст дуруна, амма ятІулпарх тІисса кІюласса мурччай пиш хІасул къавхъуна. Ганил Маратлул чулухмур хъачІрал хъхъичІух бувтеса хІаллулул лулттува уруглагисса ганал цахъва-цала куна: «Вай хІаллурдур тІар на кІункІу булла ивкІсса. Авлиясса иявав? Цукун дакІ дияйсса диявав, ваксса бювхъусса хІаллу кІункІугу був-ну, Марияннун цІун бикІан бан? ЦІанакул цахъи хІаллайсса та чІун ччива зана дитан. КІункІу къабантІиссияча, ттюнгану кахгу куну, вайннуйн ппай учинтІиссия...»

Пьеса къуртал хъукун, гайгу биян бувну, Марат хІаллих цала шавайн лавгуна. Хъунмасса хІаллай шану биллай бакъая. Циванъяв къакІула, кІяласса гъухъувусса Мариян хъхъичІ бавцІунма бия...

Шин шавай дия Марат Мариянхъаннийн ухлай-уклай, утти гайннал къатта ганан цала буттал къатта кунма чІалай бия. Га ялун увкІукун, Жариятлулгу цила арснаха кунмасса хІурмат байва.

Цал ахттакъунай, командировкалия най уна, Марат гайннаннийн лавгуна. Гикку цанма къакІулсса кІира шарсса ва ца оьрмулул угъарасса

адамина лявкбуна. Маратлун най буна бувчбуна цува учлаврия хъамал рязи къавхъушиву. Мув хИсав хъуну, Гъазинал Маратлул хъачИрай кагу дирхъуну, куна:

– Ва жула оърчИ кунассар, ваяяту къюлтИсса цичИав жул ичбува бакъ-ассар.

– Мукун бухурчан, гъаксса хъинни, – куну, дугъарамур шарссанил бяливчИсса ихтилат байбивхбуна:

– Жул арсгу зула хъхъичИ хбуна хъусса инсан ур, гъаксса ччива зу жула мурад бартбигъирчан. ЧИаххуврайва буру, ссятрай цал тИссаксса-гу, зула душница зул ялун-лув буххан хъунссар.

– Бургула, ттул ссу, – Жарият шарссаних дакИ тИртбуну дуругуна. – Вил арс ур шарсса къадурцусса жагъил. Оърмулул чИавасса буну, Мариян бур, шаргу хбуну, шанма лякълул оърчИгу буна, ласнаяту личИ хъусса инсан. Ялагу, щин къаклулхурчангу, ацИнияхъайсса шиннардий чИаххуврай ялапар хъанахъисса зун кИулссар ва жул душ ци хасиятрал, ци тлул-тлабиатрал инсан буссарив. Зунма кИулссархха бакъагъавай ласнал ляхъиндалул вания циксса ххуй бакъасса махъру буккан бувссарив. Цана зад бакъанугу, яла му зул оърчИавунгу бюхлантИссар. Цал къадарчан цал душнил лажингу ччуччин дантИссар. Ххуйсса чИаххул ххуйнува бикларчан хъинни...

– Ялагу, – Жариятлул ихтилат Гъазинал бяличИан бувна. – На душнихъ утти ташулул хИакъираву ссихИ дуккантИий акъара. Оърмулул ацИния арулла шин къархбуну, цинмагу къаччай буна, ттула вихшала дусса инсантал букИлан бивкИукун, гужирай шар буллуссия. Цукунсса ахир хъур? КИай кИинничалтвагу ккаккан къабитай. Душнихъ цихъва цИуххара, ва рязину бухурчан, жул цичИав бакъассар.

– Яр, чИаххувчу, ниттц-бутгах вичИ къадишайсса душ бакъар зул Мариян. Жул миннат къамул буллай бакъарча, зува маз-къаз бивхбуну, рязи банмур бара...

Шарссанил махъва-махъ кусса мукъурттил, нуклу къумашиврул хъя учавайсса Маратлул дакИ цакуну рахлат дуккан дуруна. Мариян га къатлува гъарчан, ххишала гивун уххан къахъунсса кунтма чИалай бия.

– Инагу акъьлу-кИулши дусса инсан чИалай урахха, ттул арс, вай инсантурахъ ци бунугу уча, – куну, шарсса Маратлулх дуругуна.

– На ци учиви, ттун бувчИлачИссаксса, зу зула арснан Мариян була учин бувкИун бунуккару. Шар хъунтИмур га бур, ганил рязишинна дулурчан, махъминнан рязи къавхбуну чара цир. Цуппа Мариян чуври?

– КИивумур къатлуву бур, – жаваб дуллауна Жариятлул. – Шикку буссия. Ттун аъркинсса шар шаву дакъар куну, хъхъичИа ливхъунни.

– Лажинни, ттул арс, цана лавгун кИанихъ ци бунугу уча, – оърчИал нину Маратлулх дуругуна.

– Насу, балики вища зад бувчИин бан хъун, – куна Гъазиналгу. – Амма цинма къаччимур буллали бансса ихтилат мабара. На цал ччувччуссара, утти цИарайхва хбуно къачча.

Марат ялун увхсса чИумал, Мариян, чИавахъулттил хъхъичИгу бавцИуну, аьтИий бия.

– Ина циван аьтИий бура? – цИувххуна Маратлул тяхъану. – Инава була учин инсантал бувкИукун, ялунмагу ххарину бикИан аъркинна. Ттул пикрилий, гай оьккисса инсантал бакъануккар. Бусласаврийн, бувну, жагъилгу вин лайкъ акъасса акъар.

Мариян ванал чулухунмай кИура бавуна. Га Маратлулх вихшалдарай бурувгуна. Яла хъиннува хъювсул бувккуна.

– Тай гъакссагу ххуйсса инсанталли. ОърчІайгу рищунсса аьй дакъ-
ассар, инженерну заводрай зий уссар. Так ттунма ччай бакъар ххишала
щар хъун. На цал шар хъуссара. ОърчІругу бувссар. Ттул ттуна ччисса
оърчІгу уссия, яла-яла дуклан ччай бия. Ца гъира буссияча хІакин хъунс-
са. Цалчинмур оърчІ увсса чІумала личІий хъун ччай буссияв ласная.
КІа мюршсса тІуллу дусса, шарвагу къавхъусса хъунмур ссил канилун
лавгсса, цайминнал пикрилий къуццу тІисса адамина ия. Ттун мукусса
арантунная дакІ оьзлан дикІай. КІагу душман хъуну чІалай ия. Буттал
къабивтунав личІий хъун...

Лас га чІумал институтраву дуклай ия. Зукъазисса ласгу, мюрщис-
са оърчІругу на ябуллай бура куну, ласнал ссил къаучиншиврул ца-ца
чІумал кІира сменалийгума зун бикІайссияв. Шаппайн бувкІукунгу
дигъалагру дакъая. ИчІурасса циняр давурттив ттунна дан багъайва.
Гъаннайсса, ттуяту кІайннал ичІура щарсса дуруна. Лавсусса харжигу
кІапІикІ кІапІикІрай дирхъуну, ласнал ниттихъхъун дулайссия. Ганилгу
«вин хъамитайпалун аьркинсса ци-дунугу ласун аьркиннихха, даврийс-
са чІумал ахттайнссарагу дукан арцу аьркин шайхъунссархха» куну,
къуруш ттухъхъунна къадулайва. Шаппату нисирал, ччатІул хъис ла-
сайссия ахттайнссаннун. Цу-цумур буслава, ахиргу личІий хъун багъу-
на. КІа ласналшиврий циняв арантуннавара дакІ дурккун бура.

– Мукусн тІий вила жагъилсса оьрму зия бан ччай бурав? Магъи дакъ-
асса къатлул чІиртту гъарал ччяни бяххан байссар. Вил оьрмулул дахъра
къуния ххюра шин хъуну дур. Зул къатта ттун ххира хъунни, зу ттула
яла гъанмий инсанталну чІалан бикІару. Мунияту вингу, вил ссингу
талихІ бусса ташу хъуну ччай бур, – Маратлул Марияннул кІюласса
гъухъувусса хъачІунттай вихшалдарай ка дирхъуна. ХъачІраясса гъили-
шиву оьттул туннурдавух экъиларгсса хханссия. Марияннул лахъсса,
ккурккисса ссурессу кІяла магъилияту дуресса хханссия. Цащава хатІа
къабуккан, анаварну ганил хъачІраяту ка дуркъуна.

– Мариян, пикри бува, циняв арамталгу цакуцсса къабикІайссар, агар
кІихІуллану ливчІсса кІану бухъурчан, тай инсантурахъхъун рязишинна
дула, – Маратлул вай махъру гужирай куна.

– Багъишла бува, Марат, къахъунссар. Ина ттухъва ахъния ххяхху
учирчангу, на махъунмай къахъунна, так «шар хъу» маучара. На уттигу
ттуйнма нава бучІан бувара...



Поэзия

Алексей ХИЖИЕВ



РУБАИ

Дайдихъу № 4 2016

91

*Чичрурду дай таптар, ттул вихшала дус,
Бивну бура ина дязаннийн дурус,
Вил марци чIанIал ардайх на лавсъсса шару –
Мири личIантIисса ттул ххазина-хъус.*

92

*МарцIсса чIанIув на оърму байбишав,
Уттира-тти ччаву на хатIлий чичав,
Я Оърмуй, ттул къалам мабав къуркъа хъун,
Ттул ккуппуву щекъи къакъан маритав.*

93

*Эшкъи обнийн дурккун, хъура на къашай,
ХIакинтурацагу чаран бан къашай,
ЦIуллусса рухIрачIа цIуллуссар чурхгу –
Ттул рухI, вихух ларгун, зана дан къашай.*

94

*Хайям, ина ура халкъ ливну бур тIий,
Вай тIайласса ххуллий най бакъархха тIий...
Азаллий ххюттуришра шин шавай дурхха
Идавс архIал акъа, жувалу ххуллий.*

95

*Жува къюлтI элмурду ттирихълай буру,
Дунияллул мяъна дурчIин чай буру:
Ка къадияйния зат ласлан цанни?
Жулла ччаврил ссихIир букъавчIлай буру.*

96

*ДакIнил аъмал ххуйма ххуйссар учара,
Ялун чIюлушиву на сан къадара,
ДакIниймур бусангу, дусшиву дангу
Ттул-тIабиаът ххуйма язи угъара.*

97

*На вин пиш-каш данна цалла дунял,
Вин ласунна циняв цѳуртти ссавния,
Агъ, бюхъавивавкъай ттуца ца цѳуку
Вил дакІниву лахъан ттулла дакІния.*

98

*ХхюцІалку шиннардий ниттихъал бувсса
Жун – дяъви цайминнал буслайри кІулсса,
Дяъвилия бувкІсса буттахъал арсру –
Жугуру дяъвилул цІарава бувкІсса.*

99

*Дайдихъу думунил ахиргу дуссар,
Аьлам абадшиву – мугу чѳумуйссар,
Заннал буллу гъантта бухлавгун мукъах
Гъарцимурцаннунгу ахир дучІайссар.*

100

*КІюла-лахъи ссурсулийх куя каних ках чара,
Ляла ливцІусса чурххайх урчІа ка кай-кай дара,
Ттул карав мина дурну, ттул ччаврил цугълурдахун
ЗяйтІи синттал балай тІий байбишай ттул гитара.*

101

*Шанма гъантта хъу ххива ина янин къаккаклай,
Щаллусса барз лавг ххива жува цачІун къабиллай,
Эйништейннул элмулийну эшкъилул дуцин дуллай,
Ссят дара-дарцІу ххива, тІиму лагма къадуклай.*

102

*Вил иттату цѳунар ттул иттав ликкай,
Вил дакІния лама ттул дакІний лахъай,
Яру вардишину бур, дакІ сарсуну дур,
Чурх – цІарал ччучлай бур, луххайн буккавай.*

103

*Дунъяллул гъунттулу ци духрав цІусса?
Цѳумур – духмурдихха, хъамадиртусса:
Гайра багълугъру, тІалавшиннарду
Тикрал хъанайрихха мудангу дусса.*

104

*ЧІан дакъа аьламрал чІанулун биян,
Атомрал чагливу дунял лиян –
Инсаннал кІунттихъ бур цалва бияла:
Я ххуйсса, я оьсса тарих къабитан.*

105

*Лащан бан дакI къадияй ина Бургъи-Зуруха,
Ххирай, виха лавхъхъусса я Баргъ, я Барз бакъархха,
Ччан къабикIай чин баллай вия цIа дуллангума –
Машай дирхъун цIа дайсса базаллул хъуслиярхха.*

106

*ЧIалну бувчIай жунма бйайкълай бивкIшиву,
Ниттихъан арсиву дан къархъушиву,
Диндалул луттирдай буслайнма бурхха
Ниттихъал ччанналу алжан бушиву.*

107

*Ссавний цIуртти ккалай бивкIру жу цархъхъу,
Муних лях ларгусса дурагу цар хъхъу,
Къачча ттун цIурттигу, къачча ттун ссавгу –
ЦачIу гъан дан ччива уттигу ца хъхъу.*

108

*«Агъ, шиккугу бивкIссар ца гъайта-гъура...» –
Эяллаву авцIун, шугълурдай ура,
Оърмулул луттирал хъахъи ларг чIанIив
ХIаллих цIунил дичлан хъурдай тIий ура.*

109

*Инт дуркIун, зунттаву марххалтту бассай,
Неххардийсса микIру мугъалттал ласай,
Ина бакъа утти ттун инт къадучIай,
Ттул дакIнийх бавкъусса бурса къабассай.*

110

*ХIукмулул къануннай – къалпсса чичрурду,
Элмулул луттирдай – къалпсса чичрурду,
Чичрурду чIярусса ттизаманнай ттун
Так буркIуннтай ккаккай хIакъсса чичрурду.*

111

*Чичлан гъузгу шара, душ, на вийн чагъар,
Вин дурчIайрив ххал дан ттул дакIнил тагъар.
ДакIниймур аьч бансса махъру къалякъай...
КъакIулнува бикIу ттул ччаврил хавар.*

112

*Шаэр мур-мурдай ур, шикаятрай ур,
Цал махъру, никрирду бацлай бур тIий ур...
Буккав ганал ххару. Гай, мйяжаннугу,
МяъналуцIа баиттан бачIва бувсса бур.*

113

«Ккул – аллагъакъултри», – тIиссагу буккай,
Аллагъ – чIюнналиву, пасраву уххай.
Инсаннай Аллагънал бивхъусса буржру
ЧIявуссар. Ккуллал ми циняв биттур бай.

114

Гъавгъун, гъюжу хъунни хIан рутIай жамгу,
Къарт хъун, заев хъунни чурххаву жангу,
Лажинни, уттирав бакIрай авцIусса,
Ттирив дакIнийн багъсса тирдавс-алжангу?

115

Хъунав шаврияту гъарманан нигъ дур,
Лажисса оърмулийн гъарнан тамахI бур,
Хъунавшаву дакъа, ттул дус, къяйдагу
Оърму лахъи бансса, хIайп, дакъар цамур.

116

Лаж хъуну, ччурччунни тавлугу тIама,
Левцунни ужагърай лекъащай лама,
Аърцарайсса оърму къавтIуха лащай –
КъавтIуя личIайсса ца кIулицул кIамар.

117

КъутIай хъицIив буссар хъункIултIутIайгу –
ЦачIу цIунцIиягу, тIааьнсса къанкъгу,
Гъан-маччанал дурсса лавмартшиивурттал
Щавурду дуссархха ттулмур къюкIлийгу.

118

Ссах луглай ура, дус, ина ссавруннай,
Мюрш ивкIун ялугълай, цирив ххал дуллай,
Аърцарай дяхттара лякъин къархъумур
ЦIурттаву цIаннаву урав лякъин ччай?

119

Бяйкъусса ххуллугу тIайла бацIайссар,
ТIайлабацIу тIурчан, гъарнан къашайссар,
Гъарца Гъиндусттаннайн ссапар бавхIума
Америка тIивтIун, зана къашайссар.

120

Мукссара ххуйшиву вин дуллусса Зал
ОьивкIун иявав, лажинни, ттуцал:
Ина ясир бансса гъунар къабуллур –
Цукун тулак бава къухъна мазращал?!

121

*Хъунав шаву учай балари куну.
Юх, бакъар! Жунма му бур къабувчІуну...
Хъунив хъанай бакъар язисса вирттал,
Оърмулул чагъраву абад пахъ багъну.*

122

*Неххал щинал лавсун лагайссар щама,
КъавтІи ччувччун лавгун, лещайссар лама,
Жулва ччаврил лама лекъащанишврул
Бачу, душ, дичланну къавтІувун тІама.*

123

*«БарцІругу бувччуну, сагъну яттугу!»
Бавхъунссар цимилгу учала зунгу:
Мяйжанну бивкІссар тІар иш укун хъуну –
Лявкъуссар буриІурдил хІухчу увкуну.*

124

*Къааъркинни цичІав, цичІав къачча ттун,
Къабюхъанссар вил хъхъичІ ттуца лергъа тІун.
Вищалсса лахІзарду дакІнийн бичланна:
Гъинттул – дюхлулишврун, кІинттул – гъили хъун.*

125

*Баргъ хъуну, битанна, гъили уванна,
Ттуруллул ххют хъуну дюхлул уванна,
Мякълин тІутІул яру, ккашин качар чурх
Вийн тапшур буванна – ххира бува на.*

126

*Хъхъунил цІанишиву дур вил яруннаву,
ЧаннацІурттил цІай бур вил яруннаву,
Хъхъу-къини ххал дуллай, щакъалиххайсса
ЦІан ссавнил сурад дур вил яруннаву.*

127

*Къабюхъарчан вища багъишла уван,
ХъхъичІва куна, ттигу на ххира уван,
Вил хъхъичІ бакІ къус риртсса ттул ссурессулухун
Каруннал хІатІ бути, ттун танмихІ буван.*

128

*ХъунхъатІул къайгъурду махъ ливчІу чІумал,
Лагабаргъ хъачІнихун бурувгу чІумал,
Магъриблия бувксса ххяххабаргъ ххива
Ина, жул ларзулун ша лавсу чІумал.*

129

Ттул дакI кай-кай дуллай вилва кIизувух,
Ттул хияллу каллай хаятIилувух,
Ттул ччаврий щавиусса хIаллурду мяш тIий –
Циван бура, ххуй души, занай ттул хьхьичIух?

130

Цайминная вин бур так тIайламур ччай,
ТIайламур къабикIай виллами мурччай.
Тихуннай-шихуннай, марч бивицунийнай,
Гъарахъалу ккаркессар гъанайсса мурчай.

131

Хьхьириву оькълайнан – ххассал ай ккуртта,
Муруллаву ливчIнан – лачIунсса хIинча,
Дуллу дунияллий бикIайссар лахIза
Махъ бусан чуввагу чIарав аьркинсса.

132

Ссайнъя, ххирай, ина ччаву учайсса,
Эшкьйри тIий, ция бюхттул дувайсса,
ДакIниву бакъасса, так мицIмазрайсса,
Шеърилул махъруяв зумух ласайсса?

133

Ссавний гъили баргъгу гъарнан цар бусса,
КIанил гъан бай чани гъарнан цакуцссар,
КIа цасса бургъилу, бургъил тIинтталу
Кув кIирил ччувччун най, кув бяхълай буссар.

134

Дунугу лявхъусса мина къянатсса,
ДакI вардиш къашайссар давраннайн ятсса,
ЧIахIлил балабанттал язугъсса чIугу –
Гъурбатрал балайри, хьхьунцIуллух мякъсса.

135

ДакIнийрив, щаращучIа жува хъунабавкъусса,
Мякъ акъана щаращуйн, дакIнийрив, на къус ивкIсса?
Щаращул дагъанттуву ца эмарат ххал хъуну,
Ттун ччаврил мякълил мяъна му чIумалгъа дурчIусса.

136

Хьхьувай бакъа, дяхтта ккаклай бакъара,
Ина макIрав, чIихърав – бувчIлай акъара,
Вищал жува хьхьувай бивсса кIанттурдай
Навалу вих луглай дяхтта лякъара.

137

*ИчГува шаэрнал саннардал ххару,
Буллу багълух зисса ссурмухъхъул кару:
Вара сурат дикГай илхъилувугу –
Ахтта чал увинтру, хан ккацлуд нязру.*

138

*Ца-ца чГумал, авцГуну, махъунай урулугу,
Балики вих мюхтажесса най икГан цу-унугу,
Ххуллу бялахъан буван хъинссар архГал ххуллулсса,
Оърмулуд жегъир ххуллу цукссава кГюланугу.*

139

*Ттул къинигу цамур шай, вил гъайбатрайн яцувкун,
Хъхъунил мяънагу дурчГай, ссавний цГуртти левцукун,
Цамур куццуй ябитлай, дунияллух ургара,
Вил ва ттул мусил хиял ччаврил ххаллай щавцукун.*

140

*Багъраву хъункГултГулГул инт дуркГушиву бусай,
Вин нава ччай ушиву ттухъ вил яруннил бусай,
Мазрал ихтилатнияр, базу-базу гъалгъа тГий,
Ина зума бавхъукун цГан хъхъугу чаннал дуцГай.*

141

*Я РахГман, я РахГим, Рабби-л-аъламин,
Ттул таваккулгу Вийн, леххавугу Вийн:
Ттул чГивисса миллат, баякъусса миллат
Буккай бакъай, Аллагъ, тГайласса ххуллийн!*

142

*ТГутГул къанкънияргу ттун вил къанкъ нахГур,
ТГутГул нарзанияр вил мурччив нацГур,
Амма ттул каруннайн хъицГив бур къутГлай –
Ххирай, вил тГабиаът хъункГултГулГул дур.*

143

*Шугълурдай, вих ялугълай къини ларгунни лахъхъ,
Зурулухгу цГаннаву гъан дав къуннугу ца хъхъу –
Пасат хъунни къинигу, зия ларгунни хъхъугу,
Ттул рифма зия къадан гъархъхъунувагу бухъхъу!*

144

*Вил хъхъичГ авцГун ивГира, микГлачГлай, аслай,
КувнищГун кув махъру бахГин къахъанай,
Утти ттун бувчГунни къабюхъайшиву
ДакГинил хГал бувчГин бан мукъурттил мазрай.*

145

*Мажнуннул иттату Лайлих ябитав,
МахІмудлул зумату Муихъ махъ бусав,
Луттирдая лахъхъав на ччаврил элму,
Му элмулул дарсру вищал тикрал дав.*

146

*Ххяххабургъил тІинтту экъигъай чІумал,
Баргъ, заваллай бавѳун, кІири бай чІумал
Къавхъусса пикрирду – уттир хъунтІисса:
Лагабургъих ина ялугълай чІумал.*

147

*Къачча тІийнугу, ччайсса вил гъавасгу ттун кІулли,
На мудан хъурдай чайсса карамат хъхъугу ттулли,
Аьсса-Ххуллиин ялугълай, чут-чутсса ѳуртти ккалай,
ТутІал арев чут хъусса ва лахІза вил ва ттулли.*

148

*Зуна-хІарам-ѳурклил буѳІлай бур шагъру,
ЧІяву хъанай най бур жулва бунагъру,
Жулла кІулишуца къабюхъай утти
Закъундалияту личІи бан загъру.*

149

*Я Зал, Ина эшкъи ѳиван ляхъан дав,
Жул оьттуву Ина ѳу ѳиван лахъав,
Эшкъилул ѳІараву ччучлачи бувну,
Дуниаллий дужжагъ жун ѳиван булав?*

150

*Питналуву жулва тарих къаччуччин,
Янсаврал ѳІарая наслу буруччин
Жура дуллалисса даву мурадрайн
Дуккавивав тІисса бикІай буруккин.*

151

*Магъирсса усттар дур ва тІабиаьтгу –
Усттарну дурну дур вилмур суратгу:
ѳурда камилишиву! Илагъийсса бур
Вил дакІнил аьмалгу, чурххал гъайбатгу.*

152

*ВичІилун тІааьнссар, чурххан малхІанссар,
МукІру шаврил махъру гъарнан наѳуссар.
Мукъурттил жанграя чарсери къаданна –
Душ, ттун бавссар: ччаврин дилмаж акъассар.*

153

Багълул ххира затру лагмара чІярур,
Миннул жулва яру хъяврин буллай бур.
Кулишиву кьувватри, элму ххазинар –
РувхІаниймур хъусри багълул лараймур.

154

«Оърмулуву талихІ кьаккавкссар», – тІисса
Уккай ца-ца ахІмакъ, рязи акъасса.
«Оърму цупта талихІ бакъарив?» – куну,
Къауккай аькбилгу мунахъ цІуххинсса.

155

Дургъумурди учай хъува ттихІайсса.
Ттул дус, ххярххумурди хъува ттихІайсса,
Муниятурухха утти жувагу
ЛачІа бувгъу хъува мулцу ттихІайсса.

156

Лаккуйнай ияра утти чан-чанну,
Къабуккай ттул хъхъичІун я ппу, я нину,
«Буттал кІану», «ватан», «лявхъусса мина» –
КъадиркІун дур мяъна вай мукъурттиву.

157

Ттул умуд буссия кучча гъаз бансса,
Ччаврил шарабирал нахІала бансса,
Эшкылул мякъ лиххан кьисмат къавхъунни –
БивкІун бур хияллал кучча бачІвасса.

158

Агъ, лаззат, ххуйшиву гьархъхъуну хъхъунил!
Хъхъунил пахъшивруву чут хъунну цІунил,
ЦІунил макІурдивух сайр банну жува,
Жува чантІ чин баннин ажарттал чІунил.

159

Вай хъхъурдайн цІан учин ттул дакІ къадияй –
Къинилул кьюлтІ дурмур хъхъунил кІачІа дай,
Вил яру хІачІара ттулва ярунних –
Ччаврил мякъ шарабрал лиххан къабувай.

160

ДикІайссар тІий ччаву цал ккавккун шайсса,
Найнма бур бяст-ччаллу къртал къашайсса,
Цал ккавккунур шайсса маяжансса ччаву –
Так кьюкІлил янинни ккаккан аьркинсса.

161

*Ци ччива увкуну ва дунияллий,
Булурчан зу суал ттухъхъун нажагълий –
Ва дуниял цурда ччива зуцалсса,
Ттул дустал, маччамий, гъанмий, ххирамий!*

162

*ХХазру хХарамну бур ва дунияллий,
ХХасрат хХалалну дур ва дунияллий,
РахХатну инсаннал оърму бутансса
ШартХру къадирХун дур ва дунияллий.*

163

*КХулвагу бакъамий – куннан кув ччан шай,
Куннан кув ччай бивкХмий – яла къаччан шай,
КХуллив, ччавриХату къаччан шавриХан
Так ца шар тХар бусса... Мугу – куяйнмай.*

164

«Дунияллий дустал къамуксса чХявур...»

Р. ХХамзатов

*Расул ХХамзатович, жул хъун аькълукар!
Мяйжаннугу, дустал чХявусса бакъар,
Чансса бухъурчангу, миннал дяниву
Ттун чХалачХиссаксса – дусишуву дакъар.*

165

*Шикку ца ур – заллу, дахлан увкХусса,
Гама ур – муштары, ласлан увкХусса,
Ттун ва оърму лацай хъун базаллуха –
Кувгу бур хаяра буллан бувкХусса.*

166

*Вин ванай аьй лякъай, та ккаллий акъар,
Гаманай вин тачХав дакХ дакълай дакъар,
Му хъун бала бакъар, амма инава
ЩинчХав сан акъасса вин бувчХлай бакъар.*

167

*ХъункХултХултул къупливу вил мурччив хХисав хъуна,
ЛухХитХултул ккузраву ттун вил яру ххал хъуна...
Багъманчи шанай ия, ттул дакХний ина бияв –
Диллайсса сунурдачХан ка тХитХин дакХ къархъуна.*

168

*Симан къаккарккунна, вих эшкьи хъунни,
Сурат ххал къархъунна, вих ччаву хъунни,
Алжаннул хХурулъэн инари куну,
Ттун ялувва алжан Заннал тХивтХунни.*

169

*Дакъами – дардирдай, думи – давраннай,
Душмантал – дусталну, дустал – дяъвирдай:
Дарккусса дунял дурхха дуркӀуну –
Дин думиннахъ дарсру дин дакъулт дихълай.*

170

*Щукрулий икӀара хъунасса Заннайн,
РувӀанийсса къувват ттунма Буллунайн,
Вияту жавабрах мюхтаж къаувну,
Вищал ччаву дансса къадар Чивчунайн.*

171

*АьӀ лякъин кӀулналли цагу дувайсса,
АьтӀун макъ думари хъянгу икӀайсса,
Оьккимур къачӀалай, ххуймур буслайма –
БачӀва махъру бусур, лажин ляхълайсса.*

172

*Лавмартнал дакӀниву макрурдур бусса,
ДакӀниймур мабусав «дуснахъ» мукунсса,
Къаритан къашайссар лархъхъусса тура –
Дарккусса ттуршая ххютгур дарккусса.*

173

*Оьрмулул къайгъурду ччанавкку чӀумал,
ДакӀ дачӀинма акъа мюхтаж хъу чӀумал,
Вищал дакӀ дачӀара, дус, Оьмар Хайям,
Вихшала дишайнайн хъул ливчӀу чӀумал.*

174

*Интнихъхъун щюллишиву,
Ссутнихъхъун буллугъшиву,
Агъ, щихъхъун дирийривав
Ттухъ мяш чай вил ххуйшиву.*

175

*«Ва оьрму щялмахъссар, бивкӀу – хӀакъссар», тӀий
Ккавккуссар чивчуну ттун гьаттал чарий,
Мугърурду бивцуссар на ттулла мурччах
Щялмахъсса дунъяллий ччаву хӀакъшиврий.*

176

*Къинилул сий дуван баргъ буккавивав,
ЦӀан хъхъу чанна дуван барз буккавивав,
Биял зуруйх найсса чӀара щар кунна
Къювулий дур дунъял, ссайн дуккавивав?!*

177

*Нуџџуџ чџер-чџер тџисса џивџџурал тџуркџу,
Итџтавн кџутџлатџисса џџайннарал нуркџу...
ОџрчџИнийрасса макџру тџтун тџтигу кџкаккаџ –
Уџлайна ура на макџурдил гџуркку.*

178

*Гџан дав кџуннугу хџхџу шугџлурду балглаџ,
Чџираџ суратраџисса вихгу уруглаџ,
Дардирдал увџџуний вил хџхџичџлякџара
Нава бувмур буслаџ, буванмур џџухлаџ.*

179

*џа-џаннал чџаву даџ кџинних, шамунних,
Тамахџгу кџакџукџаџ мукџийлчинмуних,
Оџрму бџялџџашаџ мџяџжансса чувнан
Хџакџсса чџаву дуван џа хџхџирамуних.*

180

Махџмукџун кџІанай

*Мариџсса чагџарданий мариџсса дакџИнива
На шикку чивџусса махџру џа-кџИва,
На лавгукун, букки вихџва инава,
Нагу уккан ува вџлла дакџИнива.*



Критика ва библиография

Роза ИЛДАРОВА



ХЪУНАССА АЪЛИМЧУНАЯССА ЧИВИССА МАХЪ

КъачІявуну хъунабакъай цал язи дургъусса даву шалва оърмулул мяънану, цанма чивчуну бивкІсса къадарну, дунияллул неъматгу, аршигу му давриву чІалачІисса инсантал. Мукунсса ххуллу язи бувгъуми цивпагу бикІай элмулуха, творчестволуха зузисса алимтал ва аькьилтал. Му даврий я хъус къалякъай, я хъуншивуртту къаласай, амма миннал бувсса захІмат зия къалагай, миннал бусравсса цІарду элмулулгу, миллатралгу тарихраву абадну личІай.

Мукун цал язи дургъусса элмулухух лавгминнавасса ца ур Дагъусттаннал лингвистикалуву хъхъичІунсса кІану бувгъусса алимчу Халидлул арс Эса Абдуллаев (Явбукухъал Эса) – Аьрасатнал Элмурдал Академиялул Дагъусттаннайсса Элмулул центрданул Мазрал, литературалул ва искусстволул институтрал яла хъунама элмулул сотрудник, филологиялул элмурдал доктор, профессор, И. Джавахашвилл цІанийсса Тгуплиссуллал университетрал Бусравсса Доктор.

Э.Х. Абдуллаев увну ур 1935 шинал апрельданул 12-нний Гъумучиял шяраву. Ванал тухум, Явбукухъул, Лаккуйгу, Дагъусттаннайгу лайкъсса кІану бувгъусса тухум бур. Вайннава бувккун бур машгъурсса жяматрал ишккаккултгу, алимталгу. Кулпатраву элму, дуккаву хъуннасса сийлий диркІун дур, динийми элмурду дикІу, дунявийми дикІу. Бутгахъая нанисса бусалартталгу, Ханажиял ккурчІав бавтІсса бугъараминнал бусласисса хавардалгу оьрчІнийва чантІ учин бувну бур ялун уккансса алимчунаву цала миллатрал тарих ва маз ахттар баврил чулухунмайсса гъира. Та чІумал Дагъусттаннайсса яла хъхъичІунми школарттаву кІицІ лагайсса Гъумучиял дянивмур даражалул школалулгу цала учениктуран гъартасса ва куртІсса кІулшивуртту дулайсса диркІсар. ХІакьинугу бусравну дур Э.Х. Абдуллаевлун цала учительтурал Муркъилийнахъал ХІамзатлулгу, мунал кулпатрал, оьрус мазрал ва литературалул дарсру дихълай бивкІсса Антонина Александровна Новиковалгу, чІявусса цайми учительтуралгу цІарду. Пиша язи бугъайни, ванайн хъунмасса асар биян бувну бур машгъурсса языковед Хайдакъхъал Гъази-МахІаммадлул арсенал Сяидлулгу. Та чІумал му цувагу, аспирантурагу бувккуну, зий увкІун ур Московлив, СССР-данул Элмурдал Академиялувун бухлахисса Языкознаниелул институтраву. С.М.

Хайдакѡв чІявуну цала буттал шяравунгу учІайсса ивкІун ур, хьуна-акъайсса ивкІун ур хьхьичІва цувагу учительну зий ивкІсса Гьумучиял школалул дуклаки ѡрчІашал. Мукун увкІсса ппурттуву Сяид МахІам-мадовичлул маслихІат бувну бур та шинал школа кьуртал буллалисса Эся Абдуллаевлун Ттуплисливсса паччахІлугьрал университетравун уххан – тикку бивкІун бур гужсса кавказоведтурал элмийсса школа, миннал ахттар буллай бивкІун бур дагьусттан миллатирттал мазругу. Цала машгьурсса шяравучунал маслихІат къамул хьуну, 1952-ку шинал Э.Х. Абдуллаев увххун ур Ттуплисливсса паччахІлугьрал университетрал кавказоведениелул отделениелийн.

Э.Х. Абдуллаев языковед шавриву хьунмасса кІану бувгьуну бур дунияллийх цІа ларгсса академикнал – Арнольд Степанович Чикобава (1898-1980). Академик А.С. Чикобава ва мунал учениктал багьавай ккалли байссар ттизаманнул дагьусттан лингвистикалул гьану бивзми-ну. Дагьусттаннаясса студентьтуран Ттуплисулал университетрал циняр гуманитар циклданувун духхайсса элмурдая куртІсса кІулшивуртту дулайсса диркІссар, чІявусса ккавказ мазурдия лекциярду буккайсса бивкІссар. Студентьтурая тІалав байсса бивкІссар, цала ниттил маз кІулшивруцІун, ца цамургу гьансса маз лахьхьаву – мунил грамматикагу, му мазрай гьалгьа тІун кІулшивугу. Дагьусттан халкьуннал кІулшилийн, мазурдийн ва культуралийн исламрал ва аьраб мазрайсса культуралул биян бувсса асар хІисавравун лавсун, лахьлай бивкІссар баргьбуккаваллил мазругу – аьраб маз, парс маз, тюрк мазру. Гьира буми студентьтураща бюхьлай бивкІссар ххишаланугу мазурдиха зун, миннал кумаг буллай бивкІссар хьинну цала даву кІулсса специалистьтурал. Хьинну барчаллагьрай дакІний ур Эсан цанна аьраб мазрая ххуйсса кІулшивуртту дуллусса муабллим А. Лекиашвили. Цайнува цала студентнал лавхьхьуну бур парс маз ва турк мазгу. Гуржиянаву дуклакиссаксса хІаллай (университетраву ва аспирантуралуву) ванан ххуйну лавхьхьуну бур гуржи мазгу – гуржиял аудиториялуву гуржи мазрай гьалгьа тІун ва докладру ккалан бюхьайсса даражалий. ХІакьинугу, циксса дахханашивуртту политикалуву хьуну дунугу, профессор Э.Х. Абдуллаев арх къауцай цалва «альма-матердануя» – Ттуплисулал университетрая, тих цува «батано Исагу» даин бусравну къамул ай языкознаниелун хас дурсса конференциярттай. Мунил барашинни 2011-ку шинал Гуржиял ва Дагьусттаннал тарихийсса ва культурий аралугьирттан хас дурсса элмий конференциялийн Э.Х. Абдуллаевлуйн ѡвчавугу. Микку му цувагу так докладчикну ва бусравсса хьамаличуну къаивкІссарча, организатортурал цІанихсса датардаву кІицІ ларгссар жула аьлимчунан 75 шинал юбилей хьушивугу. Языкознание хьхьичІун шавриву, Гуржиял ва Дагьусттаннал дянив культурий арарду цІакь шавриву Э.Х. Абдуллаевлул дуллалисса даврин бюхттулсса кьимат бищаву чІалай дур ванан И. Джавахашвиллил цІанийсса Ттуплисулал университетрал Бусравсса Доктор тІисса престижсса цІа дулавривугу.

Дагьусттаннаясса студентнал дуккавривхсса гьира, исследовательнал бюхьу, ссавур, жаваблубливу хІисав хьуну, 1957-ку шинал университет кьуртал бувсса Э.Х. Абдуллаевлун маслихІат бувну бур аспирантуратувун уххан ва элмийсса хьиривляявурттах зун. Мунал элмийсса ка-ялувчину хьуну ур цува академик А.С. Чикобава. Э.Х. Абдуллаевлул кандидатшиврул диссертация хас дурну диркІун дур лакку, яру ва дарги мазурдил сравнительно-исторический анализран. Мура чІумал кІул хьуну бур Ереваннай, Матенадарандалулу, ляркьушиву хьхьичІазаман-

нул «Дербент-намэлул» лакку мазрайсса канихчичру. А.С. Чикобавалгу цала аспирант тIайла увккун ур командировкалий Ереваннайн (1960) му канихчичрулул хьиривляяву дан ва мунияту элмийсса доклад хIа-дур бан. Цурда канихчичру, мунил тарих ва мазрал аьламатру ккаккан дурну диркIун дур та аспирантнал докладраву, му докладрал чIалачIи бувну бур исследовательнал бюхъу-гъунаргу. Та докладрал гъанулийри ляхъусса лакку мазрай 2003-ку шинал бувксса «Бухсса луттираясса хавар» тIисса Э.Х. Абдуллаевлул жужгу.

Бусравну ур Э.Х. Абдуллаевлун Варлам Трифионович Топуриягу – ванал буккайсса бивкIун бур университетраву лакку мазраясса лекцияртту. Укунсса аьлимтурал эбратрай лакку мазраха зун бивкIун бур гуржиял ахттарчитал Бакар Гигинейшвили, Геннадий Бурчуладзе – вайннал давуртталгу биялсса кIану бувгъуссар лакку маз ахттар бавриву.

Ттуплисливсса чIумал Э.Х. Абдуллаев хIалану ивкIун ур лакрал миллатрал ххаллилсса арснашал Сяид Габиевлущалгу. Сяид Габиев машгъур хъуссар политик, публицист литератор хIисаврайгу, хьхьичIва-хьхьичI дагъусттан мазурдий макъалартту чирчусса кказитру «Заря Дагестана» («Дагъусттаннал ххяххабаргъ») ва «Мусульманская газета» ваналли итабакълан ивкIсса (1912). Лавгмуниясса, авадансса лакрал историялиясса Сяид Габиевлущалсса ихтилатиртталгу, машгъурсса профессортурал лекцияртталнияр къачансса кIулшивуртту дулайсса диркIссар элмулуха зун гъира бусса жагъилнан. Мукун, личIи-личIисса щаращава сакин хъанай диркIссар Э.Х. Абдуллаевлун кругозор, гъарта хъанай бивкIссар интересру, гъаз хъанай диркIссар кIулшивурттахсса шавкъ.

1960-ку шиная шийннай Э.Х. Абдуллаевлул даву дархIуну дур Аьрасатнал Элмурдал Академиялул Дагъусттаннайсса элмий центрданул Мазрал, литературалул ва искусстволул институтрацIун. 1962-ку шинал дурурччуну дур кандидатшиврул, 1992-ку шинал – докторшиврул диссертацияртту. 1990-ку шиная 1995-ку шинаннин зий ивкIун ур институтрал лексикологиялул ва лексикографиялул отделданул ка-ялувчину. Карьера даврих, цIарду ласаврих ванал тачIаврагу къулагъас дурну дакъар – Эса Халидовичлун оьрмулул лазат чIалай бур цивува элмулухасса зузавриву, цала оьрмулул мяънагу цала давриву чIалай дур. Гъартасса кIулшивуртту дусса филолог-кавказоведнаца бюхъанс-сия хIакъсса аьлимчунал даврил къадру бусса цайми билаятирттайгу зун – ччарча Баргълагаваллил, ччарча Баргъбуккаваллил чулух. Амма ванан цалла буттал улклягу, миллатраягу, ниттил мазраягу яуцансса чара бакъар. Шагьругума, цала буттахъал гъаврду дусса ГъумучиячIа, ванан гъурбатну чIалай бур.

Э.Х. Абдуллаевлул элмийсса интересру хъунмурчIин бавхIуну бур сравнительно-исторический языкознаниелуцIун, му чулуха ххал бигълай ур лакку мазрал тарихийсса морфологиялул масъаларттугу. Ванал даврил даража чIалай бур «Категория грамматического класса и вопросы исторической морфологии лакского языка» тIисса монографиялува (1974). Шикку гъарца чулуха ххал бивгъуну бур лакку мазрал грамматикалул ца яла агъаммур категориялун ккаллисса жинсирал категория, хIисавравун лавсун бур лакку мазрал лугъатру бакъасса, циняв

дагъусттаннал, нахнал ва цаймигу ккавказ мазругу. 2010-ку шинал дуняллийн бувккунни «Лакский язык в историко-сравнительном освещении (Морфология)» тисса фундаменталсса захІматгу, му хас бувну бур дакІния къауккайсса цала учительнан А.С. Чикобаван.

Э.Х. Абдуллаевлул даврил ца цамургу направлениену хъанай дур лексикология ва лексикография. Цала яла агъаммур даврин аьлимчу ккалли буллау ур «Лакку мазрал ва оьрус мазрал словарь», муниха зий, гьарта-гьарзасса картотека салкьи дуллау мукъцІалунния лирчусса шинну хъуну дур. Даву чулийн дурккун дур, гьашину словарь итабакьин хІадур буллау бур. Ми мукъурттил гьанулий бувккун бур «Лакку мазрал орфографиялул словарь» (2005). Цалчинмур лакку-оьрус словарь итабавкъуссар С.М. Хайдакъовлулул (1962), муниву буссар 13 азарва махъ, му цуппагу цІана чІявучихъхъун бириллай бакъар. ЦІумур словарьдануву гьартану буллуну буссар махъру ва фразеология, ххишалану ккаккан дурну дуссар ца мукъул гьарзасса мяънарду, аваданну буллуну буссар ми махъру ишла хъанакъисса мисаллу. Лакку мазрал этимологиялул словарь сакин бангу авторначІа диялсса материал салкьи хъуну дур.

Эса Халидовичлул хъиривляявурттаву этимологиялул биялсса кІану бувгъуну бур. Мукъурттил тарихраясса, миннул «биографиялиясса» макъалартту, лакку мазрайгу, оьрус мазрайгу, дикІай дуккин гъира бутлатисса, элмулул чулуха щак учин къашайсса, личІи-личІисса бакІщаращив ишла бувну, хъинну хъирив лавсса. Цаппара мукъурттил чІалачІи бувну бур ислам къамул даннинна дагъусттан халкъуннал ва аланнал (аьсатІиннал) дянив культурий арарду диркІшиву, мукунсса макъаларттан бюхттулсса къимат бивщуну бур машгъурсса аьлимчу-иранистнал – В.И. Абаевлул. Этимологиялиясса макъалартту чІун-чІумуй дуккайссар лакку мазрайсса «Илчи» кказитрай ва «ЦІубарз» журналданийгу, мунияту миннул даража ва къимат кІулссар буккултрангу.

Лексика ххал дигъаврицІун бавхІуну, аьлимчунал давриву хъун-масса кІану бувгъуну бур махъру хІасул шаврил масъалартталгу. «Вопросы лексики и словообразования лакского языка» тисса луттираву (2003) ххал бивгъуну бур цайми мукъурттил гьанулий ляхъусса махъру ва ми ляхъайсса куццул журадду. Миккува ялун ххи бувну буссар «Материалы к морфемному словарю лакского языка» тисса бутІагу (мира «Материалы..») ххи дурну дуссар ялув кІицІ ларгсса «Лакский язык в историко-сравнительном освещении» тисса монографиялувугу. Ми материаллу морфемарттал словарьданул ца журану хъанакъиссар, мукунсса словарьгу цавагу дагъусттан мазрал бакъассар. Мунияту ми «Материаллу..» бюхъайссар ккалли дан дагъусттан мазурдиву цалчин сакин бувсса «Лакку мазрал аффиксирттал словарданун».

«ХъхъичІва-хъхъичІсса» куну, жущава пахру бан хъунтІиссар Э.Х. Абдуллаевлул «Лакку мазрал махъа-хъхъичІунмайсса словарданиягу» (2014). Ваниву махъру буллуну буссар ахирданиймур буква хІисавну алфавитрал низамрай. Мунияту ва словарь багъа бищун къашайсса кумагчину хъунтІиссар лакку мазрал грамматика, учебникру сакин булла-лиминнангу, учительтуран ва методистътурангу. Мукъурттиву базурду личІи бувну буну тІий, вай бацІантІиссар морфемарттал словарьданул кІанайгу.

Аспирант заманнайра дайдирихъусса дагъусттан мазурдил сравнительно-исторический анализацун дархусса хъиривляявуртту алимчунал къадиртун дакъар. Яру мазрал ва лакку мазрал дянивсса дахIавурттан, лашавурттан хас бувсса, «Междагестанские языковые схождения» тIисса жуж бувккунни 2013-ку шинал. Муниярда гъарта-гъарзасса монография дуккантIий дур гъашинугу.

Алимчунал янилу бур лакку мазрал алфавит ва орфография къулай даврицун бавхусса масъаларттугу. Ларгмур аьсрулул 90-ку шиннардий Дагъусттаннал Элмий центрданий нани дурну дуссия дагъусттан мазурдил алфавитру къулай баврил тIайлачичрулул къяйдарду ххутта-вун дутаврил даву. Микку лакку мазрацун дархIумур даву дуллай уссия Э.Х. Абдуллаев. Ххал диргъуссия мунал сакин дурсса афавит ва орфографиялул къяйдардал свод къулай даврил проект (1998 ш.). Орфографиялул конференциялий ххал диргъуну, хъин чулий къамул дурсса му проект яла дацан дуруна, амма мунил цаппара кIанттурду (орфографиялуцун бавхIуми) школалул давриву ишла бан къулайсса бур.

Э.Х. Абдуллаевлул даврил ца къяртта дархIуну дур лакку мазраха, дагъусттан мазурдиха ва аьмну ккавказ мазурдиха зий бивкIсса алимтурал цIардугу, миннал давурттугу машгъур даврицун. Ванал чирчуну дур, масала, гъарта-гъарзасса макъалартту академиктурая: И.И. Мещаниновлуя ва А.С. Чикобавая, профессортурая Л.И. Жирковлуя, Г.Б. Муркелинскийя, цалчин лакку мазрал орфографиялул словарь сакин бувсса (1931 ш.) XI.-Гъ. ГъитIинаевлуя ва цаймигу элмулул ва культуралул ишккаккултрая. ЛяличIину бюхттулсса къимат бишлай ур алимчу миллатрал язисса арсенал, хъунасса алимчу-просветительнал Аьли Къаяевлул (Замир Аьли, Аьли-къади) дурмунил, ганайн «Лакрал Даль» увкуну. Мунан ва мунал къамусран хас бувну бур тамансса статьяртту. Миннуву чIалачIи бувну бур словарданул жура, мунил ляличIишивуртту. Ца буквалул мисалданий ккаккан бувну бур аьжамрая уттисса алфавитрайн му словарь цукун буцинтIиссарив. Му словарь бивщуну махъгу, муницун дархIуну цуку-цукунсса давуртту дан аьркинссарив бувсун, щаллусса программа дузал дурну дур.

Чялишну гъуртту хъанай ур Э.Х. Абдуллаев мазурдил ккавказоведениелуву элмийсса кадрарду хIадур бавривугу. Ва ур кIива диссертацияртту дуруччай советрал член, каялувшиву дуллай ур аспирантътурай, соискательтурай, кандидатшиврул ва докторшиврул диссертациярттал рецензентшиву, оппонентшиву дуллай ур. Ва гъуртту хъанай ур регионаллийгу, билаятрайгу, дунияллийгу (масала, Германиянаву, Швециянаву, Грузиянаву) хъаныхъисса ккавказуллал мазурдин хасъсса конференциярттаву. ЦIана Э.Х. Абдуллаев академик А.С. Чикобавал захIматру буккан буллалисса редакционный советрал членнугу хъанай ур.

Э.Х. Абдуллаевлул бюхъайсса хIарачат буллай ур лакку маз школалий ва вузраву лахъхъин буллансса учебно-методический база дузал баврил ххуллийгу. Гъашину шамилчин бишлай бур ванал сакин бувсса «Школьный русско-лакский словарь» (1988, 2009, 2015). Ванал сакин бувсса лакку мазрал языкознаниелул библиографиялул кутIасса вариант итабавкъуссар филологиялул факультетрал студентътурансса пособие хIисаврай (2003).

Циняв дагъусттан агъалинан кунма, Э.Х. Абдуллаевлунгу буруккин бур жула мазурдил ялун бучантИмунил. Ва гьуртту шай дагъусттан мазру ва культура дуручаврил цланий дуллалисса цинярдагу меропритиярттавух. Ва хъанай ур «Илчи» кказитрал ва «Цубарз» журналданул редакциярттал член, вай изданиерттай чIун-чIумуй дуккай ванал материаллу. Миннулгу кумаг буллай бур литературий мазрал нормарду дуручавриву, миннул мазгу ккалли бан хъанай бур лакку мазрал публицистикалул ва элмулул стильлал ккаккиерттуну.

Э.Х. Абдуллаев так лингвист-кавказовед акъарча, ва ур хIакъсса филолог, ххаллилну лакралгу, дагъусттанналгу, оьрусналгу, баргъбук-каваллилгу литературагу кIулсса. Ванал лакку мазрайн таржума бувну бур Оь. Хайямлул рубайрду, Н.Хикметлул назмурду, арманинал, оьруснал, аьрабнал, гуржиял, яруссаннал шаэртурал назмурду. Э.Х. Абдуллаевлул ва журалул гьунардания хIайранну буслай бия «Илчи» кказитрай М.Ш. Муслимова. КIа жура ялув кIиц ларгсса конференциялул хахливу Ттуплислив хъуссар Миясат Шейховал (шяир ва публицист Миясат Муслимовал псевдонимри) «Диалоги с Данте» тIисса луттирал презентация. Муниву дуссар гуржиял художник Пиросманиятусса назмурдугу. Му вечерданий ивкIун ур Эса Халидович Абдуллаевгу. М. Муслимова буслай бур цинма цуксса пахру багъссарив, гуржиячIасса жула лаккучунал хIурмат ккаккун. «Воронцов-Дашковлул тарихийсса дворецравун бавтIсса гуржиял элита хIайран хъуну бия, гуржиял шаэртурал назмурду Эса Халидовичлул гуржи мазрайгу, оьрус мазрайгу ккалаккийни», – тIий бур Миясат.

Цала эрудициялийну, хIакъсса интеллигент ушиврийну, дакI хъинсса ушиврийну Э.Х. Абдуллаев циняннан бусравну ур. Элмулуву ванал ттининтугу биялсса бутIа бивхъуну бур. Данмургу диялсса дур. Каши дулуннав жула хъунасса аьлимчуннахъхъун цала умудру дузрайн буккан бан.



Публицистика

Бадрижамал
АБЛИЕВА

ГЪДАЛТИЛ ОЪРМУЛУЛ ДРАМА

Цала буттаясса хавар тгухъ бувсунни Лакрал райондалий хъ-хъичлунсса къуллугъирттай зий ивкIсса, Карашрал шяраватусса Гъдалтил арс Жамалуттин Абдулхаликъовлул.

Гъдалтил ппу Абдулхаликъ диндалул инсан ивкIун ур, шяраву дивиршиву дуллалисса, цала ссу Хайрищал хIажлийнгу лавгсса. Нину Аъйшат (жяматрал ванийн Аъйша-бича учайсса бивкIун бур) ляличIиссава аькьлу бусса, ваца чIалачIи бувчIу кунмасса хъамитайпа бивкIун бур. Ванин, цинма бакъа, шяравусса цайминнангу хъун нанимур, ялун бучIантIимур кIул шайсса бивкIссар тIар. Ва кIану тасттикъ бан Гъдалтил арсенал Жамалуттиннул бувсунни цахъва цила Аъйшатлулгу (Жамалуттиннул буттал ниттил), ниттил Узалгу бувсъсса цаппара мисаллу. Карашатусса, Гъумук прокурорну зузисса, хъинну итххявхсса жагъил Сяидов АхIмадлул лихъан бувну увкIун ур Гъумук зузисса, цамур шяраватусса, бюхтгулсса, бакIралгу ххуйсса душ. БувкIун хъирив къини Аъйшабича дахчуну дур цила арсенал щарнихун, Узахун: «Насу АхIмадлухъгу, кIанал нитти-буттахъгу кIа лихъан бувну бувкIсса душ махъунмай биян бара уча цила шаппайн, кIа кIайнначIан нясну бувкIунни, кIа сававрай кIайннайн хъунисса баларду ликкан най бур», – тIий. Цанма ччай, эшкъи хъуну бувцуну увкIсса душ къатлува буккан бара чин цукун гъава тIий, Уза къалавгун бур, лавграгу куну. КъатIухгу бивкIун, бувкIун бур шаппай. Къарязи шайва кIай куну бур ласнал ниттихъ. КIа душ бувцуну цаппара барзру лавгун ивкIуну ур АхIмад. Душ кIайнначIа буссаксса хIаллай хъуну бур ялагу шанма бивкIу.

Ялагу ца мисал. Аъйшабичал увкуну бур Узахъ: «Та Загъикат аьрхилий ялавай най бур, насу танихъ цукунчIав манарда уча, та баласса аьрххи хъун най бур», – куну. Лавгун бур учин, амма танил цин къалавгун чара бакъар, гъан багълай бур увкуну бур. КъазанабивкIун бур жагъилсса хъамитайпа шаппайн: ток бивцуну, бивкIуну бур шагърулий.

«Жул гъансса оьрчIан буцлай бивкIсса душнин, га оьрчIгу шагърулийн дуклан лавгун, га душнин цинмагу къаччай буна, гужрай кунма, совет магъар бивхъуну бур цаманан», – буслай ур Жамалуттин. Му ишираяту цинмагу хъинну къаччан бивкIун, ттул ниттил Узал бувсун бур Аъйшабичахъ.

– Ина ссайн хъювуссул буклай бура, му душ чунчIав къалагайссар, му жула оьрчIанни буцинтIисса, – куну бур Аъйшабичал.

– Буцайсса цукунни, муни магъар бивхъунни, гъунттий-сарану хъатIи бан най бурхха, – куну бур Узал.

– АцIва магъар цаманан биширчагу, му душ та шагърулий дуклакисса жула оьрчIанни буцинтIисса, – куну бур Аъйшабичал.

Хъирив гъантрай увкIун, жул оьрчIал лихъан бувну лавгссар му душ

шагърулийн. Ххаллилсса кулпат буссия Ленинградрай яхъанай. Цивппа ччяни дуняллия лавгунни. Ци банссар», – буслай ур Жамалуттин.

Абдулхаликъхъал тухум га чӀумалва бивкӀун бур къянкъасса, чурх-хал къуват бусса. Жамалуттиннул ппу Гьидалтигу ивкӀун ур хьинну гуж-бюхъу бусса адамина.

– На ацӀния мйӀра шинавусса чӀумал, ттухъ жула шяравасса Халун-хъал Абакардул бувсуна укунсса иш. Аьрххилияту къалмул дарвагирт-тал дурцӀусса дучрай аьравалттацал ватандалийн най ивкӀун ур шама караширичу, хъхьирил зуманицӀух. Ца хӀал хъусса чӀумал хъхьичӀ нанимур аьравалттил хъхьичӀун увккун ур кӀия къачагъ, дачӀра дурну дур аьрава. Махъа-махъ нанисса Абакар хъирив лаяннин, цала аьравагу дацӀан дурну, Гьидалтил ганачӀасса аьршин (ганзсса лахъисса муххал линейка) ларсун дур цахъхъунна. КъачагътурачӀан биявайсса чӀумал, Гьидалти, аьршингу урчӀа чулух ладиртун, авчуну ур гайнначӀан.

– Ина шиккун манарда, ликкан бара анаварну дарвагру, – гъжум буллай бивкӀун бур къачагътал.

ЧӀарав гъан хъувкун, рархъуну дур Гьидалтил аьршин га цаннал дарвачрайх, кӀулши дурккун, агъну ур, ххявххун авчуну ур ярагъуннил алгусса тама къачагъ, мува куццуй, рархъуну аьршин, увтун ур тагу. КӀиягу кӀулшилия лавгун ур. Хула, бичара дарвагру махъунмай, вай жунма шаппайнъяча лавсун нанисса куну, гай дарвагру, ва ца инил бувцӀусса къуцуртту кунма, палцӀатӀи бувну, бигъанма аьравалттийн бивчунна тӀар Гьидалтил, – тӀий, буслай ия Абакар.

Му чӀумал хӀалданийн бувкӀун, бивзун бур лавай къачагътал.

– Жу ина, мукун виричусса инсан, ачӀа къаитаакъинну, шичча арх бакъа жазиралий жул балугъру буссар, ачу жуштал тай ласун, – тӀун бивкӀун бур къачагътал.

Абакардул цив буру тӀар лакку мазрай Гьидалтихъ, цукунчӀав къабучӀиссар миннащал гъан, ина миннал ивчӀанна уцлацисса тӀий. Амма Гьидалти ур тӀар хъяй, вайннал литӀлан жува аьнакӀив бакъарухха, жува ххуллийх букангу, шаппай ссайгъатран ласунгу балугъру хьиннихха тӀий. КъалахӀан ан хъунни тӀар Гьидалти. Щяивтун Гьидалтигу лодкалий цала дянив, лавгунни тӀар хъхьиривух тивунмай. Цив кӀиягу ливчӀунну тӀар бан-бит бакъа. Гьидалти къаивтун цукун гъантӀиссару, шикку бацӀарчагу, бувкӀун, къачагътурал цивппагу литӀунссару тӀий буру тӀар. Гьидалтил аьравагу цала аьравалттил махъун дархӀуну, бачавай, бацӀавай буру тӀар. Ца хӀал хъусса чӀумал хъхьирийх шиннай дарчунни тӀар ца инсаннащалсса лодка. Гьидалтигу къуртал увну, жува лакъин цагу гъара тӀий, най ухъунссар ца къачагъ тӀий буру тӀар. Лодка гъан хъувкун, увчӀунни тӀар Гьидалти ушиву. Цуксса цанма кӀулну бунугу Гьидалтил гуж, виричушиву, мунайсса жан, вих хъун бюхълай бакъаяв тӀар Абакардул.

– Ци балугъруя бикӀайсса гайнначӀа, гай цивппа бувччуну бакъая балугъирттал, гъан бав хъхьиривун, буччиннин балугъру канан, – кунни тӀар Гьидалтил. Ххал барча, хъхьирий къачагътурал ва, цаннал тиха, цаннал шиха увгъуну, хъхьиривун утан къаст дурну дур. Буттал ца тиха, ца шиха дарвачирттаха бувгъуну, ца тихунай, ца шихунай хъхьиривун бивчуну къабивтун бур.

Жамалуттиннул цала тухумрая бусланмур къачанни.

– Ахттакъунай гъаттара шаппай нанисса ххуллийн хъхьичӀун лавгун, жул тухумраясса НухӀхъал МахӀаммадлул (Къяча-батту дия мунал

чулий ца), бувгуну, ца-ца хь-аралух ца-ца ттукку, шяв шун къабивтун, арамтурал бувцус-са ккурчїнил дянив бивхуна. МахIаттал хьуну ливчїуна халкь, – буслай ур та чїумал 10-11 шинаву ивкїсса Жамалуттин цанма ккавкмур.

Ца чїумал му МахIам-мадлухь цїувххуну бур: «Ина тачIав шиятучIав нигьа-загу увсєссарав?» – куну. «Нигьакь-аувсєссара, амма Юнусхьал оьрчїру чIарав хьувкун, ца аьжаивсса асар буххай чурхавун», – увкуну бур МахIам-мадлул.

Юнусхьал оьрчїру бивкїун бур хьинну чурххал битавсса, къянкьасса, хьунмасса гужрал заллухьру. Ми цивпагу Гьидалтил уссил Юнуслул арсеру бивкїун бур. Миннал, бивхьуну хьазамраву хьунисса чартту, цивпа кунмасса жагьилтурахь бургру ришлаши бувну, гьагьан байсса бивкїун бур. Мукунсса 5 виричуная 3 дяввилиа зана къавхьуну ур. Дяввилиа увкїсса миннаясса Аьдубасир, лачїун уклай, спортрал мастер хьуссар, 30 шинай Кьабардин-Балкьарнал чемпионну ивкїун ур. Оьрмулул 50 шин хьуну махьгу га республикалул чемпионатирттай гьуртту хьанайна ивкїун ур.



Гьидалтил цавагу класс бувккуну бивкїун бакьар. Оьрмулул 13-14 шинаву, Ттуплислив ссурахьчIа уна, даврия увкїукун, чIаххуврайсса школалий дуклакисса оьрчIачIан занай, буккин-чичин лавхьхьуну бур. Яла библиотекалувату луттирду ласлай, бувккумур чичлай, мудан цала кїулшиву гьаз дуллай ивкїун ур.

Гьидалтил цавагу класс бувккуну бивкїун бакьар. Оьрмулул 13-14 шинаву, Ттуплислив ссурахьчIа уна, даврия увкїукун, чIаххуврайсса школалий дуклакисса оьрчIачIан занай, буккин-чичин лавхьхьуну бур. Яла библиотекалувату луттирду ласлай, бувккумур чичлай, мудан цала кїулшиву гьаз дуллай ивкїун ур.

– Буттал чIявусса луттирду буссия, миннуву мунал цала сурат дусса, ца дусса луттирдугу бия, амма, на чIивину унийва, ванал-танал ласлай, бат хьуну бия, – буслай ур Жамалуттин.

Ччаннай авцїуну, кулпат бувкун, мунишал архIал Гьидалти лавгун ур Аьчикьулакьрал райондалийн цала маэшат дузал бан. Цала хIарачатрайну, бажар-бюхьулийну, хьун бувну чIявусса ятту-гьаттара, варантту, дучри, шаллу дурну аьркинсса къай-къуй, къатри, дурну дур хьуннасса хозяйство. Колхозру сакин дуллан бивкїукун, ванал цалла думур авадавшиву дирчуну дур колхозравун. Гьидалтил гьунар, бажар-бюхьу чIалай, колхозниктурал цїуну сакин хьусса «Горец» колхозрал председателюну увчїуну ур. Чясса мутталий чIаланну гьаз хьуну дур колхозрал экономика, колхозниктурал маэшат. Дурну дур чIярусса колхозниктурансса ва колхозран аьркинсса къатри, складру, шаллу дурну дур та заманнул техника.

Колхозрал кьинирдан бивсса къалмул, къалпузрал ва цаймигу продуктилул бувцїуну, колхозниктурачIан шаппа-шаппай колхозрал машинартту бучIайва тIар. Колхозниктал бикIайва тIар жул ми дичинсса

кѧнтту бакъар, къааъркинни тѧий, къаласлай. Мукун лахъсса даражалийн гъаз хъусса диркѧун дур Гъидалтил каялувшиву дуллалисса колхоз.

Гъидалти ивкѧун ур хозяйствалул ялув къянкъану авцѧусса, цаятурагу, зузалтраятугу хъуннасса тѧалавшин дусса, хъинну тѧайлашиву, марцѧшиву дусса инсан. Яттил ттурзанну дусса колхозрачѧату мунал шаппайн биххан ца хѧайван къабуцайсса бивкѧун бур. Мунал кулпатрал Узал ичѧува 100-200 аьнакѧи бувну, ми ишла байсса бивкѧун бур дукра дан.

– Ниттил буслай, ца ххуллух Гъидалтил, хъамал бучѧаннин дукра дува куну, ялун бихъулушал гъан увну ур Узачѧан чѧивисса оьрчѧ. Дукра дан пач лахъансса тѧама духларгун шарда, колхозрал хѧаятравату ца тѧала канил бувгъуну, лавсун бувкѧун, цала хъюву рикѧирах мюрш бувну, цѧу дирхъуну дур. Гъидалтил хасият кѧулну, му къадяъван, ххи хъуми касакругу лабивтун бур, мюршсса цѧуцѧалттугу дархъуну, марцѧ дурну дур. Ахтѧайнссаннул чѧун шавайсса чѧумал Гъидалти увкѧун ур шавай, байдаркалий ца тѧамагу дирхъуну. Пачливу цѧу дирхъусса ххал хъувкун:

– Узай, ина цѧу ссай дишав? – куну цѧувххуну бур Гъидалтил.

– Колхозрал хѧаятравату ласав, – куну бур Узал.

Колхозрал хѧаят мудангу дурцѧуну дикѧайсса диркѧун дур колхозран, колхозниктуран, строительствалун ва цаймигу иширттан аьркин дансса тахта-тѧаннул ва цаймигу материаллал.

– Ина хъхъичѧра гикку дирхъуссияв тѧама? – цѧувххуну бур Гъидалтил.

– На ча дишинтѧиссия тѧама!?

– Узай, ми колхозрал хѧаятраву къаххяххайссар. Ми цал гиву дишин аьркинссар, ялар гива ласайсса. Насу ва на лавсун увкѧсса тѧала биша колхозрал хѧаятраву, – куну, Уза гъан бувну бур га биян бан.

Колхозрал складиртѧтай дикѧайсса диркѧун дур колхозниктурал цала ляркъусса къинирдан дулун, шагъурдайн, цайми кѧанттурдайн къалавгна, гъарца аьркинмур: дурурххусса ва дуруххансса яннарду, усру, тѧахѧни-кѧичѧу, иникѧма, навт, цѧу, качар, дуклаки оьрчѧансса къай-къуй ва м.ц. Цал мукун доход дачѧлачѧисса къини Узал 9-10 шинавусса, нину диркѧуну, цачѧава яхъанахъисса ссил душнихъ Аьшатлухъ насу увкуну бур Гъидалтихъ жунна нанисса ци дур, цѧухха куну. Душ къагъанна тѧун бивкѧун бур, та ттухун дяъвантѧиссар тѧий, Узал, дяъвигу бувну, гъан бувну бур.

– Узал жунна дагъайсса ци дур тѧива, – куну бур Аьшатлул Гъидалтихъ.

– Узал цими захѧматрал къини дуссар тѧива колхозраву? – куну бур ганал.

Аьшат аьтѧий лавгун бур шаппайн.

– Ина на къагъанна тѧий буна гъан бунна, та дяъвай ия ттухун, – куну бувсун бур танал увкумур.

Шавай увкѧукун, Гъидалти Узахун айивзун ур: «Вил дуссияв, вил бутгал дуссияв колхозраву къинирду?» – тѧий. «На гъан къабав», – куну бур Узал, нигъа бувсун.

– Ина ттухъ щялмахъ бусав? – куну, чансса хъат лаян дурну дур душнийн.

Хъирив гъантрай ганин хъуннасса ххуйсса лачак ларсун увкѧуна тѧар Гъидалти, цащара ганийн хъат щун дан бувккун тѧий.

Цайнна вихшала дурсса колхоз ванал чѧирисса чѧумул мутталий ххи-

шала дакъа лахъсса даражалийн диян дурну дур. Гьидалтин 1936 шинал дуллуну дур Лениннул орден, Совет паччахІлугърай ва яла бюхттулмур орден диркІссар. Гьидалти ивкІун ур Дагъусттаннай цалчин му ордендалун лайкъ хъуминнавасса ца. Та чІумал мунал каялувшиву дуллалисса колхоз диркІун дур Дагъусттаннай ца яла хъхьичІунмур хозяйствану.

Ванал аькълулул даража, даврил бюхъу, гъунар чІалай, партиялул обкомрал увцуну ур ва гичча Къаясулинский райондалул исполкомрал председателъну. Гиччагу гъан увну ур Ростоврайн лахъсса къуллугъирттайнсса каялувчитал хІадур байсса лавайсса школалий дуклан.

1931-ку шинал мунал къуртал бувну бур Ставрополлал лаваймур даражалул каялувчитал хІадур байсса школа.

1936-ку шинал февраль зуруй Гьидалти гьуртту хъуну ур Москвалив хъусса шярваллил хозяйствалул хъхьичІунсса зузалтрал шалагу Союзрал съездрай. Вара шинал гьуртту хъуну ур ризкъи хъун баврил жям дуллалисса шалагу Дагъусттаннал хъхьичІунсса ризкъичитурал съездрай.

1936-ку шинал Гьидалти гьуртту хъуну ур Дагъусттаннал ХІ съездрай. Ва съездрай ххал бивгъуссар, жунма кІулсса куццуй, Дагъусттанналгу, Совет Союзралгу халкъуннал оьрмулуву ххишала бакъа хъунмасса кІантту бувгъусса масъалартту: СССР-данул Конституциялул проект, цІакъ бувссар ДАССР-данул Конституция ва мукунма цаймигу масъалартту.

Ялун дирну дур аварасса 1937 шин, цикссагу инсантурал, щаллусса кулпатирттал оьрмурду ла-ялун бувсса. Обкомрал секретарьну ивкІсса Нажмуттин Самурский увгъуну, авкъуну ур, халкъуннал душман хІисаврай. Дурккун дур макъала халкъуннал душман дуснакъраву щяивкІун унува, мунал дус Ростоврай лаваймур школалий ккалаккисса циванни тІисса. Га чІумал халкъуннал душман ушиврий 3 инсаннал аьрза чичаву гъану бивкІун бур дуснакъраву аьян аншиврул. Мукун, цалла марцІсса цІа дуручлай, Гьидалтин гъан багъну бур Москвалив иянин. Бусаврийн бувну, Гьидалти къамул увну ивкІссар тІар Сталиннул. ОьрчІний цала ссурахъишал Ттуплислив ялапар хъанай ивкІсса мунал марцІну гуржи мазгу кІулну бивкІун бур, мукунма – дагъусттаннал чІявуми мазругу. Га аьраттал уккан увсса куц, ганайн дирсса къия чІалай, Сталиннул увкуссар тІар Гьидалтихъ, школагу къабити, цалсса игъалаган насу куну. ЦІувххуну бур, Гуржиянавун гъаннавкъай ягу Дагъусттаннайн куну. Мунал увкуну бур Дагъусттаннайн гъанна куну. Кремлилувату ххуллийнсса азихъругу бивхъуну, хІурматрай тІайла увкссар тІар. Махъунай най уна, Тула шагърулий поездрай увгъуну, авкъуну ур дуснакъравун.

Гьидалти чув уссарив къаляхълай 6 барз хъуну бур. Мунал хъирив буккан уссур-сува нигъа буслай бивкІун бур, мукун захІатсса чІунну диркІун дур. Дахъа увсса оьрчІгу къаивтун, Узагу чунчІав хъирив буккан къахъанай бивкІун бур, хІатта га оьрчІ цачІава къаитангума цучІав рязи къахъанай, «халкъуннал душманнан» кумаг буллалими хІисаврай, цивпагу къабугъан.

Му чІумал Гьидалтил кулпат яхъанахъисса МахІмуд-Мектеб тІисса шяравун цала уссицІан АьлиллуцІан каникуллай увкІун ур Къазаннай университетраву юридический факультетрай дуклай ивкІсса МахІаммад Башаев, жула Руслан Башаевлул буттауссу, лакрал машгъурсса чичу. Цала уссия бавну Гьидалти акъа хъушиву, МахІаммад увкІун ур УзачІан ци хаварди, цукунни учин. МахІаммад хъинну виричусса, яхІ

буса, кьянкья-кьурчИсса жагьил ивкІун ур. Хьювусулгу бувккун, бувсун бур Узал хьумур ва нигьа буслай бушиву хьирив буккан. «Укунсса шяравучу акъа хьуну къаикІайссара. На му чув уссарив лякъавкъуну къаитанна», – куну бур мунал. Амма цачІара ххуллунхарж дакъашивугу бувсун бур. Узал, цичІарагу дакъану, бавххуну шаппасса кровать, дуллуну дур мунахъхьун ххуллукхсса арцу. Хьирив ивзун, кІул бувну бур мунал Гьидалти усса кІану. Харж хьуну лирчІми арцугу мунал къадиртун дур Анжиливсса Гьидалтил ссурахъу АхІмадханнучІа, УзачІан диян дува куну, цува дуну акъанугу. Цувагу, дарсирдайн чІал хъанай уну, махъунай Къазаннайн лавгун ия. Мукун виричусса тІул дурну дур МахІаммад Башаевлул.

Гьидалти «под следствием» ивкІун ур 2 шинай, халкъуннал душман ушиву мукІру хьу тІий. Мунай зулмурду буллай, ккаккан букъав къабивтун бия. ХІатта, михьирттаун ххалаххив къутІлай, клеткалувун авкъуну, бакІрайн дяркъусса шин кІунтІайтІи дуллай, хъхъувай цувалусса камералувун хьунисса шатри бакълай.

Итаавкъуну махъ мунал бакІ хІалли-хІаллих тІий баххана хъанан бивкІун бур. Гъалак увккун, цимурца цаннийх ца ришлай, экъиличлай, яла паракъат хьуну ххуй шайссагу ивкІун ур. Мукун цайна цува увкІун паракъатсса чІумал Узахъ увкуну бур Гьидалтил:

– Гива уккан шайсса кІива ххуллу бакъа бакъая: я мукІру хьуну аьс ан, я сакъат хьуну уккан.

БакІрал аххана хъанакхисса мунаясса нигьгу жяматран хьуннасса диркІун дур. Цала ца акъа-акъасса чІивисса арсума кІилчинмур зивулийсса къатлувату чІавахъулттийх палці анна тІий нанисса кІанттай, чІавахъулттичІа бавцІусса Узал ссил Тагьиратлул гъуя куну гъаз дурсса каруннахъхьун оьрчІал бакІччан биривну, ххассал хьуну ур. Амма Карашрал чиваркІуннал сайки 4 шин дурну дур муналсса буллай, шама-мукъа адамина хъхъугу-къинигу мунал къарал буллай, «жула ххаллилсса шяравучу жу авлиятуравун къаулайссар» тІий. Дяъви байбивхьуну, шярава ца-ца, кІи-кІия тІий лаглай, дяъвилул чиваркІгу дяъвилул бювкъун, шяраву сайки цучІав къаливчІукун мунах уруглансса, банмур цамур къабивкІун бур, Щурагьун иян уварча акъа...

1943-ку шинал, оьрмулул 39 шинаву, Щурагьиял азарханалий къуртал хьуну ур Гьидалти. Карашав му хавар бавну, хьирив букканнин, увчуну лявкъуну ур. Гъав лякъин къархьуну дур.

Вана укун кьурчИсса, лялиян буллай бан къахьунсса хьуну бур Гьидалтил къадар. Гьидалтил кулпат Узагу канихьсса чІивитІу Жамалуттиннушал ливчІун бур жагьилсса оьрмулий щашарну, муния махъ щаргу къавхьуну, ца акъа акъасса арсанан цилва оьрмугу харж бувну бур.



МахIаммад ОБМАРОВ

ГЕНЕРАЛ НАСИБУ

ХIабашнал негуснал кулпатраву хьинну хIурматрай икIайва тяхъасса, тIуркIурду ххирасса оърчI. ХIабашнал мазрай «чIукьами» чIурду къабавкъун бикIайнутIи бухъунссия, ганайн цIа Насиб дуна, Насибу чайва, яни Насибу Эммануэль.



Насибун ххирая дяъвилул тIуркIурду, императорнал гвардия цавай, душманнал саллатI цайми хьуну, аьралллу талати буллан икIайва оърчIнийва. Мунияту заргалнал арсная аьраличув шавриву цичIав махIаттал бизансса зат бакъая.

Рас (генерал) Насибул цува ццах бакъасса ушаву къагъану, дяъвилул лаласи рутангу хьинну кIула. Италия ХIабашнайн (Эфиопнайн) ххявхни, генерал Насибу Кьиблалул фронтрал каялувшиву дуллай ия. Амма ганан кIула ХIабаш дяъвилийн хIадурну бакъашиву.

ХIабашнаву паччахIшиву дуллалисса Хайле Салиссе хIукумат сакин дурсса Менелик кIилчинма куна халкъуннан къамулну акъая.

Ганаща цала чул бугъанмигума лякъин бюхълай бакъая. Италиянал фашистуврал уртакътал – Япуннал фашистуращал маз ляхълай, хIа-ла ухлайгу уссия га, – цува ци зиссарив цана къакIулну. Ми ганал увинтру хьинну ххирану дарцIуссар ХIабашнал халкъуннан. Амма италиянащалсса иш оьнин буклай бушиву бувчIукун, 1935 шинал сентябрьданий ганал мобилизация баян бувссар. Ганаща бювхъуссар батIин 500 азара аьскар. Аьскар биялсса бунугу, хIукуматрай ярагъ чанну бивкIссар. ЧIявуми талан бувкссар ччаллу ва ккуртта-чIатIа-ракIру дургъуну, ярагъгу бивкIссар хьунмурчIин бухсса винтовкарду, 1900 шин хьуннинма итабавкъсса. Дяъви байбишайни ХIабашнал аьралуннал хIисав диллай диркIссар 750 азара касначIан. Амма дяъви бан хIадуршин дурсса къабивкIссар миннал бачIиннул бачIикссава-

гу.Щала аьралуннан бивкІссар 400 азара бухсса аьсавхан, 200 аьвзал заманнал ттуп, 50 бигъасса ва кІусса зенитный артиллерия, цаппара бронировать бувсса машинартту «Форд» ва Цалчинмур Дунъяллул дяьвилул чІумалсса танкарду.

ХІабашнал ВВС-равусса 12 бухсса бипландалува зий бивкІссар бувагу шанма машина. Императорнал гвардиялул аьскарнал лаххайсса диркІссар бельгиянал дяьвилул янна луххан рангсса, ливчІминнай тІурча диркІссар кІяласса ппалул янна. ХІабишнал тІабиатраву гайн-ная италиянал саллатІтуран бигъану ишан ласунсса кьаралтив хьуссар.

Цамур иш бивкІссар Италиянал аьралуннал. Гайннал хьунмур гуж салкьби хьуну бивкІссар Эритреялий. 1935 шинал гиккун бивчссар 5 дивизия аьскарнал ва 5 дивизия лухІи-гьухьрал. Мува чІумал Италиянал Сомалилийн бивчссар ца дивизий аьскаруннал ва цаппара батальону лухІ-гьухьрал. Му аьралуннаву бивкІссар 7 азара хІаписар, 200 азара талатала, 6 азара пулемет, 700 ттуп, 150 танка ва 150 самолет. 3 октябръданий 1935 шинал Италиянал аьрал, дяьви баян кьабувна, Эретреялия ва Сомалилия ХІабашнайн ххявхссар. Мува ппурттуву Италиянал авиациялул бумбарду бивчссар ХІабашнал Аьдуаь тІисса шагьрулийн. Маршал Эмилио Де Боно каялувшиврулу Эритреялийсса аьрал Марреб нехгу лархьун, ххявхссар Аьди-Грат-Аьдуаь-Ахьсумлийн. Мува чІумал Италиянал Сомалилал кьиблалийсса генерал Родольфо Грацианил канилусса аьрал дазугу риртун, Коррахе-Харердайн ххявхссар.

Италиянав мархри итабавкьсса фашизмалун аьркинну кьадиркІссар Менелик кІилчинманал хІасул дурсса ХІабашнал хІукумат. Дучо Бенито Муссолинил баян бувссар Римнал Империя утгара дуккан дана куну. Ганал хиял бивкІссар Дунияллул Дянивмур хьхьирил заллу хьунсса, Ухссавнил Аврика мютІи бансса. Муссолинил Италия Великобританиялушал ва Франциялушал ахІал бацІан бансса пикри бивкІссар.

ХІабаш хьинну лявхьссар Муссолинин цала кьавкьин хияллу барт бигьлан. Мунинна куна цаппара сававрттугу диркІссар. Та чІумал ХІабаш бивкІссар дунияллий ливчІсса бувагу ца билаят, чия хьар хьанай бивкІсса. ХІабаш ласурча, Италиянал колонияртту Эритрея ва Сомали цацІун бан бюхьан тІий бивкІссар. ХІабашнал аьраллу хьинну хьхьарасса бивкІссар. ХІабаш кІунттихьхьун ласурча, Аьдуаь бухшаврил кьюкьалугу Италиянал шюшинссия.

28 ноябръданий 1935 шинал ХІабашнал аьралуннал байтагъ Аддис-Абебалия Лассе шагьрулийн бивзссар. 1935 шинал октябръ-ноябръданий Италиянал лавъссар Тигреллал чуллал шагьрурду. Махьунмай гьужум бан ХІабашнаца бюхьлай кьабивкІссар. Декабръданий генерал Насибул цама Ымру тІисса генералнашал ахІал Ахьсумрайн гьужум бувссар. Декабръданул 15-нний 3 азара ХІабашнал аьскарнал Тэкэээ нехгу лархьссар Аьдуаь шагьрулия 50 км. манзилданий.УрчІамур зуманив ХІабаш буккайхту, кІивайнналагу дянив цІу кІируссар. Италиянал аьралуннал бурхІахун цамургу ХІабашнал кьюкьа ялун дирссар. Душман лихьлахьи увссар. Генерал Насибул дяьвилул лала-

силийн бовну, Италинал аьрал махьунмай бишун бовссар агьамсса Аьби-Аьдида тIисса шагьурлияту.

Аддис-Абебалий – ХIабашнал хьун шагьрулул майданив дацIан дурну дуссар машгьурсса полководец, халкьуннал виричув, Гьази-Гьумучатусса генерал Насибу Эммануэллун гьайкIал.

АЖДАГЬАЛУЙН ДАНДИ АЦIАВУ

Арулла бакI дусса аждагьа! Цуппагу цIарал пурхха тIисса. Бусалардал, магьрал аждагьа. Аждагьа бунийрив тIурча чара бакьа девгу уссар, ганин данди ацIансса. Тур ва ххаржангу дургьуну, га уссар талай тIайлашиву ххув хьун дуллай, обалдараяр хьинбала ххув хьун бовну. Оьсса, оьхIалсса талатаву, амма халкьуннал бусалардал тачIав цана ххира хьусса нартнан «кьаччан бикIан» кьабантIиссар. Даин га ххув шайссар.

Оьрмулуву тIурча цал-цал цамури куцуй бикIай. Азардахьул шиннардий цIарал пурхха тIисса аждагьартту хьусса вулканну бивкIунни халкь бири-бат буллай. Яларив акьилтуран бовчIунни шикку турлил ва кьалхандадул кумаг кьабантIишиву. Аьркинни вулканнал тIабиаьт-хасият лархььуну кьуццу тIун. Тамансса аьлимтал буссар муниха зузисса, амма миннаву хьхьичIун ливчунни Дагьусттаннаясса Гьарун Тазиев. Му часа цу уривав тIий хьирив лаллай, Гьази-Гьумучатусса ивкIун льявкьунни. Шикку



чIявусса тухумиртгайн чули цIарду учайссар. Масала, Кьажлахьул – кьажар тIисса мукьуя хьусса, Шивидхьул – швед тIисса мукьуя хьусса, Кьянкьухьул – кьянкьасса буну тIий чайсса, Хайдакьхьул – Хайдакьуллаясса тIиссар, ХIитIинав – кутIасса чурххал тIиссар, Тазихьул тIурча тази – чурххал лахьсса тIисса мукьуя хьуссар. Гьаруннул хьуна мямма Тази Гьарун муххал усттар ивкIун ур, мярчIанну, мяр-хьхьуртти дуллалисса. Ганал ххуйра-ххуйсса ххаржантругу дайсса диркIун дур. Чаххуврайсса заргалтурал маз-кьаз бивхьуну, га цацала Бухаралийн увцун ивкIун ур. Тикку Гьарун Тази Бухарнал ЭмирначIан агьну ур, ххаржантру дувавил цIа дурккун дур ганал. Ганал арс хIакингу хьуну, паччахIнал аьралуннай кьуллугь буллан ивкIун ур. Га Цалчинмур Дунияллул дяьвиллий лавгун, Польшанаву ивкIуну ур.

Гьарун Тазиев – хьунтIисса машгьурсса аьлимчув-вулканолог увну ур Польшанав 11 майрай 1914 шинал. Октябрь революция хьуну махь, Гьарун Тазиев эмиграциялул хьуну ур. 1917 шинал ниттищал га ивзун ур Бельгианавун, тикку гражданство дакьа, лихьачув хIисаврай хьанай ивкIун ур. Так 1936 шинал гайннан дуллуну дур граж-

данство. Му чѳумал га ккалай ивкѳун ур Льежский университетраву геолог хъанай ва Gembloux-лий агроном хъанай. 1938 шинал лавсун бур агрономнал диплом. Кѳилчинмур дунъяллул дяъвилул чѳумал дуккаву къадитан багъну бур. Так 1944 шинал лавсун бур геологнал диплом. Гъарун Тазиев му дяъвилул чѳумал чялишну хѳала увххун ивкѳун ур Движение Сопротивлениялувух (Данди буккавил Сукушинна). Цалчинсса даву ганал диркѳун дурр дувсилул мяъданнай Катангалий (Бельгиянал Конго). Муния махъ зий ивкѳун ур Францианал колониярттай. 1948 шинал ганан ккавккун дурр Китиро вулкан чантѳ кусса куц. Му иширал га хѳайран увну ур. Муния махъ га авчун ур вулканнаясса элму лахълай. 1957 шинал ганая хъуну ур Брюсселлал университетрал доцент, миллатрал вулканологиялул дязаннил хъунама (национальный центр вулканологии).

1958 шинал ганая хъуну ур Парижрал тѳабиаѳт лахъхъай факульте-трал доцент ва Парижрал Лухччи лахъхъай физикалул институтрал вулканологиялул директор. Аъращарай личѳи-личѳисса кѳанттурдай ганал лархъхъун дур вулканну: Этна, Стромболи, Эребус, Азарва пуркѳурал Дара Аьласккалий, Гваделупалийсса Суприяр, Мартини-крайсса Монте-Пеле. Ми иширттая ганал чивчуну бур цабала лут-тирду. Цинявпагу вулканная ганал чивчун бур 23 лу. Му бакъассагу, дунияллийсса вулканная мадара кинордугу ларсун дурр ганал. 1984-1986 шиннардий ганая хъуну ур Франциянал Премъер-министирнал хѳукуматрал насихѳатчину (госсекретарь), технологийсса ва тѳабиэс-са катастрофарттахлу жаваб дулайману. Га хъуну вулканнаясса ни-гъачѳаврил Хъунмур Комитетрал президент 1988-1995 шиннардий, ва мукуна Philomatique ва Exploerer тѳисса Нью-Йоркрал клубрал.

Гъарун Тазиев ивкѳуну ур Парижлив 2 февральданий 1998 шинал. Увччуну ур Пасси хѳатгаллив Пасси тѳисса Парижуллал махѳаллул.

Ганал луттирду бур хъинну буккин гъира бутану чивчун. Букку-ща бюхълай бур вулканологнал хъирив циняв захѳатшивуртту кѳул дан, вулкандалул чартталун ва мугъалттувун агъансса нигъачѳавугу дакъа. Ганал щала оърмува бур нигъачѳину лавгун, вулканну лахълай, гайннущал «ччалай».

Яла жапамур чѳун хъуну дур Гвадулапа жазиралий Суприяр вул-кандалучѳа 30 авгъустрей 1976 шинал. «Му къини, – чичлай ур Гъа-рун, – жу аѳѳния шанна минутѳ дутарду гур буллуну ришлашисса вулкандалул чарттал «гъаралу». Мукунсса чявхъри ттун цимилвагу ккавккесар. На цал-кѳийла къаагърахха дяъвилый немецнал авиа- ва артобстрелдахун. Ца ххуллух тѳурча щаву дирну лазаретрай таманс-са хѳал бан багъссар. Амма цавагу гай бомбарду Суприярданияр ни-гъачѳисса бакъая. Шикку дурсса аѳѳния шанна минутѳ тѳурча абад-шивуну чѳалан диркѳуна. Цанчирча, шикку ттун най буна бувчѳуна, гъич ххассал хъуншиву къакѳулсса...»

Зунттул чулданийх ччех диркѳун нанисса къяркъаравун агъукун, Гъарун Тазиевлул куна: «Ва духъунссар ахир!» Къура метраксса валт-

ний га лявкун ия дустуращал ялун бивчун нанисса цларал чявхълуя. Ганал каскалийх ца-кИва кIусса бюкъ бивщуну, бакI цIун хьун бувна. ЛячIин бувсса чанная арх бакъа дачIи тоннаксса гъявгъа чарил ххяли дагъуна. Иш мунийну къуртал къавхъуна. Гайннал ялун тIюпан бутIайна бия.

Амма ца вулкан дакъа къадиркIххивав ганащал ччалай. КIанттул хIакимтурал аьрза чивчун бия ганал элмийсса даврийн къарщисса. Гъарун ия Суприяр ттигу чантI къакуссар, нигъачIаву дакъассар тIий. Префектнал тIурча ганал тIимунихгу къулагъас къадурну, машин лавсэсса вулканологтурахъ экспертиза дан дурну, чрезвычайный положение (авара) баян бувну бия. Анавархъиндарай цувагу курортнай шагърулийн Пунта-Питрадайн ивзун ия. Иш тIурча хъуна Гъаруннул тIийкун. ЩинчIав цичIав зарал къавхъуна. ТIюпан бувтIуна бувагу 400 метралай. Шяравалу тIурча дия шичча 4 км архну. Гайннал хъирив шарнил халкъгу бивзун бавчуна. Къуллугъчитурал цIаний азарахъул инсантал цала минардугу къадиртун, лихъа-хъирив бихълахъи бувна.


Угъара хъуну махъгу, игъа лаган къалавгун, Гъарун авчуссар Эребус тIисса вулкандалучIан Антарктидалийн. Муниннийн гиккун лавгун ивкIсса вулканолог Чери-Гарардлул куссар: «Ттул оьрмулул яла захIматмур иш», – куну.

Амма ганаяр бигъану къабивкIссар Гъаруннунгу. Га ЭребусрачIан ивсса чIумал бувкссар буран, диркIссар дякъил -60°C , марч 180 км/ч щаллусса 30 ссятрай къакъабагъавай. КIисри микI лачIаврил, килпит лахъан къабюхълай ливчIун ивкIун ур пакъир, дукра гъели дуваншиврул.

Машгъурсса вулканолог ивкIун ур бюхъу бусса спортсменгу, гъунар бусса чичугу.



Сулайман МУСАЕВ



МУДАНГУ ХЪХЪИЧІУНССА ХХУТТАЙ

Давуд Абзиевлун 100 шин шаврийн бовну

Гъумучиял махъ, неххал тия чулий, дуссар (диркІссар) чІирисса лакрал шяравалу, тикку цІана анжагъ ца къатта ливчІун бур. Та Вилтташир. Шяравалу чІиринугу, Вилттащату тамансса гъунар ххишаласса инсантал бувкссар. Миннавасса ца ур Абзиев Давуд Сулайманнул арс.

Давуд увну ур 1916-ку шинал Сулайманнул ва Ханичал кулпатраву. Гъашину ва увну 100 шин бартлаглай дур.

Та заманнай лакрал хІалтІухъантал хъус лякьин цанма-цанма кІулминначІан занай, гъарца шяраваллил цанма-цанма нахІу лавчІсса шагърурду бивкІссар: гъумучи хъунмурчІин Тгуплислив лагайсса бивкІссар, гъухъал – Харьковрайн, хъурукІул – Бакуйн, шуними – Пирмилийн (Пермьлив), ххут ва вилтташи – Екатеринбургдайн (Краснодардайн). Мукуна лавгун ивкІссар Абзиев Сулаймангу Краснодардал крайрайсса Новоминская станицалийн хъус лякьин. Тиккунма бучІан бовну бур ганал цала кулпатгу. Тикку бувккуну бур Давудлул цалчинмур класс.

Амма, Сулайманнун Воронежуллал областърайсса Россощь тІисса хъун бакъасса шагъру къулай бивзун, ивзун ур тиккун. Давудлулгу дуккаву гихуннай дачин дурну дур та шагърулий. Тикку къуртал бовну бур ванал колхозрал жагьилтурал учкъула. 1932-ку шинал Абзиевхъул зана хъуну бур ватандалийн.

Цува пишакар унугу, Сулайман ивкІун ур аьрабрай дурккусса, дунияллух я тІивтІуну уруглагисса инсан. Ганан бовчІуну бивкІун бур пишакар заманалул ахир дукІлакІишиву ва дукъарккусса инсаннал иш къабачайшиву. Мунил Давудлул хъхъичІ щак бакъа гъартасса ххуллу тІитІин буллай бивкІун бур. Щурагъ шяраваллил маэшатрал рабфакравун увххун ур. Тава чІумал кІиккува медициналулмур рабфакраву дуклай бивкІсса Муркъилинахъал Юсуп-къадинал душ Рашидат дакІнийн бутлай бур, Давуд цува, душваравун къувтІуну нанисса ивкІун акъанугу, ца хъунама уссу куна, чІарав ацІан ччисса жагьил икІайва тІий. Рабфак бувккуну махъ Давуд увххун ур МахІачкъалалив Дагъусттаннал шяраваллил маэшатрал институтравун.

1939-ку шинал Давуд Аъзиевлул оърмулуну чӀярусса дахханаши-вуртту хьуну дур. Цалчин, гьаман га шинал бувккуну кьуртал бувну бур ванал институт, цуппагу мукун ххуйну, ва маслихӀатну ккавккун ивкӀун ур Москвавлисса Тимирязевлул цӀанийсса Шяраваллил маэ-шатрал академиялул аспирантуралувун кьамул ан. КӀилчин, инсти-тут бувккушиву бусан буттал шяравун лавгсса кӀанай бувцуну бур ванал цала шяраватусса Аъжа тӀисса душ. Цивгу хьуну бур хьинну кувннан кув бувчӀайсса лас-щар, гайннал талихӀрал кьутӀигу хьуну дур оърмулунунсса. Аспирантуралувун ухханна тӀий, Москвалив на-нисса Давудлул оьвкуну бур ДАССР-нул виваллил иширттал нар-ком А.И. Пантелеевлул. Танал бувсун бур, мюхчаншиврул органа-ву дурккусса зузат чанну бушиврийн бувну, жагьилнахь маслихӀат буллалишиву билаятрал мюхчаншиву дуруччаврил органнавун ух-хан ва му даврийн кӀура аяншиврул хасьсса дуккавугу ласун. Дукка-ву дан багьлай бивкӀун бур Централ мюхчаншиврул учкьулалий. Ца шинавун хасьсса дуккаву ларсьсса Д.С. Аъзиев лейтенантнал чинда-лузу зун ивкӀун ур республикалул НКВД-луву.

Тай диркӀссар захӀматсса чӀунну. Европанаву ва Азиянаву кӀиллай бивкӀссар КӀилчинмур Дунияллул дяъвилул лама. Гитлердул Герма-ниянал дазурду СССР-нул дазурдачӀан гьан дурну диркӀссар, дяъви-лул пацагу чӀаравра баллай бивкӀссар.

Германнал цала ясустал совет билаятрайн цаннал хьирив ца гьан буллай бивкӀссар. Буттал кӀанттул цӀанийсса Хьунмасса дяъви бай-бишин хьхьичӀ анжагь Дагьусттаннай диркӀун дур 8 кьачагь банда, цаву 32 талатала усса. Ми бакьассагу, цивппа-цивппалу кьача-кьуч-шиву дуллалиссагу 15 кьачагь ивкӀун ур. Миннал 37 партиялул ва совет кьуллугьчитал ливтӀуну бивкӀун бур.

Германнал разведкалун хьинну ххуйну кӀулну бивкӀссар Дагьуст-тан паракьат бакьасса, парх учин хӀадурсса кӀану бушиву ва хӀарачат буллай бивкӀссар агьали гьалакшиврийн гьуз бан. «Абвер», СД, ге-стапо кувннищал кув ччаллий цала ясустал, диверсантал, террори-стал бичлай бивкӀссар Зунттал билаятрайн. Фашистурал пикрилийн бувну, анжагь кирпит лахьанни лирчӀун дусса, Мичиххичгу, Дагь-усттангу цала чулийн кӀурабаеншиврул. Ми цивппанияргу Герман-нал бакӀчитуран Бакуйннал лухӀинавтри аьркинну бивкӀсса, амма Бакуйнсса ххулу бивкӀсса миччачӀилли.

Гьаман муна му чӀумалли Давуд Аъзиев органнайн тӀайла авцӀус-сагу. Мюхчаншиврул органнан бацӀансса мугьлат кьабивкӀун бур. Гьантлун 14-16 ссятрай зузаву цила аьдатравун дагьну диркӀун дур. ЧӀявумур чӀумал гьантта икӀангу гиккува, кабинетравува, багьайсса бивкӀун бур.

1942-ку шинал Москва цащава ласун кьашайшиву бувчӀусса Гит-лердул кьаст дурссар Сталиннун цӀасса шагьру ласун ва мунийну совет билаятгу, совет халкьгу кьюкьин бан. Амма му диркӀссар ялун чӀалачӀимур кьаст. Хьунмур мурадмур бивкӀссар, Волга дургьуну,

Бакуяту Волгалийхчин нанисса лухИнавтлиця бувну, билаятрал хьунмурчинмур индустрия дусса Совет Союзрал Европей Центр (Москавуллал лагма-ялтгусса кIанттурду) кьуркьуллул бугьан баву. Мукун 1942-ку шинал, гьидайдихьулий, фашист бакIчинал цала аьрал Сталинград ласун бачин бувссар. Мунищала архIал байбивхьуссар Къапкъазнавунсса гьужумгу. Утти дяьви тIайланма Дагъусттаннансса нигьачIавуну хьуссар. Нигь-ццахлил тагьар диркIссар КъахIибуллал (цIанасса Шамильский), Цумадиял, ЦунтIиннал, Буцихьиял районнай. Ми районнайн фашистурал диверсантал, ясустал, агитатортал тIайла буклай бивкIссар. Д.С. Аьзиев цувагу хIала ухайсса ивкIссар ми бандардащалсса талатавриву.

СталинградуллачIа ва Курскаллал ккуртлуй совет аьралуннал немец-фашистурал аьрал ххит баву хьуссар дяьвилул ххуллу гьану-цакул баххана шавуну. Утти совет аьрал анжагь хьхьичIунмай най, билаят оккупантураяту мурахас буллан бивкIссар.

Амма мунийну мюхчаншиврул органнан дигьалагру хьун дуллай къадиркIссар, цанчирча бандардал ххиличIурду ххартI дан аьркинну бивкIссар. Ми къачагьтурал цачIанма гьан хьанахьими ккуллардал цIарайну хьунабакъайсса бивкIссар. Аьзиевгу, ванал гьалмахталгу, цимилгу цала жанну пида дан хIадурну, ясустуращал ва хаинтуращал талай бивкIун бур.

1943-ку шинал Давуд Аьзиевлун, учIан увну Москавлив, Кремлилуву дуллуну дур орден «Знак Почета», цала ккаккан дурсса чувшиврухлу ва дяьвилул масъалартту биттур баврихлу. Га диркIун дур ванал цалчин ларсьсса, амма махьра-махьмурну къахьунтIисса паччахIлугьрал лишан.

Москавлияту зана хьуну махь майор Аьзиев ДАССР-нул НКВД-лул хасьсса инспекциялул бакIчи хьуну ур. 1946-ку шинал ва гьан увну ур ДАССР-нул МВД-лул Дарбантуллал горотделданул начальникну. 1948-ку шинал гьан увну ур МВД-лул аппаратраву зун. Цунилгу бандформированияртту ххартI даврил даву. Аьзиев ацIан увну ивкIун ур РитIлябуллал, Аьндалаллал ва Веденнал районнайсса (Чачан-Ингушनावу) ургьунчитурал ва хаинтурал кьюкьрал ххиличIурду ххартI дан сакин бувсса группалул бакIчину. Ми бандарду ххит давриву цувагу хIала ухлай, къучагьшиву ва нигь-ццах дакъашиву ккаккан дуллай, Давуд Аьзиев цайнма мютIиминнансса эбратну мундангу ивкIссар.

1948-1950-ку шиннардий подполковник Аьзиев ДАССР-нул МВД-лул бандитизмалушал талатаврил отделданул начальник хьуну ур. 1950-ку шинал МВД кIибачIавчIуссар МВД-лийх (Виваллил иширттал министерство) ва МГБ-лийх (ПаччахIлугьрал Мюхчаншиврул министерство), кIицI дурсса отделгу дуртссар МГБ-лийн, Аьзиевгу начальникнал хьиривчуну ацIан увну. Мунищала архIал ва увчIуну ур МВД-лул ва МГБ-лул цачIусса парткомрал секретарьнугу.

Амма микку лахьи лаган къаивтун, партиялул Дагьобкомрал пурмандалийн бувну, гьан увну ур дяьвилул шиннардий Лаккуяту анавархьиндарай агьали бизан бувну сакин дурсса Цуссалакрал райондалул цалчинма секретарьну. Тагьармур бигьасса къадиркIссар.

Бизан бувсса халкъ бивкIссар, къатIазанну къатIрацIа марцI дурну, микку дугъайсса хъуру дуллай. Му диркIун дур хъинну захIматсса даву: цукунчIавсса техника дакъахъукун, ххалаххарисса тикандалул къатIри аьрщарава карунних буклан багълай бивкIссар. Авлахърал гъавалийн аьдат бакъасса инсантал баргъ лачIлай, къашавай хъанай, литIлай бивкIун бур.

ЦIусса бакIчинал давриву, хъхъарами кIанттурду хъхъичIххуттаву бивхъуну, ми райкомрал батIаврий ххал бивгъуну, КПСС-рал Дагъ-обкомрал бюрорал хъхъичI бивхъуну бур. Обкомрал план хъинчулий ккарккун дур, Аьзиевгу му иширайн дуккан дуллан ивкIун ур, балжисса масъалартту щаллу буллан жаваблувсса биттурчитуралгу бацIан бувну. ХIасиллугу къулайсса хъанан диркIун дур. Хъиривмур шиналсса дучIия гъарцагу ккаккиялул чулуха ларайсса хъуну дур.

Амма къахъунмасса хIаллай ивкIссар Давуд Сулайманович ЦIуссалакрал райондалий. Ва ацIан увссар КПСС-рал обкомрал шяраваллил маэшатрал отделданул заведующийну. Шиккугу ванан хъинну ляркъуссар ЦIуссалакрал райондалий ларсъсса вардиш. Амма даврил лагру ва жаваблувшин цимилгу ларайсса хъуну дур. ЛичIиссара ургаву дан багълай бивкIун бур Нугъайнал ва Къалмукънал авлахъирттайсса кIилакиннайсса хIухчалтрал къушах, гай тIурча, бивкIун бур нукIузаманнул инсаннал хъхъуцантту кунмасса.

ЛичIиссава хIал ккаккавуну хъуссар 1953-54-ку шинал кIи. Зувира градусрал дякъил ятту къатIа тIутIи бувну бивкIссар. Яттийн дурксса къини цала лахъан хIарачат буллалисса инсантурангу яттиннияр бигъану къабивкIссар. Аьзиев ацIаву дакъа щуруй ивкIун ур, къутаннайх уклай, захIматчитурал дакI дуллай, дакъамур дузал данмур буллай. Цукуннугу инттунин ятту къатIа тIутIаву дацIан дан бювхъуну бур.

КПСС-рал XX-мур съездрал хъирив хIукму бувссар цала улкIуяту бизан бувсса халкъ махъунмай зана бан ва Чачан-Ингушнал АССР цIунилгу сакин дан. Мунил ДАССР административ-территориялул сакиншин даххана дуллай диркIссар ва Дагъусттаннаяту мукъра район Мичиххичнавун лаглай диркIссар, ми районнай ялапар хъанахъисса агълу тIурча цал уттигу цайми кIанттайн бизан бан багълай бивкIссар. Му ххараххупписса, бигъа дакъасса даву Д.С. Аьзиевлуй дирхъуну диркIун дур. Давуд Сулайманович цувагу му ппурттуву республикалул Совминдалул председателънал хъиривчуну ивтун ивкIун ур. Му даву хъинну цIунцIиялунсса диркIун дур. Гъарца кулпатран бувчIин бан багълай бивкIун бур партиялул политикалул мукссара гужсса дуламартту циван ласласиссарив, цIанасса республикалийсса тагъар цукунсса дуссарив, багълай бивкIун бур, мюрш ивкIун, гъарзатрах уруглан, гъарца кулпатрайн багъайсса масъалалул хIакъираву хIукму къамул баван.

1961-ку шинал цIу-цIусса сакиншиннарду дуллан ляличIинува ххирасса КПСС-рал цалчинма секретарь ва Министртурал Советрал преседателъ Н.С. Хрущев шяраваллил маэшатрал стратегиялуву ирглийсса дулама ласлан ивкIссар. Гъарца кIанай буллан бивкIссар къалмул, ахънилсериннул, ахъулссаннул, дикIул, накIлил, ппалул та-

даракру (заготовкартту) дайсса идарартту. Бувссар мукунсса идара Дагъусттаннайгу. Мунил бакІчину ивтссар Д.С. Аьзиев. Цала зумуну, му масъала цайми кІанттай цукун дузал буллай бурувгун, ххуйну ххал бивгуну, ва айивхуну ур мюрщисса мелькомбинатирттал (иникІма гъаяй комбинатирттал) реконструкция дуллай, цусса куват бусса къамазанну (къама ябай кІантурду) дуллай. Ванал, мюрщисса къама къамул бай пунктру цаннийх ца бивщуну, ттизаманнул техника дусса комбикормалул индустриялул къяртта сакин дурссар. Мукунсса комбинатирттал цану хьуссар Ухссавнил Къапкъазнаву яла хьуниминнувун багъайсса Щамхаллал ччатІул продуктирдал комбинат. Му комбинат, гъанумур пикрилул чулухагу, сиптталул чулухагу, бувну бацІан баврил чулухагу Д.С. Аьзиевлул цалава бувшиврун ккаллиссар. Жула заманнай Щамхаллал комбинатран дуллуну дуссар Д.С. Аьзиевлул цагу.

Цу бувну, реконструкция дурссар МахІачкъалаллал, Хасавюртуллал, Буйнакскаллал, Дарбантуллал мелькомбинатирттай. Д.С. Аьзиев бакІчисса Дагъусттаннал ччатІул продукциялул идара Ухссавнил Къапкъазнаву яла хьхьичІунминнувусса цану хьуссар, Аьрасатнал Федерациялувугу яла хьхьичІунминнувусса цаннин ккаллину бивкІссар. Дагъусттаннайн Аьзиевлул даву дачин даврил стильданушал кІул хьун щалагу билаятраяту бучІайсса бивкІссар. Хьамаллуралгу, даврил уртакьтуралгу кІицІ дуллай бикІай ванал даву дачин дайшиву чивуну, за кІулну, цаакъсса принципирттай.

Билаятрал лавайсса кымат бивщуссар Давуд Сулайманович Аьзиевлул бувсса захІматран. Ва цимилгу увчІуну ивкІссар КПСС-рал Дагъобкомрал вакилну, ДАССР-нул Хьун Советрал депутатну.

Д.С. Аьзиев ивкІун ур мюхтажнал чІарав ацІан хІадурсса гьалмахчугу, дакІ тІайласса дусгу, ххаллилсса кулпатрал бакІчигу. Цала кулпат Аьжашал ванал дуртун дур 45 шин, цаннан ца бувчІлай, цаннал цаннан ххуллу буллай, хІурмат буллай. Вайннал хьуни бувну бувну бур лайкъсса оьрчІру: Рашид, Мурад, Идрис ва Ханича.

Давуд Сулайманович Аьзиев мудангу дакІний личІантІиссар паччаІлугърал къуллугъчи хІисаврайгу, адимина-инсан хІисаврайгу, лаккучу хІисаврайгу.



Поэзия

Чанкура
КЪУРБАНМАХИММАДОВ

НИНУ

*Аъзизсса дур ттун нину,
Гъинтнил гъили баргъ кунна,
Мякъ лиххан бан хІачІайсса
БакІцаращул щин кунна,
Ккашил хъуний букайсса
Буттахъал бакъухъ кунна,
Тирххандарал къункбуллул
Ттиркьюкъал кІула кунна.*

*Нину дур ужагърайсса
Барачатгу, чанигу,
ТалихІрал дагъанигу,
ДакІ кІукІлусса кІинигу.
Нину чІарав дакъаний
Бавшусса бикІай баргъгу,
Шинуксса лахъи дуккай
Къуру кІинтнил къинигу.*

*Ниттил ттюнгъашиверу
Дур ницІал нацІушиву,
Мурччал пишил парливу –
Идавсил иминшиву,
Яруннал жавгъардаву –
ЦІу зурул янушиву,
Чаннасса сипатраву –
Оърмуллул узданишиву.*

*Ттун ччива ттула ниттил
БакІрай мусил таж бишин,
Ссавнийсса ккуркки зурул
Улттуй мунил цІа чичин,
Каши канихъсса Заннай
Икрам буллай чІа учин,
Жула аъзизсса ниттин
Оърму бутлан ттурира шин.*

ОЪРМУЛУЛ ЛАХІЗАРДАЛ ЛУ

*ЧІачІанних на личІара
Тювай ттуна навалу,
Мюри ивкІун ххилтІу буллай
Оърмуллул лахІзардал лу,
Ттислай, къукълай, ттиризлай
Щялу хъусса хияллу,
Къипурттах виттирикІлай
Умудирттал эяллу.*

*Луттирал чІапІай лякъай
Ттун лахІзарду ранг-рангсса,
Цавай бургъил нур дусса,
Цавай – лухІи-пурицисса,
Цавайннул балайтІи бай
ДакІнил куртІми хІужрарду,
Цавайннул аътІутІи бай
Чурххал оъттул туннурду.*

*Му чІумал дучІай ттучІан
ОърчІишверул инт хъамалу,
ЛадиркІун чулу хъусса,
Шинал къюлллул шанулу,
ДакІнийх рищай оърчІнийсса
ОърчІи тІуллал чІаракІлу,
ЦІунил чантІ учин буллай
Аьвну лавгсса аьмаллу.*

*ХъхъичІ дацІай оърчІний кунна
Чирунна тІутІал арду,
БачІва ччаннах даттайсса
Махмурданул дарарду
Ардал оьнтІуллал хъусса
ОърватІив батІай бярдугу,
Хъун неххай виххуччая
Дуллай ивкІсса кушарду.*

ХъхъичІ дацІай жагылишиву
Бидавлул буци бусса,
Буцилул къицишиврул
Къарчигъай хІайран байсса,
Барзунттал барзу куна,
Лахъну лехлан икІайсса,
Ччаврил ччамартту буллай
Ччаннай усру тІатІайсса.

ХъхъичІ дацІай агылишиву
Къадарданул къун щусса,
Дардирдал къурчи къуру
Заннал къюлтІатІи увсса,

Гъинтнил гылисса бургъил
Чурх микІлачІун буллайсса,
Ттуйнма щилчІав я къащун
МурцІув лякІлан икІайсса.

Луттирал махъмур чІапІуй
Лякъай лавмартсса лахІза,
Хъунав шаврил лишаннал
Жанграя чарсса хъусса,
Оърмулул ардаравсса
Къанкъ ххуй тІутІайсса нарза,
Баиттан бухлавгушиврий
Нигъ дакъа гым дуллайсса.

ЛАММАМ

Ца ламмам сававну
Дустал ххавххунни,
Ламмам цу уссарив
КІул ан къавхъунни,
Тти дустал ттул тІювайн
Къабуххай хъунни,
Багъана бакъанма
Баххана хъунни.

Ламмамния цува
Ити лавмартсса,
ДакІниву мурдалсса
Дугъаргъи дусса,
Ламмамнал зумув маз
Хъунишатлул бусса
Цаннивав дустуран
ХІисав къавхъусса.

Дустал арх буцаву
ДакІнийн къувтІунни,
ДакІ ххарисса гъантри
Бири-бат хъунни,
Дустал бучІанссар тІий,
Хъулийн ялугълай,
Яруннал жавгъарду
Жагъала хъунни.

Ламмам! Ачу укку
Ина ттул хъхъичІун,
Инсанишиврул лишан
ДакІний духъурча,
Вил лавмартсса мазрал
МицІлий мяр бищун,
Ттуйн ялувсса Заннал
Амру буннича.

ЗАННАЛ БАХШИШ

Заннал ттун мйицІалла
Шин бахиши дунни,
Оърмулул шараврал
ГъарацІи хІачІан,
Ттунмасса къисматрал
БутІа буллунни,
Буттахъал аьрцарай
Бусраврай букан.

Буттахъал аьрцарай
ЧчатІ нахІусса бур,
Щарацал щинал тІин
ЛяличІисса бур,
Гъавагу хІикматсса,
Гъаваслансса бур,
Уртту-тІутІал аьтри
Тунтну аьнтсса дур.

На оърмулул ххулли
Бивтссар зунттаву,
Ссавнил чІаххуврайсса
Буттал шяраву,
Лахъазанттайн лахълай,
Бизанттайх занай,
Барзунттал ххуйшиврул
Лижанну хІачІлай.

Ттигу царайнна дур
Ттул хханххираву,
Барзунттахсса ччаву
Хъуннар къахъанай,
ДакІ мина дурну дур
Зунттал бакІаву,
Зунчардил дагъанттайх
Ччамарду буллай.

Оърмулул угъара
Хьуну унугу,
Аьсаврттайн хъар хъанай
Хьит тий унугу,
Щалиххан тий дакъар
ДакI барзунттая,
Барзунттал бизанттал
ТутIал къункъая.

ДакIнин нушнура дур
Зунзул чанигу,
Чалагъайлул чятир
Зунттайх личайсса.
Ссавнийх ккуру найсса
Дувссилул тIясгу,
Щуртти хIайран буллай
КъавтIий бачайсса.

Уча, лажинни уча,
Булбул, ца ттигу балай,
Дути ва ттул дакIниевун
Гъинтнил баргъирал кIалай,
Ттун ина нава кунма
Бура магъмунну чIалай,
Багъравусса мурхъирдай
ЧанIал чарери
Чан хъанай.

Багърай аргъ дусса чIумал
Вил чу бия бюххансса,
Чунил такъвалул щатIул
НякI щама щюлли байсса.
Муний ттул дакI дикIайва
Мякълин вил такъва хIачIлай
Караматсса асардал
Ар-майданнайх сайр буллай.

Утти бакъар багърава
Вил балайлул чу баллай,
Вил балай къабаллайни
ДакIгу дур паиман хъанай,
Цир вил чу къабаллайсса
Багърал буллугъиивугу,
ЧанIацIа кIачIа хъусса
Мурхъирдал чIалачIингу?

Ина балай тIутIи бан
Гъи занадикIантIиссар,
Багърайгу цIуницIакул
Гъинтнил аргъ дизантIиссар.

Хьун неххал балайгу,
Бухкъалагайсса,
Бигъалаган бацIан
Мажал бакъасса,
Ххирар ттигу дакIнин
Жагъилнурацца,
Му балай къабаллай
ДацIан къашайсса.

КъакIулли ттуйн яржа
Та биянссарив,
Архсса ахиратрал
Оь ххуллийх ачин,
Цумур зунттуй ликкан
РухI лехханссарив,
Аьзисса барзунттахъ
Барчаллагъ учин.

БУЛБУЛ

Бургъил тIинттал кIункIурдуй
ТIабиаьт щарантIиссар,
Вил балайлул чIунихун
Мурхъругу къавтIунтIиссар.

Ттул оърмулул аргъ тIурча
Зана къадикIантIиссар,
Вил балай къабаяйнин
Вайлул хьуну гъантIиссар,
ХIиллакар цулчIа кунна,
Нуххулун духхантIиссар,
БагътIатI хъусса бюрх кунна,
Ххюнхху тIий шанантIиссар.


Цаннивав оърмулул аргъ
ЧувначIан цал дучIайсса,
Заннайн лаизларчангу,
КIилчин тикрал къашайсса?
Ариул хъхъемал кIунтI кунна,
Щяв дагъну дакъа шайсса,
ЯтIулсса тIутIи кунна,
ХIайпну чIатIу ликкайсса?

Шиннал паиман пиягъру
Ттул чIантIай щябивкIунни,
Ссутнил ссикIирал ссивцIу
Ссирссилттайх кай-кай хъунни,
Булбулданул балайгу
ХатIалий хаин хъунни,
Оърмулул багърал аргъгу
НацIу макIну лирчIунни.



Проза

Руслан БАШАЕВ



ЛЯХ-КАРАХ КУННА ДУРССА ЧИЧРУРДАВА

Ссавруннаясса ссайгъат

– Гъуя, ина шил ура, ттул арс, ссаврунная ссайгъатран гъан бувса яру ва инава.
(Няксса яру бусса оърчахъ.)

Кяласса чйри лухи къахъурча

– Укун, цукунчавсса хъулвагу бакъана, арс сагъ-саламатну дяъ-вилия увкुकун, буттал кяласса чйри лухи къахъурча, тамашасса иш бур...
(Ливтуминнавух ккаллину ивксса арс най усса ур тий бавсса чумал.)

Дачинну душварайх

Махъ заманнай, ваца члаку ссайгъат кунна, Европанавату жучанна къуч хьуну дуркунни кярчулачи. Мунияр машгурсса затгу хлакьинусса ттучаннай цамур цичлав дакъахъунссар. Амма жула зунтал агъалинал му цала зумуну дайсса диркун дур чясса заманнайра.

Масала, лагма-ялтту хлалурду чярусса жул шяраву, ттун клунугума, кярчулачи дувайва муркъал (березалул) мурхьирал кяласса ккирттарая. Явара, ччан бивкуннича куну, му бигъанна дангу къашайссар, мунил дуссар шаллусса элму: ми ккиртту бархъаллал тлахунттувун (къукъулувун) бивчуну, бярай цю дирхьуну, гиву къукъу бувчуну, ккиртту бавцан бувну ва мукунмасса цайми-цайми-

гу чІявусса кушурду бан багъайссар. Му ккярчІулачІи дурну къртуртал хъуну мукъах жул карашрал учайва:

– ДачІинну душварайх. ОбрчІан къабучІиссар, ссирссилтту дач-чайссар.

Шигу, ккашигу

Ккашилсса аьнакІун ши макІра ккаклан бикІайссар тІар.

Хъахъи тІама

Жула зунттал кІанттай, хІалурдал лагма-ялтту, мачІаву, ратІаву, бювхъуну шайссар суслил къатІри (барбарис). Сус мюнпатиран ишла-гу байссар цимивагу ххуллий: цалчин, ахъулсса хІисаврай, цивппа сус бивчусса ккурккимайлий (дурцІудикІуй) кІива тІин ххишаласса бикІайссар; кІилчин, ишттахІирай букан шайссар дахъа щюлли хъанай байбивхъусса ппурттуву суслил кърчІи-тІинсса чІапІив; шамилчин, къяртлул ккирттарал лувсса хъахъисса къат ххартІ дурну, яла къакъан дурну, хІувингу дурну, миннуя байссар аьвкъу-гъили хъуни бичайсса ссунтІ. Мира хъахъи тІама ккарччангу хъинссар тІун бикІай. Жул карашрал дур укунсса калимагума: «Суслил тІаннуя дурсса хІиссилттух шинай цалвагу гъавккури къабукарча, ккарччайн шатта багъайссар», – тІисса.

Хъунув диххан – Нухулив

ХъхъичІва жула шархъал цаппара чиваркІ лагайсса бивкІун бур хъунув диххан Кураллавун, Нуху-Щамахлив, Гуржинавун бияннин. Хъунуврал мархрай ятІул дайсса диркІун дур ххаллу. Яла, махъ-зуманив, ятІул кърмузи дурккукун, хъунуврал багъа ялавай багъну бур ва му диххангу чил кІанттурдайн къалагай хъуну бур.

Маклил тІама дан – Яруссаннайн

Маклил тІаннул къркъутив къукъин жула ппухълу лагайсса бивкІун бур Яруссаннайн. Мак – му хъанай дур ттарлил мурхъирал тІама. КІинттул чІумал маклил цІуцІалттул чаннай (обрусрай му хъанай духъунссар лучина) хъами ппал дюхлай, ххаллу дуллай бикІайсса бивкІун бур. Гъарца хъамитайпалул инттунин урчІра-ацІра чухълунсса даву дайсса диркІссар тІар. Яла махъ тІурча, машачитал Бакуя дучрай, ттукрай лухІи навтлил дурцІусса къачІри ххилан бивкІсса чІумал, маклилмур чаннал кымат чан хъанан бивкІун бур.

ЧІири-хъуншиврул дущин

Ва зумашарний увкусса аьнч тамур зумашарнийн баяйсса шяравалу.

Ити на багъманчину

Лаккуй сайки циняв шярваллаву махъсса чумалнин бивксса багъирдаца хьуну жува ливчун бушивугу дакниинну, мудангу тикрал буллан бакъа бакъасса махъруну чалан биклай ттун Гиндусттаннал хьунасса чичу, гуманист Рабиндранат Тагордул кусса укунсса махъру:

– На дукъанна кунттища ххаржан, шяв бишинна ччала. Магъан улларда на архсса билаятирттайн, мабулларда ттуйн амрурду цу-цусса ххувшавуртту ласлансса. Ити на багъманчину вила багъраву.

Ссавурданий балуци

Зай кибачайссар тар. Ва лакку учала чичин бур гьарцагу хьамитайпалун гьарца кьини ххал хьанансса канттай. Ччатлухунгу, нисирахунгу зай чин хадурнувари биклайсса жула хьами.

Барзгъа

Ва аслийсса лакку махъ жунма архалва хьамабитан хьунма хал ливчун бусса ххай акъара. Ванил ишлашин оьрмулуну хьинну чан хьуну дуну тий. Бак-щик шахлахьийни хасул шайсса гьарайн (аьгъушиврийн) учайсса бивкссар барзгъа куну. Ми ядайссагу диркссар даруврал ххуллий: тувтулийх дуккангу, байча шусса ччаннал кисри аьгъу бангу ва мукунма цайми-цаймигу мурадирттай.

Урттул къяча

Урттул къяча – укун учай мартрай буллалисса марххалттанийн халкъуннал, яни уртту хьунсса ххуйсса рахматри тисса мяналий.

Ки дайдихьлай дия

Оьрчлах хьусса хьамитайпа кунма, баргъ гьантта бувккуну чулий багълай бия.

Ташулул туркю

Тутуя нарза ласласисса най: ликкавай тутуй, гъаз шавай – лахлавай тутти, тайла шавай... Ваца ташулул туркю-за буллалисса хханссар.

Зияратру хьусса нагъ

Хьусрахъ унува, Райла тисса хьамитайпалул ихтилатрава на чирчуну дур укунсса кира калима:

– Лазуни дунни кайннал, къабакрава ажари личинуксса.

– Тай лагаву дарцан дуркун, куллив, зияратру хьусса нагъ хьунтиссар.

СсайчIав мяш къавхъуну

Къалуя обл, рукIлила ниц, кIиллула чу булунну тIива, агарда цала тIимур барча.

Халкъуннал тIардава

Хъхъунил чIумал хIухIу тIисса айгъур къахъиншиврунни тIар.

ЦулчIа аьтIисса хъхъу

ХъатIан бивзсса чIун. КIутIу тIий буллай бур марххала, цIаннавух чанна лахълай, пиягъру бур гъанай мурчай. Цакуну баллан бивкIунни къурату лякъа цIун хъусса цулкIул аьтIисса чIурду...

Бурушинттал ясиртал

ЦачIун бавтIун, бавкъуну гъалгъа тIий бур хъами, цанния ца цIардугу дуллай, лап тяхъа бувккун. Яла, гичча цумур хъхъичI лавгрив, булукъуну мазру буллан бикIай гания. Ахиргу личIай шанма – цавагу сислай бакъар хъхъичI бувккун бачин, ганиннин хъанай бивкIмур дакIнийну...

Къатрай къадишайссия къункъула

Ттул буттал шяраву, кувначIан кув бучIайни, буххайни, буххайссия, нузайн къутI къаувкунува. Нузкъунттив аьнт дурну къадикIайссия тачIав. Шаппа буни аьнт ча дави, хIатта заллукъру къатIушав бувкнигума, хъу-лухччинийн бархан зун лавгнигума нузкъунттай къадикIайссия цукунчIавсса къункъуллив. Нузайсса бурхIулттай дархIуну дикIайва анжагъсса бартрахIин, ягу янналул лиссу – мугу, хъунмурчIин, ккаччи-ччиту къабухханшиврул.

Чуннайри дакъа хъусса кувннал кувнайсса вихшала – цияр ххуйсса затгу дуняллий, луглай, лякъин хъинну захIматсса. Цири мунил савав?

ИсвахIан бартбису

ИсвахIан бартбису (халича) караматсса бартбисур тIар: цуксса кIутIу-къатI буллай, марцI буллай, шюшлай урав, мукссава ххуйгу хъанай, цIайгу букIлан бикIайссар тIар, яни шинну наниссаксса цIулаглан бикIайссар тIар.

Мукунмасса бикIан бакъаяв инсантурал оьрмурдугу. Къаччанссия!

Къурукъирттал бурхIайсса читIри

Цуксса тIайлассарив къакIулли, ссуттил-интту архсса билаятир-тайн левххун нанисса чIумал, бигъалаганшиврул, читIри цаппара хIаллайсса къурукъирттал бурхIай шябикIайссар тIар.

Хъинну ций бур хъазам

– Къумашиврул, чъявуну аьсив хъанахъаврил, хъазам ций бур хъинну...

Укун тий ия ца базилух сайки зунттул хъачлуксса ца чув-адами-на. Цаппара члумул хъхъичл га цакуну шарссаницла хъуну ия – зувил-лий арулла шинай чачлу яхъусса шарссаницла.

Ттун му ишираву бювхсса затну хъуна, къюкл ций дур, дакл ций дур къакуну, «хъазам ций бур» учаву.

Аьс ан нанийни бавсса балай

Цува аьс ан увцуну нанисса клюрххицлун члумал арх бакъа ккив-кку тлссса ччиккул члу бавсса ца инсаннал зуматусса махъруну ливчлун бур Японнал поэзиялуву укунсса шамма:

Агъ, ччиккуй, на вил балай
Ххал банна утти щалва
Ливтлуминнал дунъяллий.

Вай ххару чивчусса шаэрнал цла клулну дакъар.

Цири ина ушиврул мяъна

Каши караматсса жула лакку мазраву дур, ваца инсаннал къимат бищаврин кунна, аькъилну хласул хъусса кунсса калима: «Я хъуни хъаннил зумалувух акъасса, я мюрш душварал балайлувух акъасса».

Гъич къаччива ттунмагу я балайлувух, я зумалувух акъа личлан.

Ххал хъурив вингу?

Зулгу, жулгу, ахъуву бур ца тирххандарай тлутлайх бивчусса клива яккандалул мурхъ. Ххал хъурив вингу?

Хлурхлама ва дирима

– Ил, хлурхлашиву цири, дири дукку.

– Ина-личли, дирисса дуну, ларгун, га къурату бюрх бувгъуну дур-крав?

Дяркъу ва гъилишиву

Вил ттиликлрал гъили бувсса варакъи: клирагу канил бувгъуну, буллай ура нахлала, хлачллай ура дяркъусса щин, вил чурххал гъили-шиврул асаргу хлалану.

Яттил ххютту лахъиссар

Захлатсса шиннардил члумал угъарасса буттал цала арснахъ бул-лалисса маслихатрава:

– Ятту ябуллалу, ттул арс. Яттил ххютту лахъиссар. Яттил хлай-вандалул мискинчу тикл учин айссар.

Хъяврин бува на

Ниттил хъирив аѳтисса оѳрчѳ хъяврин бувайссар ахъулссан-нул. Уча ттухъ ттун нахѳу бизансса махъру. Хъяврин бува на, ваца мурадирал ххуллий кунма. На вийн бухкъалагаѳсса барчаллагърай личѳанна. Бити на му наѳусса тагъарданий уттигу цаппара хѳаллайсса лахъи лаган.

Щихачѳав къалавхъхъусса шаѳр-душ

– Ттул портрет ттинин къачирчуссар щилчѳав, амма на бура чурх-хал кутѳасса, лавхъхъуссагу бура ахттакъун чѳумал мечѳакъатѳраву балай тѳун бикѳайсса чѳелмуллуха. Ттул бакѳрайсса чѳарагу дур, муч-чуч кунна, хъаласса ва гъалххасса, яругу – коктейл хѳарчѳун мукъах исттикандалул чѳанулу личѳайсса кѳива бяъли кунмасса.

Вай дачѳи авдалсса кунна чѳалачѳисса калимартту XIX ттуршуку-лий яхъанай бивкѳсса американал шаѳр-душ Эмили Диккинсоннул (1830-1886) чичрурдавассар. Ванил чаймур ва чичаймур ссахачѳав ва щихачѳав лацан бан шайсса бакъар. Вай бур кѳулшилул ва гъавасрал талатаврий загъир хъусса кунмасса, жаваб дакъа суаллу, цава ца ин-саннаву чѳивиссагу, хъунассагу инсан гъалгъа тѳисса кунмасса.

Масала, вана ца ттигу калима:

– Март барз, ваца кайп хъусса чѳаххувчу кунма, гъарца хъхъуну кьутѳа тѳий бур ттул чѳавахъулттийн.

Ца ялагу калима:

– Гъав – му чѳивисса къаттар. Мивун увкѳманан дулайссар шанаши айсса чъай.

Яруссаннал бавцусса чѳаящиридуш

Муккурдал шяраваллил лувсса гъарахъату, къама-щивщугу гъавуну, махъунмай цила шяравун нани ххуллий хъинну бакѳрал-гу бювхъусса ца чѳаящиридуш (цѳа дакѳний дакъари) та заманнайва бавцуну бивкѳлун бур яруссаннал. Ттукри цивппа бивкѳссия тѳар Чѳа-яхъхъун, хъирив нанимагу акъанува.

Му иш хъуну ца 20 шинавату Чѳаяхъхъун дакъил хъун душнил нит-ти-бутгачѳан бивкѳлун бур Яруссаннаясса вакилтал. Амма цукунчѳав дакъил бан къавхъуну бур. Ва бусалалул хъунмур мунийну къуртал хъуну бакъар. Ларгун дур ялагу диялсса шинну, лавгун бур манзил. Оѳрмулул 83 шин хъусса чѳумал, цила циняв агълу-авладгу бухлав-гун махъ, та душ, къабитан бивкѳсса куццуй! – утти къари дуркѳлун дур дирчѳан цила бутгал шяравун, Чѳаяхъхъун. Дирчѳаннин яхъанай-гу диркѳссар тѳар шарнил мизитрал чѳаравсса халват къатлуву цур-далу.

Щун битира ттуйн хлукъу

Жул шяравасса ца иялчу, урчIва ттуккуйсса къама гъаянгу лавгун, гай буканнин къаивтун, хар-хавар бакъасса азар дахчуну, апа-лухъхъун лавгун ивкIун ур.

– Ва дуниялгу ца аьжаивну ххуйсса пана дуниял диркIун дурча, тIитIара му чIавахъулу, щун битияра ттуйн щюлли къурнил хIукъу, – куссия тIар мунал ивчIан ца-кIива лахIзалул хъхъичI.

Чув чапур шайссар

Ххишала дакъа аькбилсса калиману дизай ттун «Чувнайх чув укларча, чув чапур шайссар» тIисса калима.

Гъарал ларчIсса хханссар

Мурчал хъюлчайтIи буллалисса муркъал мурхъирдал къяртрал ва чIапIал чIурду лахълай бур зиг буллуну ларчIсса мюрш гъарал чIуниха.

Даки кIаландалухъ дачIра дан

Кувни, хъуннасса къума-къияшиву ялун дирсса чIумал, инсан даки кIаландалухъ дачIра дан ивну икIайссар тIар. ВаницIунма бавкъусса ца цамургу лувлякъу бур лакрал: «ХъатIу лухIину лавчIсса дакиниймур щихъ-бунугу бусан къавхъуну тIийри тIар», – тIисса.

Зувира шинай дургъусса зума

Хайри-хIажи тIисса ттул нитти ниттил ниттил, цуксса вих хъун бигъасса зат бакъанугу, 30 шинал мутталий дургъуну дур зума. Шинай ритайсса диркIун дур дурагу шамийлла: Къурваннул къини, Аьшурдул къини ва Зумаритавал къини. Дунияллий цамур кIанттайгу мукунмасса зат тикрал хъухъунссар учин хъинну захIматри. Хайри-хIажи кIийллари, шамийллари хIажлийнгу ларгун диркIун дур.

МяйцIаллийсса шинну хъуну мукъахгу, цилла хIажлул авагу ялун дуртун, му къуручIа къаралданий дикIайсса диркIун дур. Жул карашрал мудангу хъинну чIярусса къур дугъайсса диркIун дур – цанна къатлунссагу, Гъумук базаллуву маэшатран дахханссагу.

Бугълагъира утти къая

«Вил буттал къатри диркIсса кIанттай чил къая бугъивуй».

Жула лакрал шархъал бакIрачIан дуркIсса хIакъинусса къинилул тагъар исватну тасттикъ дуллалисса ванияр хIакъсса зайгу мабикIарача.

Марці дулувара ттаркІру

ДикІ ттурчІаца мюршну марці дайсса бутгал душру бакІрал ххуйсса бикІайссар тІар.

Ккашил бивкІусса ттукку

КІива ххалабакІул дянивсса ттукку ккашил бивкІуссар тІар, цумуния байбишинтІиссарив къкІулну ливчІун.

Ххал бигъа мурчайну ва гъарайну

Мурчал кьини чу ласи, гъарал кьини тта ласи

Мусил нихъри

Дуккан дурсса шарссанил нихъри мусилну чІалан бикІайссар тІар. ВаницІунма бавкьусса цамургу учала: дакъа хьусса чІиллул кьурму мусилли.

Нину ххяххансса мурлу ххал буллай

Шярваллия ядурцсса машилий колхозрал кьункрачІасса цалла ниттичІан бувкІсса 6 шинавусса уссингу, 5 шинавусса ссингу ляркъуну дур нину, ккарччи цІий, хъинну къювулий.

– Гъуя, ва ци аъзав-аькьувар! Ттун ххяххан мурлу бакъассарив чувчІав, ва къювулуца ххассал хъун! – тІий диркІун дур нину аьраталну.

– Бачу, ссувай, жува мурлу ххал бан гъаннуча, – куну, ка дургъуну ссугу цащалва бувцуну, занай, занай, ахиргу ххал хъуну бур гайннан ца мурлу. Га ххал шайхту, левчунма бувкІун ниттичІан:

– Бавай, бавай, лявкъунни жун мурлу! Нану, ккаккан банну! – цаннияр ца ххарину баян буллай бивкІун бур ниттин.

– Гъа-гъа-гъай, зул та бутгал нурчІи дучІивухъул, зугу на ахъния дутанмуних хъуну бивкІун бурухха! – тІий, дайдирзун дур гайннахун нину.

ОьрчІругу бивкІун бур, цаннах ца буруглай, цичІав къабувчІлай...

Ца-кІира шинал хъхъичІ Аьрасатнавун хъус ляркъин лавгун ивкІсса гайннал ппу, цамур шарссагу дурцуну, тихва авцІуну ивкІссар тІар. «Зул бутгал нурчІи дучІивухъул» тІисса мукъурттил мяънагу мичча нанисса диркІун дур.

Ва хавар на чагъарданийн лавсун бур, СумбатІлиясса КІукІу тІисса (кІа чІумал уссищал занай бивкІсса ссу) хъамитайпалул бувсун.

Къува гъантлий тІиртІусса гъаттал нузру

ХъхъичІва-хъхъичІ оьрчІ бувсса жалин-шарссанин къува гъантлий гъаттал нузру тІиртІуну дикІайссар тІий, ласнал ниттил га къува

гъантлий зузи къабайсса бивкӀун бур. КӀилчин оърчӀ бувссаннул цӀу-
цӀисса цичӀав къадикӀайссар тӀий, ца нюжмардува даву дуллали бан
бучӀиссар чайсса бивкӀун бур.

БюрувракътӀул тӀутӀив

БюрувракътӀуй хъяхъа куну дур тӀутӀив: царай дахъа банавша
рангираву дур, царай – къувлунгума дирзун най дур.

КӀира тагъарданийсса къужри

Къурагъсса шинал ккурчӀав щябивкӀун бивкӀисса къужри,
бакӀрайх чӀапа лавххун нанисса ккаччи ххал хъуну бунува, бувагу
хъян къабивкӀиссия тӀар. Хъиривсса дюрхъусса шинал тӀурча, анжагъ
га дукӀувасса ккаччи дакӀинийн багъну, гъар-гъар тӀий хъян бивкӀиссия
тӀар.

Буруккину, къургу

ДачӀра ххюттуйн къур дукарча, буруккин кӀачӀа шайссар тӀар.

Ттурши щуну, ликътӀуншиврул

Зунтгаву авгъуст зуруй, Ттурши бувккукун, хӀухчалтрал цалва
ятту, хаснува ссиру, ялавай рахӀавун бучӀан буллан бикӀайссар, Ттур-
ши щуну, ятту ликътӀуншиврул.

Ваца бурулдания бувсса кунмасса

– Цукунсса душ бия?
– ЧӀанччанналун кьинс битарча, къабакӀрава зяй личин кунмасса
душ бия.

Ккаччи кӀура баенну – кӀива шагъи

Лаккучу ивкӀиссар тӀар ккаччи кӀура баенну кӀива шагъи ляхълай,
кару шюшинну шанма шагъи харж буллай.

Къинилул къуллугъчитал

Къини читӀул дайдишайссар, булбулданул дайлитӀайссар.

Цалийн бучӀайсса цукунни?

Ина ура, вацӀлувух хъуну, гъарахъун най, на ура, гъарахъух хъуну,
вацӀлувун най.

Ччалаччаву цурда рити

Жяматрашал ччаларча, жан кЮла дуккайссар, кулпатрашал ччаларча, ччатІ кЮла буккайссар.

Хиянатчинал сурат

Чай буртти ивкІукун, щарсса хъамаритай, чаяту ливккукун, чу хъамабитай.

Къуш бищунсса кІантту цІухха ницахъ

ХъхъичІва, мина дишинсса, къатта-къуш бансса кІантту язи буглагъийни, хъхъичІмур кѳинива итабакъайсса бивкІун бур ницру: хъхъувайния кІюрххилнин ми ницру ци кІанттай, цумур чулук утту-бивхуну лявкъурив, микку бищайсса бивкІссар тІар къуш, бизайсса бивкІссар тІар шяраваллил гъану.

Бурувчуну лякъиннав

Бувччукун, зуналухун, ккашил хъувкун, цуркнихун багъайсса агъулдания бурувчуну лякъиннав жува Заннал.

Балаллун мусиватгу хъунабакъайссар

БакІялавай нанисса балаллун бакІлавай нанисса мусиват хъуна-бавкъуссия тІар.

Яттин ва къатлун

Ччяни уттуивхусса адамина яттин, чІалну уттудирхусса щарсса къатлун хъинссар тІар.

Ччяни зия шайсса хъами

Жулла ца лакку шяраваллил душру бакІрал ххуйсса бикІайссар тІий, ихтилат багъсса кІанттай ца хъамитайпалул куна:

– ТІайлассар, му шяраваллил душру мѳйжаннугу ябацІансса бикІайссар. Амма яла махъ хъами, чІагъ-чІагъ диркІун, тІагъ-тІагъ диркІун, ччяни зия хъуну лагайссар, – куну.

Нину арснахъ

– Дадал ялату ша макъубаванна. Виннихха, ттул арс, на оърму харж бувсса, аътІун-тІатІан къаивтун...

На акъа цура тисса буттал душ

- Гъула, Хасанхан, ина цукунсса душ буцин даКниий ура?
- КкурчІав ччаннайх ччан бутайсса буттал душ буцин ччай ура.

Оьна мазанарда

Оьна бивзсса шаттиралу ашрапи къалякъайссар тІар.

ВичІал уттуллайсса хъхъемал кІунтІру

ЧируннатІутІул чІапІал кІиянттай загьир хъусса хъхъемал кІунтІру кунна чІалай дия ганил вичІал уттуллайсса мюрщисса вичІилусру.

Арулуннан ца

Аьпабиву, Ячарихъал АхІмадил, хъу ттихІлахІисса чІумал, арулуннал хъирив къав бахІайссия тІар.

БакІлахъиялул дуцин

– Лув-ялув кІива кацІ буцІа – хъуссар ца къав, ххюва къувая – ца чІанну, мйра чІаннуя – ца ттукку. Ттуккух кІира хъурча* – агъ, машаллагъ!

*Шикку хавар кІира дачІуя бухъунссар.

НацІлия ва хІанттия

Мискин нацІлия, загълун хІанттия изаннин лагайссар тІар кІинтнил къини.

Ашрапилий кунма, щябилукІу

Душнил щябикІаву-бизаву кугълансса, лаллай-къалаллалисса дикІан аьркинссар тІисса мяъналия нанисса дур укунсса лакку калима: «Душ, ашрапилий кунма, щябикІаван аьркинссар».

Яьбу ва Юргъа

Ахттайннин яьбу чай, ахттая махъ юргъа чай бачайссар тІар баргъ.

Хъунав шаврихъхъун мадад мабулара

Хъархъаллая хъархъаллайн тІанкІ учайни, бархху цилва хъирттайсса бурхІулттах (шиннардил аьщурдих) къабуругайссар тІар.

«Щинав насу учара»

Жул шяраватусса Авьдулманап тIисса адамина эшкьи хьуну ивкIун ур ца душних. Амма му мунап нясив къабувну бур. Оьрмулулгу мадара угъара хьуну, къашавай шаний усса чIумал, му тIий ивкIссар тIар (миннал чIавахьулттийн тIайлану бивкIссар зилухун лагайсса ххуллугу): «Танихь щинав насу учара, на танил буцилух цал уттигу ябитан ччай урача», – тIий.

Халкъуннал тавакью бувну, тагу лавгун бивкIссар тIар щинав. ЛяличIинува буци исвагьисса хьамитайпа бивкIссар тIар та цуппагу.

Аьрщи гургутIи дайсса щарсса

Зунттуйсса чару куннасса: ка къалаярча – паракьатсса, ка лаярча – аьрщи гургутIи дайсса.

Аьдадасса гьалгъа

– Ина ура, къатталату ппалав урувгсса куна, гьалгъа тIий. Яни, чичIав къачIалай, чанная цIаннайн.

Ччаврил кIини

Ччаврил кIинилий кIира къюкI дикIайссар тIар.

Лакхьирдал шяраваллил къатрайсса ца магьи

Ца ххуллух ттула дус Ширвани Бакмаевлушал архIал Лакхьирдал шяравун лавгун унува, ттун тиккусса царай къатрай ккарккуна чIахIлул путIаяту дурсса ца исвагьисса магьи (Оьмархьал къатрип тIисса дунуккива тай къатри).

Тай цинявпагу чIахIа та заманнайва лавсун бувкIссар тIива ария. Цивпагу цукун? ЯгтицIун бавхIуну! Даэлия зунттаун куч хьуну нанисса чIумал, ца-ца хIайвандалул бурхIай ца-ца кацI къамушрал цIакь бувну, лавсун бувкIссар тIива Лаккуйн.

Цукуннив ца авурсса ранг-гу хьун дурну, ца-ца багъан бувну, саргъунну магьулук бавкъусса чIахIлул путIал магьи, махь бакъа, лархь-хьуну дия дакIний личIансса магьирлугьрал давриха.

Къабуккавай бувксса ташу

Хъала нухьхьайн хьун дяркъу дирну дур. Яни чIумувату бувксса душнин ташу бувккун бур.

Хъуру

Къуру-хъу – курчIуну диртсса.

МитIула-хъу – къадиртун ца ягу кIира шин хьусса.

Кувсса-хъу – къадиртун цаппара шинну хъусса.
Гъуртту-хъу – чачуну дургъусса.

Акълулул ахир дакъассар

«Так ахІмакъшиврулли дусса ахир, акълулул дазу-зума дакъас-сар», – куну бур щиллив.

Дуривкъай вин нач, дакъарив

Дунияллий ляхъан дурсса цинярдагу рухІирдаву анжагъ ца ин-саннащар тІар бюхъайсса ятІул ичин.

Ттархъ тиннай диша

Хъамитайпа ттуршайннир ттюнгъашиврийн мютІи шайссар тІар.

Тавхана

ХъхъичІва зунттал шяраваллаву тавханттул дячІанкъатлуву бикІайсса бивкІун бур чарил тав. Тавлуву дишайсса цІарал ялун ма-гъула зурчІай тІий дикІайсса диркІун дур шанхъапа бусса муххал щинзир – кІункІур лаххайсса.

ХІарачат бусса щарсса

– Ттул ччиния ччимур дуккай ччиккуй!

ЛицІаннин ссавур данну

Революциялул чІумалсса тагъардануцІун бавхІуну, НицІавкІул-лал Шяпинал (1889-1918) кІунттила бувккун бур гениалнайсса мукъва хха:

Оьлувкъуну нанисса
ХІуриятрал аьтартту,
АьцІалахІин къабувккун,
ЛицІаннин ссавур данну.

ЧІадахІ

ЧІадахІ: хъхъичІазаманнай жула лакрал укун учайсса бивкІун бур стакандалийн. Чичрурдаву ва бакІрайн багълай бур нажа-мажа-гъ. ХІакъину циваннив ишлавагу къабай.

Зунтталчу – Европанаву

Жула зунттал заргалтал-усттартал та чІумал, цалва бувсса яра-гъ бахлай, маэшат абад буллай, буккайсса бивкІун бур хІатта шал-

ва Европанавух. Миннал магьирсса хатI бусса ярагъ (тур, ххаржан, шушкIа) ласайссагу бивкIун бур лайкьсса багълий, хъуни къатрал заллухърунная байбивхъуну, паччахIтурал чIалъаърдайн бияннин.

Мукунсса савдажартуравасса цану хъанахъисса, Гъумучатусса Къушихъал МахIаммадлул къадиртун дур жунна ххишала дакъа къимат ххисса дакIнийн бичавуртту. Кув чIумал якъамассагу дур ми, кув чIумал хIазирай ккалан дакъа дакъассагу дур.

Вайнна миннуvасса ца-кIира:

«На акъа урвавлий цамагу ва ччурччу дунияллий, мюнпатирттах луглай, Ватан къадиртесса...».

«Пикрирдай, хияллай, дакI махIрум хъанай, азарда къачIа шай хъхъу ва къини. Бургъил ччуччин бувсса зунттурдунияргу къакъан бунни ттул чурх ва гъурбатрал...».

«Варшава шагърулий бунува, жул лагма лавгун, жуй тамаша буллай бия. Оьруснал дазуй бухъурчагу, тайннан тачIав чаргас янналуvсса инсантал ккавккун бакъая».

«Берлиннай, шагърулуvун лавгун, ца ппиваханалуvу щяивкIун унува, ттухъ къяпа букъа тIий, къалмакъал хъуна...».

Иширах буругарча, зунтталчунахъ бакIрайсса къяпа букъа тIутIаву – му хъуннасса къюкъалалун ккаллисса зат бушиврия немецнан хаварвагу бакъахъунссия.

АьтIисса ризкъи-къини

Къатлул заллу дунияллияту лавгукун, мунал ризкъи-къини аьтIун дикIайссар тIар, архIалла ятиншиврий лирчIун тIий.

«ЩяйтIаннул» бйкъин бувсса ташу

Жул чIаххуврайсса шярваллил жяматрал дянив бур яхъуну укунсса шамма:

Никъурахун къур бивсса
Къардашхъан къабуллуну,
«ЩяйтIаннул»* хъхъури дугълан
Аслихъан буллуссара...

*Укунсса ца дусса вилцIун бивкIун бур.

Чапурнал дукия

Мунил дянив ци манзил лавгссарив къакIулли, жул шярватусса Ибаттаттал буттал ХанмахIаммадлул Карашав хъхъичIва-хъхъичI нувщи бувгуну бивкIун бур, чарив, цукуннив лавсун увкIун. Валлагъ, чапурнал дукия дугълай ур куну, мунай 5 къуруш аькIлул дирхъуну диркIссар тIар.

Ачу тти, гъалгъа тIутIу.

Къячи ягу къукъу

Цума хъхъичІ, цума махъ ва дунияллияту гъантІссарив къакІулс-сар тІсса мяъналий учай: «Щин кІулссар, хъхъичІ къячи гъагъавив, къукъу гъагъавив», – куну.

Так цІан ларкъуну мукъах

ЦІан ларкъуну биялсса хІал хъуну махъ лагайсса бивкІун бур хъхъичІва хІалтІилуха бувкІми бивкІулул заллукърунначІан алхІам буккин, жижара бан. Шяравунгу цІан ларкъуну мукъах буххайсса бивкІун бур.

Вилахнил ялуршин

Ласная личІи хъусса щарссанин вилахнилгу ялуршин ласайссар тІар.

Буруччиннав мукумминнаца

Мурччай малаикнал пишру бялахълай, дакІниву щяйтІаннул обр-чІру тІуркІу тІий.

КІурчІулттуй ккутІруксса

КІурчІруксса къатлуву кІурчІулттуй ккутІруксса давурттив чан къашайссар учай.

Гъалаксса бидав

Муксса къудурса чу бияхха – валлагъ, аьрщи-ссавнищал данди букканссия.



Поэзия

ЧИАБАДУШ

Лакрал халкъуннал лахъи балай

Аьрал аьрайн лавгун
Арул базилах
Тагу ци авазар
Аьразаннийсса?
Аьрал аьрай ливсса
Хавардив бувкИсса?
Аьрай ххув хьуминнал
Хьуниннив бувксса?

Аьразанний ратIнил
Щин дяркъуссар тIар,
Аьразанний щинал
Щар лахъайссар тIар.
ИчIура щин дуна,
Щингу багъана –
Найнугу на бивра
Ци тIарив баян.

БачIва къахъинссар тIар
ЧучIинттул урша,
АпатIран пандри тIар
БачIвасса урша.
Аьразанний ратIру
Чялавлий дуна,
РатI куртIнийгу бишав
Щин къарицу урша.

ХIурулъэн ххайявав
Ссурула ливксса –
Лагмагу лавгури
Арул бурттигъалт.
Арул базиявав
Чая къаливккун,
Мякълин хIачIан урша
Биял къавхъури.
«ДахIалай, да вирттал!
Ххуллухъин чивив?
Аьрай талатинан
Бадал муварив?»
«Жухъ дахIалай чиннин
Жу хIалал бита,
Ххуллухъин учиннин
ДакIний хъин бита».

«Да зурув, да зурув
Аьрай бивкI аьрал,
Ххазар ханнал кьюкьри
Кьукьари дурми?
Заннаху, миннатри,
Арул бурттигьалт,
Ттул оьручал дахьчу
Чув махьнин агьри?
Ялагу заннаху,
Дусналгу дустал,
Ттул пар цIарал ттугьчи
Щил аглан уври?»

«Да зурув, да зурув,
Аьрай бивкI аьрал,
Ххазар ханнал кьюкьри
Кьукьари дурми?»

«Вил пар цIарал ттугьчи
Ттугь ябуллайри,
Сангарду дургьуми
Даргьали кьахьун.
Вил оьручал дахьчу
Гузла буллайри,
Тай душманнал ясир
Янила кьагьан».

«Агь, зухь му цIувххусса
Ттул маз кьакьивуй,
ЦIувххумур бувсьсса зуй
Аьйгу ци дави?»
Дяркьу щинал бувицу
Чучинттул уриша
НякIмикIиран хьури
Шаптай бияннин.
Гьоя-гьарай кьачав
Нину ццах кьачин,
Яру кьавхьчин кьабав
Буттал аьй кьадан.
Найнугу бавчура
Чуруллал чуллийн
Чув урив ххал уван
Оьручал дахьчу.

Лаххана тIий лаххав
Жагьизрал гьухьа,
Рутанна тIий рутав
Пар мусил бакIхьа,
Букканна тIий бувкра
Буттал кьатлува

Чув урив ххалуван
Пар царал ттугъчи.

ХъхъичІух ккурун диркІри
Ттул хъунна бава,
Магъара тІий увкри
Хъириг хъуна ппу,
РахІму чІатІун бивкІри
Чун архІал душру,
Тамашалий бавтІри
МахІла-махІларду.

Байгъин хъириг агъсса
Ттул хъуна бутта
Ликкурттал угъаннав
Хъириг къалаян.
Агъи тІун дарихсса
Ттул хъунна бава –
Маз шиши багъаннав
Ятнан къабаян.

Цияллу дуриІусса
Чун архІал душру –
Магъара тІихъурча,
Магъар бахІиннав.
Хъун ккурчІа бувиІусса
Щарнил хъунисри –
Аьй дуллалихъурча,
Аьйлул бугъаннав.

Оьттул язидтуран
Мадал булун бан
Ва дакІ жард учирча,
Нава бивчІаннав!
ЛичІаврин дуркІцириг
Дарай-зарбавртту
ДачІин нясиг даннав,
Яллагъ, ттул гъаттай.

Ялугълай буявав
Арул бурттигъалт,
Арулагу увкри та аьразаннийн:
«Вин ххуллухъин, ххуй душ,
Аьрххи чунмайри?
Аьралуннал ттугъчи
Инава ххайрав?»

ЯхІлилсса буявав
Арул бурттигъалт,
Арулагу ливкри

Икрамрай ттул хъхъичІ:
«Ххуллу архсса буссар –
Юргъачу буца,
Мурдалтал гъарзассар –
Ярагъгу бахІи».

«Оъручу бакъасса
Чугу ттун къачча,
Дуснал тур дакъасса
Ярагъгу къачча.
Хъунасса ппу уссар,
Къамаитари.
Ялсса нину дуссар –
Ялгъуз мадари.

Найнугу бавчура
Ттунма навалу
Авлул гадри къагъай
Хъархъаллал хъачІайх.
Битан ккулла бакъа
ЛивчІун биявав,
Авлул ахІирардайх
Авчи къаккаври.

КІюрххия гъанттайннин
Бургъийн аманат,
ЦІан хъхъунил лякълуву
ЦІурттайн аманат.
Жанавартгуявав
Аърай бухлавгсса,
Пурици чакъал бакъа
БакІрайн къабагъри.

«Заннаху, миннатри,
ЛухІивхху чакъал,
Га ттул гъалбуриЦил дакІ
Вингу къаккаври?»
«Га вил гъалбуриЦил дакІ
Ттун ци кІулссия,
Хъинсса виричунал
Хъазам вивх бичав».

ЦІан хъхъунил лякълуву
ЦІурттайн аманат.
КІюрххия гъанттайннин
Бургъийн аманат.

Лелуххантгуявав
Аърай къатІ хъусса,
ЛухІи хъатІу бакъа
Лехлай къаккаври.

«Заннаху, миннатри,
БакІ лухІи хъатІуй,
Ттул къиргъулул яру
Вингу къаккаври?»
«Вил къиргъулул яру
Чув ккакканссия,
Ца журутсса жагъил
Жавгъардаџа ав».

Агъ, зухъ му џџувххусса
Ттул маз къакъивуй.
Ттуй язугъ къавхъусса
Зуй ягъи шивуй.
Гъухъа гъанар хъуннин,
БакІхъа ссуссиннин,
Найнугу на бивра
Чуруллал чуллаин.

Илхъи-илхъив дурну,
Дучри чџявуя –
Буџи оъручалсса
Чалай бакъая.
Лиссу-лиссу хъуну
Ттугъру гъарзая –
Царал ттугълил парсса
Ляхълай бакъая.

Чуруллал къалалий
Къарал џџакъссар тІар,
Къалалул къапулий
Къичри аьнтссар тІар.
Къала къаласай чу
Буџинва џангъа?
Чюйлий къабиџай ттугъ
Бугъанва џангъа?

Чуруллал къалалий
Къарал џџакъссар тІар,
Къалалул къапулий
Къичри аьнтссар тІар.
Гъанна тІийва лавгра
БакІуй къалалийн,

*Букканна тІий бувкра
Къалалул лагма.*

*Ттугъ кІунттихъна лявкъур
Ттугъчи барулух
Яру хъатІрал хІавчІун,
Хъазам вивх бувтун.
Гъуя-гъарай къачав,
Душман шад къаан,
Мукъал кІунтІ къабутава,
Дус аьсив къахъун.*

*Лавхъун лахъ барулийн,
Ца ххара бувава
Ханнал багъадуртал
Аъраххан банну,
Ца ялагу бувава
Зунттайн баянну,
Зунттаву ливчІ вирттал
Аъраттал банну.*

*Чарххичи ххайявава
Майданнив увксса,
Ттул лагмагу лавгри
Ханнал инчактал:
«Кулла къабияйсса
Чуруллал чІюйлийн
Ина цукун лавхъра,
Лакку щарнил душ?»*

*«Кулла къабияйсса
Чуруллал чІюйлийн
Ттугъчи ивкІу душман
ИвчІанна бувкІсса!
Кариунтал бялахъай
Ханнал чІалъаърдайн
ЧчиссаннацІа бувнан
Щархъунна бувкІсса!»*

*Цивикъан иявава
Ливхъун цІа ларсъсса,
Ярагъ къарзтІи буллай,
Ттул ялун авчур:*

*«Вил ттугъчигу увтсса
На багъадурал!
Инагу буцайсса
На къушмандарал!»*

*Ва хІакъину къини
Ссал къабагъари,*

ДакИнил мурадирайн
Чабадуш бивсса!
Канийн тулак хьусса
Туйгъуннияргу,
На тIуркIу тIий лавгра
Язиднал тIинин.

Бисмиллагъ увкуну,
Къану тIивтIусса –
Хью къавтIутIи дурди
Дуснал оьручал.
ХIу-хIулул шавкъ цири,
Маиттакъ-ахтIачуй?
Вин на бивчусса хъа
Загъруман шивуй!

Ссалаватгу руртун,
Ларзулун лавхъсса –
Ларзу чанна лархъри
Лялух бахIултрал.
Чаннал пар-пар цири,
Сситтул пюркъурдуй?
На зуйн увкусса ках
ХхартIину шивуй!

Ккавксса кIул къабувну,
Къатлувун бувхсса –
Чиртту чIюлу буври
Авур янналул.
Зул чIюлуххин цири,
Дуснал ивссултруй?
На зуйн буквI ххалаххи
Ххарахлу шивуй!

ХIадуршиву цияв
ХIасрат дагъивул –
Дирзуннара дия
Хъун хъатIул урцIи.
На барачат банъяв
Барча ласивул –
БувцIунава бия
Шараврал гъанцIи.

На ганайн учавай,
Ганал хIачIавай.
Ганал ттуйн учавай,
Хъувух бутIавай –
Ччурул бувччу бувсса
Ккаччи укуна,
Увччу увну утав
Оь-лухIи душман.

Ниц булуну ларсъсса
Дуснал мисри тур,
Бисмиллагъ увкуну,
КӀунттилгу дугъав,
Бисмиллагъ увкуну,
КӀунттилгу дугъав,
Ссалаватгу дуртун,
Дарвачрах дишав.

Дуснал къалахханну
Яннагу лаххав,
Дуснал къабахӀинну
Ярагъгу бахӀав,
Дуснал къадишинну
КӀилигу дишав,
Дуснал оьру бидав
КъавтӀутӀи бував.

Чарххичи ххайявав
Сайр бан дакӀнийсса,
Къапулукъ къаралчи,
Къариши къаувкри.
Ашрапилул зяръяв
Икъралну хъусса,
Ххуллукъингу куну,
Къапу аьч буври,

Чуруллал къалалий
Къарал цӀакъссар тӀар,
Къалалул къапулий
Къичри аьнтессар тӀар.
Къала къаласай чу
Буцингу цангъа?
ЧӀюйлий къабищай ттугъ
Бугъангу цангъа?

Изула, изу, дус,
Чу бувкӀун бурча,
Душманнал бакӀурдих
Тур мякъну дурча.
Бугъала, бугъа ттугъ,
Вирттал най бурча,
ХӀалачӀаврил къини
ХӀакъинурича!

Душман ххари кѳаан
Кѳиллуйх кѳаатав,
Кѳиллувун лахѳан ав
Тур кѳунттивуна,
Вирттавран яхѳиран
Ттугѳѳу бугѳан ав,
Гай Чуруллал чуллайх
Чугу вайлул бав.

Хѳири в най буявав
Арул бурттигѳалт,
Арулагу увкри
Ттугѳ партѳи заннийн.
Ттури-ттуриша цахѳусса
Ххазарнал кѳюкѳри
Кѳюкѳари дуллайна
Арду махѳ лирчѳри.
Авлул ххуллайх багѳсса
Байгѳун авчитал
Бугѳлай, хѳхѳичѳ бакѳлайна
Ваѳѳри лях багѳри.

Найнугу, жу бивру
Шавалли ѳайлийн.
Щарнил агѳлу лѳвкѳур
Ссукѳ-лукѳилуѳу.
Лукѳи лархсса ѳихри,
Ттул хѳунна дадай?
Лукѳи лаххан бита
Ххазарнал хѳами.
Кѳума лавгсса ѳанна,
Ттул хѳуна буттай?
Кѳума лаган бита
Ххазарнал чиваркѳ.
Ябитала, бита,
Дус, лагма ѳарнийн,
Тир хчин буваннуча
Дакѳ кѳума ларгми.
Мархѳ биѳцала, биѳца
Дакѳ гѳаргѳ ѳѳручайх,
Ца ссур буваннуча
Ар-аѳразаннийх.

**Ва балай чивчуну бур Махѳаммад ѳБМАРОВЛУЛ,
ѳалла буттал ниттил Аминатлул бувсун.**



Ѕкyрдa

Фoльклoр

●
ЛAKКУ ШAMMAPДУ
●



Хъярчийсса шаммардава

* * *

Ухшярава айихъуй,
БакIшяраву айлитIуй,
Душy бунахъ чIатIалай,
Къабулурча, аьтIалай!

* * *

Я инавагу чуврав,
Чирилун булай ябуи.
Чингу итталуссарав,
ПарабакIуй ттуккул нис.

* * *

Ва щарссанил маз ласуй,
Щарнил ниттил ус лаххуй,
КIарттул лахъруи щяивкIун,
КIарттащи накъллил хIачIуй.

* * *

Аьв кякандалул яруи,
Лив кякандалул мурччив,
Бувту хъуварал лажин,
Инарав ттул гьалмахцар!

* * *

На ина тIий вил хъирив,
Ина бакI чулий дугълай,
БакI чулий къадугъайнал
Дагъаннав бакI чурххая.

* * *

Ва ариши бакъа тIамай,
ТалихI бакъа чагъанай,
Ттул ариши бивкIссания,
На вихун багъайссияв.

* * *

ЩяикIарча, оьрватIий,
Изарча, гъангъаратIий,
Ивзун лавай ацIарчан,
ТтарлихIаллил ччантIакъуй.

* * *

Ччин-ччин уксса ччаннащал,
ЧчантIакъуксса чурххащал,
Ссав дакъанийнмай лагай
Чилайиннал бахIличиваркI.

* * *

Буттал къатлул ялттучул
Чуттугъярданул къатIай,
Ина ттун хъинни кунан
Хъиншиву къаккакканнав.

* * *

Ласри тIар, лиссури тIар -
БакIуйх дишай ххялаххи.
Чуври тIар, чухъари тIар -
Уттаннай ттирсу ккуртта.

* * *

Ми вил бурчул тИлихру,
Вай ттул хъахъи чакмарду
ЦачIу къадакъайссари,
ОърчI, насу вила ххуллийх.

* * *

Вай ттул ятIул дарайртту,
Му вил чIурттал къавача
ЦачIу къадакъайссари,
Бити на паракъатну.

* * *

Оъллаарив оъл ттизуй,
ЧаматIуй урша бищуй,

Хъурвах лагаву дуккуй,
Буларав на вин бавал.

* * *

Ва инил суй сун дихъуй,
Суйл къаклакъуй аьш дихъуй,
Лаччул чимусул бакIрай
ТIаннул къункъула дихъуй.

* * *

Вана-вана ттул щарсса –
Лухччи ттирикIай кIулу,
Вари ттул щарнил нину –
Дунияллул аждагъа.

Эшкьи-ччаврил шаммардава

* * *

Да интту гъалул чIирий,
Ссуттил ппалул ссирссилттуй,
КкурчIнил чIирай рищусса
Дуиру ххияй ххячарай.

* * *

Бюхттулну бивхъу къяпа
Лагъ инагу мабара,
Шаврийну дуртсса лачак
Щилтагъ нагу къаданна.

* * *

БакIцаращуй щин ххярххун,
Кувссал лахIуни дуцай,
Ттигу дурив, агъсса чув,
Вил ттун дансса оьшиву.

* * *

БакIуву бакIцаращул
Ттуллу оърчIиссари тIар,
Вилгу тIуллу оърчIури,
Жагъил оърчI адаминай.

* * *

Жагъилнанни увкуну,
Агъилнан нясив барча,
БакIравусса ня къаркъун,
Савда хъуну гъанссара.

* * *

Цуттуруллул хъхъев ххива,
ЦIузурул чани ххива,
Бивтсса гъили баргъ ххива –
Ххуй душъявхъур най бивкIсса.

* * *

Гъархъхъуну чIаххуверанийн
Хъамали душ бувкIунни,
Нава ляхъан ув Заннайн,
Ххяххабаргъ бивтсса ххива.

* * *

КIичIи-кIичIирттал бакIрах
Шярал хъаннил даккаву
Щиятури учирчан –
Виятува ттуяту.

* * *

Ахъаву хъункIултIултIул
Ккиригу къаливкссия,
Хъхъириву лялужавгъар
Ххазиналун бувкъссия.

* * *

Ахъ бакъасса майданни
Ццац бакъа хъункIултIултIу
Мариттара, хIаясиз,
Вил му иман дуккивуи.

* * *

Щюлли урттуйх манарда,
Вихава гьакъ шайссари,
Тутуй ччан мабизара,
Къисасрал угъайссари.

* * *

Щюлли урттуйх ва тутайх
Къабуллусса тутул мурад,
Марххалттанух ва силух
Буллунувагу къачча.

* * *

Бюхттулишуву, лахъишуву
Лакъи чурттуйх ишивул,
Ххуйишуву-ххаллишуву
Бавал хъхъичлук ишивул.

* * *

Агъ, замана буссия
Нава цайминнай хъяхъисса,
Тти замана бувкунни
Цайми тутуйва хъяхъисса.

* * *

Бюхттул цияллайн лавхъун,
Чалагъай клутлу матIра,
Ханнал аьрайн най ура,
Вилсса буллай акъара.

* * *

Лакъу, душ, лакъ цияллайн,
Буруглагу тутул хъирич,
Мазукъур байлитIуннин
АьтIи ба тутул яру.

* * *

Ялавай най иявхъур,
АрхIал къабуцайнавхъур.
Му лялу ххаржсандаул
Бивххунвагу къабити.

* * *

Вай яру лухIицири
Цинявптагу лавмартри,
Ттул яру лухIи цунгъар,
Ява лавмарт машара.

* * *

Ца-ца чIумал угъ учай
Гъарив тутул дикIул дакIнил,
Арши бакъа чурххиран
Цикссава ккакканссарив.

* * *

Душ, ххаллишуву цира,
Яру лухIину тIийрав?
Хъярхъаллай бикIай хъатIу
Щалвава лухIиссари.

* * *

Душ, алвагъишуву цира,
Чавру ятIулну тIийрав,
Базаллуву ятIул гъивч
Хъиннува ятIулссари.

* * *

Агъ, вил бава дирчIивуй,
Яруннал ххуйишуву цир,
Та Лукъманнул хIакиннал
Щекъиран бувтIунавав.

* * *

Агъ, вил чув ухлагивуй,
Чурххал бюхъаву цира,
Шакилий пури бивцуну,
Ширваннаву бувнавав.

* * *

Ина ттун ччай, на вин ччай,
Заннал нясив къабарча,
Ца-ца ттуруллул илчи
Чан маара, гьалмагъай.

* * *

Шагъитаргулул бакIрай
КIяла къяпа бишаврил,
Вил дакIнил къумашиву
Ттун къакIулсса ххай урав.

* * *

БакI мусил, чурх арцулсса
Вил бавал вин буцирчан,
Вил лув кIану бишайнан,
ОьрчI, навагу къахъунна.

* * *

На ялавайсса рашав,
Ина лавайсса рашав,
Вин дуриу чIара щарнил
Къуллугъирай бацIанна.

* * *

Агъ, вил къатта ччуччивуй,
Къатта бакъар цан учав,
Ина ва на бакъирчан,
Валттулугу къаттари.

* * *

Вил къатлул каши хъуннин
Инигу къабуканна,
Вия савдажар хъуннин
Яннагу къалахханна.

* * *

Дюхлулул марч бивцууну,
Щюлли къур ливххун бачай,
Эшкьилул марч бивцууну,
Чурх бавссуну най бури.

* * *

Къуругъату къув кури,
ТилитIа ттурлу дуркри,
Вай зунттал мюрици щархъайн
ЧутIул чявхъа бивчури.

* * *

На вил эшкьи ядуллай,
ЧIарав шяравунияр,
ЧIявучил тимар буллай,
Вайлул ардарав ччива.

* * *

Ардаравгу хIавира,
Вил чурххиран лавхъхъусса.
Гъавалийгу чIапIира,
Вил мазрай гъалгъа тIисса.

* * *

Ариул хъазам ябувтун,
Вив дирхъусса вил эшкьи
БатIулния къаданна
ЛухIи гъаттав бишиннин.

* * *

Эшкьи хъуннав, къахъуннав
Эшкьи душманнан хъуннав,
Нясив къабувсса эшкьи
Душманнангу къахъуннав.

* * *

Ччаву хъуннав, къахъуннав,
Ччаву язиднан хъуннав,
Ташу къабансса ччаву
Язиднангу къахъуннав.

* * *

Къуругъиял къур битав,
Къуваллал майдан битав,
Лаллай лаян къавхъунни,
Зиризавал, вил хъири.

* * *

Ччурччу дакIнин ци бави,
Хъу эшкьилун ци бави,
Душманшиврий авцIусса
Буттал арснан ци бави?

* * *

Аьтара лахъай къиргъуй,
Щин лахъай щинатIалий,
Ирин буцай оьрчI къиргъуй,
Вица лахъан къавхъунав.

* * *

Аьтарттуйх турлил ламуй,
Хъхъиривах мурчал ххуллуй,
ХIинча дакъа пагъламан,
Гуржи бавал азнавар.

* * *

Да, укьу, лухIи душман,
ЛухIи яруннал хъхъичIа,
ЯтIул мусил дуниял
ЛухIину чIалай дурча.

* * *

Буттауссу ссав хъуну,
Буттарессу бала хъуну,
Бутталцири ца хъуну
Бувтунна лухIи хъхъирийн.

* * *

*Заннаху, щюлли хъхъирий,
Чанулун мабутара,
Зал ччай, хъхъирил жамучий,
Къиринмай галай бува.*

* * *

*Ци бави цан учара,
Вил банмур бухлагивуй,
Ца хъинсса виричунал
Банмур бухлагайссарив.*

* * *

*Ттупанграл барт къакIулсса,
Турлил зума къакIулсса,
Ина аьрайн гъан увсса
Вил оьбава дирчIивуй.*

* * *

*Яллагъ, аьзиз гьалмагъай,
Му давраннай личIаннав:
Буцин чавай, чил шавай,
Ччисса шавай, бивчIавай.*

* * *

*Ина цитIра тIар уча,
Цил ци бави тIар уча,
Цил тIимур байсса хъурча,
Магъар биша тIар уча.*

* * *

*Къаччи-ччиссаннал бувсса
ЯтIул дарайлул гъухъа,
Ччиссаннацал тIуркIу тIий,
Хъаралун бувтун бури.*

* * *

*Эшкъи балассаявав
Качарданил чурххиран,
Ччаву мусиватъявав
ЛухIи тIутIул яруннан.*

* * *

*ХъункIултIутIул дакI угъ тIий,
Яшмилул яру аьтIий,
На рутайсса хъхъу-къини
Ттул душманнал рутаннав.*

* * *

*ХъункIултIутIул ттул дакIинийн
Хъун буруккингу бувтун,
Хъун неххацал ялавай
Лавгссар аьзиз гьалмагъай.*

* * *

*ТтутIулгу тавбари тIар
Хъюхъулийн кIутIу къахъун,
Тти ттулгу тавбари, оьрчI,
Ччисса цама къауван.*

* * *

*Къала-къалардайх занай
Вилгу усру тIатIарчан,
БярабакIурдайх бихълай
Арцул хъазам аьвунни.*

* * *

*ОьрчI, ина къаацIайсса
Дякъурув хъу дуссарив?
Вил тула къабацIайсса
Хъунил марца буссарив?*

* * *

*Аман, на читIу хъурдай,
Мизитраву кюру бан,
Ца читIул оьрчI на хъурдай,
Вил щекъи-къалан хIачIан.*

* * *

*На уттубивхъу шаний
Шатта уттубишиннав,
БакIрацI бивхъу кIараллий
ОьрватIи щябикIаннав.*

